


MËSIMI 1 - SHPËTIMI

Vendimi yt për të besuar Jezus Krishtin si Shpëtimtarin tënd personal, është vendimi më i madh që ti mund të kesh marrë ndonjëherë. Sidoqoftë, ka shumë mundësi që ti të mos e kuptosh rëndësinë e vërtetë të asaj që ka ndodhur në jetën tënde. Qëllimi i këtij mësimi është që të të shpjegojë shkurtimisht çfarë ndodhi, dhe, se si vendimi yt ka influencuar në marrëdhënien tënde me Zotin.

I. Në botë ka vetëm dy familje shpirtërore.

A. Familja e Djallit. **Gjoni 8:38, 44** ³⁸Unë flas për ç'kam parë tek Ati im, dhe ju bëni gjërat që keni parë tek ati juaj». ⁴⁴Ju jeni nga djalli, që është ati juaj, dhe doni të bëni dëshirat e atit tuaj; ai ishte vrasës që nga fillimi dhe nuk qëndroi në të vërtetën, sepse në të nuk ka të vërtetë. Kur thotë gënjeshtërën, flet nga vetvetja, sepse është gënjeshtar dhe ati i saj.”

1. Ti hyre në këtë familje përmes lindjes fizike. Ne të gjithë jemi pasardhës të Adamit, dhe ngaqë ai mëkatoi, ne trashëgojmë natyrën e tij mëkatore. **Romakëve 5:12** “Prandaj, ashtu si me anë të një njeriu të vetëm mëkati hyri në botë dhe me anë të mëkatit vdekja, po ashtu vdekja i arriti të gjithë njerëzit, sepse të gjithë mëkatuan;”




2. Për shkak të mëkatit tënd, ti u dënove me vdekje. **Romakëve 6:23** “Sepse paga e mëkatit është vdekja, por dhurata e Perëndisë është jeta e përvetshme nëpërmjet Krishtit Jezus, Zotit tonë.” **1 Korintasve 15:22a** “Sepse, ashtu sikurse në Adamin të gjithë vdesin, kështu të gjithë do të ngjallen në Krishtin,”
3. Krishti erdhi dhe, duke e pranuar atë si Shpëtimtarin tënd, ti fitove jetën. **1 Korintasve 15:22b** “Sepse, ashtu sikurse në Adamin të gjithë vdesin, kështu të gjithë do të ngjallen në Krishtin,”

B. Familja e Zotit.

1. Ti hyre në këtë familje nëpërmjet një "Lindjeje Shpirtërore". **Gjoni 1:12-13** ¹²por të gjithë atyre që e pranuan, ai u dha pushtet të bëhen bij të Perëndisë, atyre që besojnë në emrin e tij, ¹³të cilët nuk lindën as prej gjakut, as prej vullnetit të mishit, as prej vullnetit të burrit, por prej Perëndisë.” **Gjoni 3:3** “Jezusi iu përgjigj dhe i tha: «Në të vërtetë, në të vërtetë po të them që nëse një nuk lind përsëri, ai nuk mund ta shohë mbretërinë e Perëndisë».

2. Si rezultat i lindjes tënde të re, ti ke trashëguar natyrën hyjnore të Zotit dhe tani ke një jetë të përjetshme.
Gjoni 3:36 “Ai që beson në Birin ka jetë të përjetshme, por ai që nuk i bindet Birit, nuk do të shohë jetë, por zemërimi i Perëndisë qëndron mbi të».
Gjoni 6:47 “Në të vërtetë, në të vërtetë, po ju them: Ai që beson në mua ka jetë të përjetshme.”
1 Gjoni 5:12-13 “¹²Ai, që ka Birin, ka jetën; ai, që nuk ka Birin e Perëndisë, nuk ka jetën. ¹³Jua shkrova këto gjëra juve që besoni në emrin e Birit të Perëndisë, që të dini se keni jetën e përjetshme dhe që të besoni në emrin e Birit të Perëndisë.”
3. Me Krishtin ti je një person i ri. **2 Korintasve 5:17-18** “¹⁷Prandaj nëse dikush është në Krishtin, është një krijesë e re; të vjetrat shkuan; ja, të gjitha u bënë të reja. ¹⁸Por të gjitha janë nga Perëndia që na pajtoi me veten e tij përmes Jezu Krishtit dhe na dha shërbimin e pajtimit,”
4. Fryma e Shenjtë e Zotit jeton brënda teje. **1 Korintasve 6:19** “A nuk e dini se trupi juaj është tempulli i Frymës së Shenjtë që është në ju, të cilin e keni nga Perëndia, dhe se nuk i përkitni vetvetes?”



(Efes. 1:13 “Në të edhe ju, pasi e dëgjuat fjalën e së vërtetës, ungjillin e shpëtimit tuaj dhe, pasi besuat, u vulosët me Frymën e Shenjtë të premtimit,”)

II. Zoti nuk merret me ty si me një mëkatar, por si me djalin e Tij.

- A. Ati yt Qiellor si një baba i mirë tokësor.
 1. Do të të dojë, ndihmojë dhe kujdeset për ty.
1 Pietrit 5:7 “duke hedhur gjithë merakun tuaj mbi të, sepse ai kujdeset për ju.”
 2. Do të të mbrojë ty.
Mateu 18:6 “Por ai që do të skandalizojë një prej këtyre të vegjëlve që besojnë tek unë, do të jetë më mirë për të t’i varet në qafë një gur mulliri (që e sjell rrotull gomari) dhe të zhytet në thellësi të detit.”
 3. Do të të sigurojë për ty.
Filipianëve 4:19 “Dhe Perëndia im do të plotësojë të gjitha nevojat tuaja sipas pasurisë së tij në lavdi, në Krishtin Jezus.”
 4. Do të të drejtojë dhe mësojë ty.
Gjoni 14:26 “por Ngushëlluesi, Fryma e Shenjtë, që Ati do ta dërgojë në emrin tim, ai do t’ju mësojë çdo gjë dhe do t’ju kujtojë të gjitha këto që ju thashë.”

5. Do të të ndihmojë ty.
Psalmi 46:1 "Perëndia është për ne një strehë dhe një forcë, një ndihmë gjithnjë e gatshme në fatkeqësi."
 6. Do të të inkurajojë ty.
Filipianëve 4:13 "Unë mund të bëj gjithçka me anë të Krishtit që më fuqizon."
 7. Do të të disiplinojë ty.
Hebrenjve 12:5-11 "dhe keni harruar këshillën, që ju drejtohet juve porsì bijve: «Biri im, mos e përçmo ndreqjen e Zotit dhe mos e humb zemrën, kur ai të qorton, ⁶sepse Zoti ndreq atë që do; dhe fshikullon çdo bir që ai pranon». ⁷Në qoftë se ju duroni ndreqjen, Perëndia sillet me ju si me bij; sepse cili është ai bir të cilin s'e ndreq i ati? ⁸Por, po të jeni pa ndreqje, në të cilën të gjithë u bënë pjesëtarë, atëherë jeni kopila dhe jo bij. ⁹Pastaj etërit tanë sipas mishit i kishim ndreqës dhe i respektonim ata; a nuk do t'i nënshtrohemi edhe më tepër Atit të frymërave, për të jetuar? ¹⁰Sepse ata na ndreqën për pak ditë, ashtu siç u dukej më mirë, kurse ai për të mirën tonë, që të bëhemi pjesëtarë të shenjtërisë së tij. ¹¹Por çdo ndreqje aty për aty, nuk duket se sjell gëzim, po hidhërim; por më pas u kthen një fryt të paqshëm drejtësie atyre që janë ushtruar me anë të saj."
 8. Do të të ushqejë ty.
Mateu 4:4 "Por ai, duke iu përgjigjur, tha: «Është shkruar: "Njeriu nuk rron vetëm me bukë, por me çdo fjalë që del nga goja e Perëndisë"».
 9. Do të planifikojë për ty.
Romakëve 8:28-29 "²⁸Dhe ne e dimë se të gjitha gjërat bashkëveprojnë për të mirë për ata që e duan Perëndinë, për ata që janë të thirrur sipas qëllimit të tij. ²⁹Sepse, ata që ai i ka njohur që më parë, edhe i ka paracaktuar që të jenë njësoj me shëmbëllimin e Birit të tij, kështu që ai të jetë i parëlinduri në mes të shumë vëllezërve."
- B. Një baba i mirë kurrë nuk do të bënte ndonjë gjë për ta lënduar djalin e tij me qëllim. Ai do të bëjë vetëm ato gjëra që do ta ndihmojnë atë të rritet dhe të bëhet një djalë i ri i pjekur ashtu siç dëshiron ai. Ati yt qiellor vepron në të njëjtën mënyrë, vetëm se mënyrat e tij janë të përsosura. Ndryshe nga baballarët tokësorë, të cilët gabojnë ndonjëherë, Zoti nuk gabon kurrë në trajtimin e bijve të Tij.
Mateu 7:11 "Nëse pra ju, që jeni të ligj, dini t'u jepni dhurata të mira bijve tuaj, aq më tepër Ati juaj, që është në qiej, do t'u japë gjëra të mira atyre që ia lypin atij."
- III. *Ti nuk humbe natyrën tënde fizike në momentin e lindjes tënde shpirtërore.*
- A. Kjo duket qartë pasi ti akoma vazhdon të jetosh.
 - B. Tani ti ke dy natyra.
 1. Natyra e vjetër - fizike, mëkatore, në shëmbëlltërinë e Adamit.
 2. Natyra e re - shpirtërore, e përsosur, në shëmbëlltërinë e Zotit.
 - C. Të dyja këto natyra ekzistojnë vazhdimisht. Ajo që do t'ju kontrollojë është ajo që ushqeni më shumë.
 1. **Kolosianëve 3:5-10** "⁵Vrisni, pra, gjymtyrët tuaja që janë mbi tokë: kurvërinë, papastërtinë, pasionet, dëshirat e këqija dhe lakminë, që është idhujtari; ⁶për shkak të këtyre zemërimi i Perëndisë vjen përmbi bijtë e mosbindjes, ⁷midis të cilëve dikur ecët edhe ju, kur rronit në to. ⁸Por tani hiqni edhe ju të gjitha këto gjëra: zemërimin, inatin, mbrapshtinë,

sharjen, të folurit e pandershëm prej gojës suaj. ⁹Mos gënjeni njëri-tjetrin, sepse ju e zhveshët njeriun e vjetër me veprat e tij, ¹⁰edhe veshët njeriun e ri, që përtërihet në njohurinë, sipas shembullit të atij që e krijoi,”

2. **2 Korintasve 4:14-18** ¹⁴“duke ditur se ai që ringjalli Zotin Jezus, do të na ringjallë edhe ne nëpërmjet Jezusit, dhe do të na paraqesë bashkë me ju. ¹⁵Sepse çdo gjë ndodh për shkakun tuaj që hiri duke u shtuar nëpërmjet shumë vetave të bëjë që falënderimi të teprojë për lavdi të Perëndisë. ¹⁶Prandaj nuk ligështohemi; por, edhe pse njeriu ynë i jashtëm priset, ai i brendshëm përtërihet nga dita në ditë. ¹⁷Sepse shtrëngimi ynë i lehtë i tashëm, prodhon për ne, një peshë të përjetshme të pamasë e të pashoqe të lavdisë; ¹⁸ndërsa ne nuk i drejtojmë sytë ndaj gjërave që duken, por ndaj gjërave që nuk shihen, sepse gjërat që duken, janë për një kohë, kurse ato që nuk shihen, janë të përjetshme.”

Pyetje bazë.

- A. A do të bëj mëkate pasi jam shpëtuar? Po, ti akoma do të kesh natyrën tënde të vjetër mëkatore. **Romakëve 7:25** *“I falem nderit Perëndisë, me anë të Jezu Krishtit, Zotit tonë. Unë vetë, pra, me mendjen, i shërbej ligjit të Perëndisë, por, me mishin ligjit të mëkatit.”*
- B. Si ndikon mëkati im në marrëdhënien me Atin tim? Zoti nuk të nxjerr nga familja e Tij. Kur ti bën mëkate, Ai të disiplinon si bir. **Hebrenjve 12:5-11** *“dhe keni harruar këshillën, që ju drejtohet juve porsì bijve: «Biri im, mos e përçmo ndreqjen e Zotit dhe mos e humb zemrën, kur ai të qorton, ⁶sepse Zoti ndreq atë që do; dhe fshikullon çdo bir që ai pranon». ⁷Në qoftë se ju duroni ndreqjen, Perëndia sillet me ju si me bij; sepse cili është ai bir të cilin s’e ndreq i ati? ⁸Por, po të jeni pa ndreqje, në të cilën të gjithë u bënë pjesëtarë, atëherë jeni kopila dhe jo bij. ⁹Pastaj etërit tanë sipas mishit i kishim ndreqës dhe i respektonim ata; a nuk do t’i nënshtrohemi edhe më tepër Atit të frymërave, për të jetuar? ¹⁰Sepse ata na ndreqën për pak ditë, ashtu siç u dukej më mirë, kurse ai për të mirën tonë, që të bëhemi pjesëtarë të shenjtërisë së tij. ¹¹Por çdo ndreqje aty për aty, nuk duket se sjell gëzim, po hidhërim; por më pas u kthen një fryt të paqshëm drejtësie atyre që janë ushtruar me anë të saj.”*
- C. Çfarë duhet të bëj unë kur mëkatoj? Rrëfëhu dhe beso në gjakun e Jezus Krishtit për të të pastruar. **1 Gjonit 1:6-10** *“⁶Po të themi se kemi bashkësi me Të, dhe ecim në errësirë, gënjejmë dhe nuk bëjmë të vërtetën; ⁷por, po të ecim në dritë, sikurse ai është në dritë, kemi bashkësi me njëri-tjetrin, dhe gjaku i Jezu Krishtit, Birit të tij, na pastron nga çdo mëkat. ⁸Po të themi se nuk kemi mëkat, gënjejmë vetveten dhe e vërteta nuk është në ne. ⁹Po t’i rrëfejmë mëkatet tona, ai është besnik dhe i drejtë që të na falë mëkatet dhe të na pastrojë nga çdo paudhësi. ¹⁰Po të themi se s’kemi mëkatuar, e bëjmë atë gënjeshtar dhe fjala e tij nuk është në ne.”*
- Fjalët e Urta 28:13** *“Kush i fsheh shkeljet e tij nuk do të ketë mbarësi; por ai që i rrëfen dhe i braktis ato, ka për të fituar mëshirën.”*

Pyetje - Përgjigje:

1. Si hyn një person në familjen e djallit?
2. Si hyn një person në familjen e Perëndisë?
3. Shkruaj tri referenca që ju premtojnë jetën e përjetshme.
 - A.
 - B.
 - C.
4. Shkruaj disa gjëra që tregojnë se Perëndia merret me ty si me birin e tij.
 - A.
 - B.
 - C.
 - D.
 - E.
 - F.
 - G.
 - H.
 - I.
5. Shpjego shkurtimisht dy natyrat që ti ke tani.
 - A.
 - B.
6. A ka mundësi që një natyrë mund të kontrollojë jetën tënde ? Pse?
7. Kur ti mëkaton, çfarë pret që të bëjë Perëndia dhe çfarë duhet të bësh ti?
8. Shpjego shkurtimisht qëllimin kryesor të këtij mësimi.

Vargje përmendsh:

Romakëve 5:12 *“Prandaj, ashtu si me anë të një njeriu të vetëm mëkati hyri në botë dhe me anë të mëkatit vdekja, po ashtu vdekja i arriti të gjithë njerëzit, sepse të gjithë mëkatuan;”*

Gjoni 3:3 *“Jezusi iu përgjigj dhe i tha: «Në të vërtetë, në të vërtetë po të them që nëse një nuk lind përsëri, ai nuk mund ta shohë mbretërinë e Perëndisë».*

1 Gjonit 1:9 *“Po t’i rrëfejme mëkatet tona, ai është besnik dhe i drejtë që të na falë mëkatet dhe të na pastrojë nga çdo paudhësi.”*

MËSIMI 2 - SIGURIA E SHPËTIMIT

Në mësimin 1 ne mësuam se ka vetëm dy familje shpirtërore në këtë tokë: familja e Zotit dhe ajo e Djallit. Ne mësuam se lindëm në familjen e Djallit në kohën e lindjes tonë fizike dhe ne lindëm në familjen e Zotit kur ne pranuan Jezus Krishtin si Shpëtimtarin tonë.

Gjoni 1:12-13 *"¹²por të gjithë atyre që e pranuan, ai u dha pushtet të bëhen bij të Perëndisë, atyre që besojnë në emrin e tij, ¹³të cilët nuk lindën as prej gjakut, as prej vullnetit të mishit, as prej vullnetit të burrit, por prej Perëndisë."*

Lind pyetja: "A mund ta humbasë unë këtë dhuratë të lirë të shpëtimit?" Le t'i drejtohem autoritetit të Biblës për përgjigjen tonë.

I. Çfarë tha Jezusi lidhur me "Sigurinë e Shpëtimit?"

A. Ai premtoi se ne mund të shkonim tek Ai dhe të shpëtonim, dhe Ai nuk do të na nxjerrë jashtë familjes së Tij. **Gjoni 6:37-39** *"³⁷Gjithçka që më jep Ati do të vijë tek unë; dhe atë që vjen tek unë, unë nuk do ta nxjerr jashtë, ³⁸sepse unë kam zbritur prej qiellit jo për të bërë vullnetin tim, por vullnetin e atij që më ka dërguar. ³⁹Por ky është vullneti i Atit që më ka dërguar: që unë të mos humbas asgjë prej të gjithave që ai më ka dhënë, por t'i ringjall në ditën e fundit."*

B. Ai premtoi se asnjë njeri nuk është aq i fortë sa të mund të na nxjerrë nga dora e Tij. **Gjoni 10:27-29** *"²⁷Delet e mia e dëgjojnë zërin tim, dhe unë i njoh dhe më ndjekin; ²⁸dhe unë u jap atyre jetë të përjetshme dhe nuk do të humbasin aspak, përjetë, dhe askush nuk do t'i rrëmbejë nga dora ime. ²⁹Ati im, që m'i ka dhënë, është më i madh se të gjithë; dhe askush nuk mund t'i rrëmbejë nga dora e Atit tim."*

II. Mirë. Perëndia nuk mund të më nxjerrë jashtë familjes së Tij, dhe askush nuk mund të më rrëmbejë nga dora e Tij, por, po unë vetë a mund të bëj diçka që të ndikojë në humbjen e shpëtimit tim?

A. Shpëtimi është nga hiri nëpërmjet besimit dhe jo nga veprat. Shpëtimi është dhuratë nga Perëndia. Askush nuk mund të humbasë shpëtimin e tij vetë sepse askush nuk e fitoi shpëtimin e tij. **Efesianëve 2:8-9** *"⁸Sepse, me anë të hirit jeni të shpëtuar, nëpërmjet besimit; dhe kjo jo prej jush, por është dhurata e Perëndisë, ⁹jo prej veprave, që askush të mos mburret."*

B. **Galatasve 3:10** *"Dhe të gjithë ata që janë prej veprave të ligjit janë nën mallkim, sepse është shkruar: «I mallkuar është kushdo, që nuk qëndron në të gjitha ato, që shkruhen në librin e ligjit për t'i bërë».* dhe **Jakobi 2:10** *"Sepse kushdo që e zbaton gjithë ligjin, por e shkel në një pikë të vetme, është fajtor në të gjitha."* na tregojnë se ne nuk mund të bëjmë asgjë që ta fitojmë ose marrim shpëtimin. Ndërkohë, **2 Timoteut 1:12** *"Për këtë arsye unë po vuaj edhe këto gjëra, po nuk kam turp, sepse e di kujt i kam besuar dhe jam i bindur se ai është i fuqishëm ta ruajë ndoren time deri në atë ditë."* na siguron neve që është Jezus Krishti Ai që na ruan neve dhe jo ne vetveten.

C. **Galatasve 2:21** *"Unë nuk e hedh poshtë hirin e Perëndisë sepse, në qoftë se drejtësia vjen përmes ligjit, atëherë Krishti ka vdekur më kot."* shpjegon qartë që n.q.s ne bëjmë vepra të drejta sipas ligjit, atëherë vdekja e Jezus Krishtit ishte e kotë.

D. **Romakëve 8:38-39** *"³⁸Sepse jam i bindur se as vdekja, as jeta, as engjëjt, as pushtetet, as fuqia dhe as gjërat e tashme, as gjërat e ardhshme, ³⁹as lartësitë, as thellësitë, as ndonjë tjetër krijesë, nuk do të mund të na ndajë nga dashuria e Perëndisë që është në Jezu Krishtin, Zotin tonë."*

III. Çfarë thotë pjesa tjetër e Biblës lidhur me "Sigurinë e Shpëtimit?"

- A. Kur dikush është shpëtuar, ai kurrë nuk do të vdesë apo të humbasë në ferr. **Gjoni 3:15** "që të gjithë që besojnë në të, të mos humbasin, por të kenë jetën e përjetshme." **Gjoni 3:18** "Ai që beson në të, nuk gjykohet, por ai që nuk beson, tashmë është gjykuar sepse nuk ka besuar në emrin e Birit të vetëmlindur të Perëndisë." **Gjoni 3:36** "Ai që beson në Birin ka jetë të përjetshme, por ai që nuk i bindet Birit, nuk do të shohë jetë, por zemërimi i Perëndisë qëndron mbi të." **Gjoni 5:24** "Në të vërtetë, në të vërtetë po ju them: Ai që e dëgjon fjalën time dhe beson në atë që më ka dërguar, ka jetë të përjetshme, dhe ai nuk vjen në gjyq, por ka kaluar nga vdekja në jetë." **1 Gjoni 2:25** "Dhe ky është premtimi, që ai na premtoi: jeta e përjetshme."
- B. Asgjë nuk mund të ndajë ndonjëherë besimtarin nga Krishti. **Romakëve 8:35-39** ³⁵Kush do të na ndajë nga dashuria e Krishtit? Pikëllimi, a ngushtica, a përndjekja, a uria, a të zhveshurit, a rreziku, a shpata? ³⁶Siç është shkruar: «Për shkakun tënd po vritemi gjithë ditën; u llogaritem si dele për therje». ³⁷Por në të gjitha këto jemi më shumë se fitimtarë me anë të atij që na deshi. ³⁸Sepse jam i bindur se as vdekja, as jeta, as engjëjt, as pushtetet, as fuqia dhe as gjërat e tashme, as gjërat e ardhshme, ³⁹as lartësitë, as thellësitë, as ndonjë tjetër krijesë, nuk do të mund të na ndajë nga dashuria e Perëndisë që është në Jezu Krishtin, Zotin tonë."
- C. Besimtari bekohet nga Fryma që nga momenti që ai shpëton, deri sa të shkojë të bashkohet me Jezusin. **Efesianëve 1:13** "Në të edhe ju, pasi e dëgjuat fjalën e së vërtetës, ungjillin e shpëtimit tuaj dhe, pasi besuat, u vulosët me Frymën e Shenjtë të premtimit," **Efesianëve 4:30** "Dhe mos e trishtoni Frymën e Shenjtë të Perëndisë, me të cilin u vulosët për ditën e shpengimit."
- D. Jezusi ka premtuar për t'i ruajtur ata që Ai i shpëton. **Juda 1, 24** "Dhe atij, që mund t'ju ruajë nga çdo rrëzim dhe t'ju vërë të paqortueshëm dhe me ngazëllim para lavdisë së tij," **1 Thesalonikasve 5:23-24** ²³Por ai vetë, Perëndia i paqes, ju shenjtëroftë tërësisht; dhe gjithë fryma juaj, shpirt e trup, të ruhet pa të metë për ardhjen e Zotit tonë, Jezu Krisht. ²⁴Besnik është ai që ju thërret, i cili edhe do ta bëjë."
- E. Jezusi është Autori (inisiatori) i shpëtimit tonë dhe Ai është gjithashtu Mbaruesi i shpëtimit tonë. **Hebrenjve 12:2** "duke i drejtuar sytë te Jezusi, kreu dhe plotësonjësi i besimit, i cili, për gëzimin që ishte përpara tij, duroi kryqin duke e përçmuar fyerjen dhe u ul në të djathtë të fronit të Perëndisë." **Filipanëve 1:6** "duke qenë i bindur për këtë, se ai që nisi një vepër të mirë në ju, do ta përfundojë deri në ditën e Jezu Krishtit."

IV. Përse është kështu?

- A. Sepse ti ke një lidhje baba e bir me Zotin përmes shpëtimit. **Gjoni 1:12-13** ¹²por të gjithë atyre që e pranuan, ai u dha pushtet të bëhen bij të Perëndisë, atyre që besojnë në emrin e tij, ¹³të cilët nuk lindën as prej gjakut, as prej vullnetit të mishit, as prej vullnetit të burrit, por prej Perëndisë."
- B. Ti do të mbetesh përjetë djali i babait tënd fizik, sepse ti linde nga fara e tij. Ti gjithmonë do të mbetesh fëmija i tij. E njëjta gjë është e vërtetë për Babain tënd qiellor. Lindja jote është e fiksuar përjetë, fizikisht dhe shpirtërisht dhe madje vetë Zoti nuk mund ta ndryshojë këtë fakt.
- C. A do të thotë kjo se unë mund të jetoj si të dua pasi të bëhem i krishterë? Jo, mos harro se ti ke lidhjen baba e bir dhe se Zoti është një prind i mirë. Ai godet me shuplakë fëmijët e Tij kur ata veprojnë gabim, jo sepse Ai i urren

ata, por përkundrazi, sepse i do ata dhe do që ata të veprojnë drejtë. **Hebrenjve 12:5-11** ⁵*dhe keni harruar këshillën, që ju drejtohet juve porsì bijve: «Biri im, mos e përçmo ndreqjen e Zotit dhe mos e humb zemrën, kur ai të qorton, ⁶sepse Zoti ndreq atë që do; dhe fshikullon çdo bir që ai pranon».* ⁷*Në qoftë se ju duroni ndreqjen, Perëndia sillet me ju si me bij; sepse cili është ai bir të cilin s'e ndreq i ati?* ⁸*Por, po të jeni pa ndreqje, në të cilën të gjithë u bënë pjesëtarë, atëherë jeni kopila dhe jo bij.* ⁹*Pastaj etërit tanë sipas mishit i kishim ndreqës dhe i respektonim ata; a nuk do t'i nënshtrohemi edhe më tepër Atit të frymërave, për të jetuar?* ¹⁰*Sepse ata na ndreqën për pak ditë, ashtu siç u dukej më mirë, kurse ai për të mirën tonë, që të bëhemi pjesëtarë të shenjtërisë së tij.* ¹¹*Por çdo ndreqje aty për aty, nuk duket se sjell gëzim, po hidhërim; por më pas u kthen një fryt të paqshëm drejtësie atyre që janë ushtruar me anë të saj."*

- D. Si i korigjon Zoti fëmijët e Tij? Le ta shikojmë. **Hebrenjve 12:5-11.**
1. Fjala e Tij na qorton rëndë neve. **Vargu 5,** ⁵*dhe keni harruar këshillën, që ju drejtohet juve porsì bijve: «Biri im, mos e përçmo ndreqjen e Zotit dhe mos e humb zemrën, kur ai të qorton, **Hebrenjve 4:12** "Sepse fjala e Perëndisë është e gjallë dhe vepruese, më e mprehtë se çdo shpatë me dy tehe dhe depërton deri në ndarjen e shpirtit dhe të frymës, të nyjeve dhe të palcave, dhe është në gjendje të gjykojë mendimet dhe dëshirat e zemrës."*
 2. Nëse kjo nuk na bën të kthejmë rrugë, Ai përdor forcën. Ky quhet ndëshkim, **Vargu 6.** ⁶*sepse Zoti ndreq atë që do; dhe fshikullon çdo bir që ai pranon».* Kjo mund të përfshijë shumë gjëra, si sëmundje, probleme familjare, probleme financiare apo edhe vdekjen e një të dashuri.
SHËNIM: A nuk është kjo njëlloj sikurse prindërit e mirë korrigjojnë fëmijët e tyre?
 3. Vini re që Zoti, si Babai ynë shpirtëror, i shikon të gjitha, kështu që ne nuk mund të bëhemi të pabindur pa dijeninë e Tij dhe pa korrigjimin e Tij. **Vargu 7.** ⁷*Në qoftë se ju duroni ndreqjen, Perëndia sillet me ju si me bij; sepse cili është ai bir të cilin s'e ndreq i ati?*
 4. Nëse një person mund të veprojë gabim dhe nuk korrigjohet, kjo është një provë e sigurtë që ky person nuk është shpëtuar kurrë. **Vargu 8.** ⁸*Por, po të jeni pa ndreqje, në të cilën të gjithë u bënë pjesëtarë, atëherë jeni kopila dhe jo bij.*
 5. Çdo korrigjim është për të mirën tonë për të na mbajtur në linjë, kështu që ne të mund t'i shërbejmë Zotit dhe të jetojmë në mënyrë korrekte. **Vargjet 9-11.** ⁹*Pastaj etërit tanë sipas mishit i kishim ndreqës dhe i respektonim ata; a nuk do t'i nënshtrohemi edhe më tepër Atit të frymërave, për të jetuar?* ¹⁰*Sepse ata na ndreqën për pak ditë, ashtu siç u dukej më mirë, kurse ai për të mirën tonë, që të bëhemi pjesëtarë të shenjtërisë së tij.* ¹¹*Por çdo ndreqje aty për aty, nuk duket se sjell gëzim, po hidhërim; por më pas u kthen një fryt të paqshëm drejtësie atyre që janë ushtruar me anë të saj."*
SHËNIM: Nëse një fëmijë i Zotit vazhdon të jetë i pabindur edhe pas ndëshkimit dhe korrigjimit me forcë, ai mund të shkojë aq larg sa të kryejë "mëkatin e vdekjes", gjë që është VDEKJA E PARAKOHËSHME. **1 Gjonit 5:16** *"Nëse dikush sheh vëllanë e tij se mëkaton mëkat jo për vdekje, t'i kërkojë Perëndisë, dhe ai do t'i japë jetë, atyre, që mëkatojnë jo për vdekje. Ka mëkat për vdekje; nuk them që të lutet për këtë."*

Pyetje bazë

- A. Si mund ta di me siguri që jam i shpëtuar?
Letra e parë e Gjonit është shkruar për këtë qëllim. **1 Gjonit 5:13** *“Jua shkrova këto gjëra juve që besoni në emrin e Birit të Perëndisë, që të dini se keni jetën e përjetshme dhe që të besoni në emrin e Birit të Perëndisë.”*
- B. Po nëse nuk ndihem i shpëtuar?
1. Shpëtimi nuk bazohet mbi ndjenjat. Ai bazohet mbi të vërtetën e Fjalës së Perëndisë.
 - A. **1 Gjonit 3:20** *“sepse, po të na dënojë zemra jonë, (ne mendojmë ose ndihemi të pashpëtuar) Perëndia është më i madh se zemra jonë dhe njeh çdo gjë.”* Perëndia e di n.q.s. ti je i shpëtuar edhe n.q.s. ti nuk e di.
 - B. **Titi 1:2** *“mbi shpresën e jetës së përjetshme, të cilën Perëndia, që nuk gënjen, e premtoi përpara kohërave të përjetshme,”*
 2. Beso pikërisht atë çfarë Zoti thotë.
1 Gjonit 2:25 *“Dhe ky është premtimi, që ai na premtoi: jeta e përjetshme.”*

Pyetje - Përgjigje

1. Cili është premtimi që ne kemi tek **Gjoni 6:37**? *“Gjithçka që më jep Ati do të vijë tek unë; dhe atë që vjen tek unë, unë nuk do ta nxjerr jashtë,”*
2. Tek **Gjoni 10:27-29** *“²⁷Delet e mia e dëgjojnë zërin tim, dhe unë i njoh dhe më ndjekin;²⁸dhe unë u jap atyre jetë të përjetshme dhe nuk do të humbasin aspak, përjetë, dhe askush nuk do t’i rrëmbejë nga dora ime. ²⁹Ati im, që m’i ka dhënë, është më i madh se të gjithë; dhe askush nuk mund t’i rrëmbejë nga dora e Atit tim.”* ju kuptoni që askush nuk mund të shkaktojë humbjen e shpëtimit. Pse është kështu?
3. Sipas vargjeve që vijojnë shpjegoni pse shpëtimi ynë nuk humbet.
 - A. **Efesianët 2:8-9** *“⁸Sepse, me anë të hirit jeni të shpëtuar, nëpërmjet besimit; dhe kjo jo prej jush, por është dhurata e Perëndisë, ⁹jo prej veprave, që askush të mos mburret.”*
 - B. **2 Timoteut 1:12** *“Për këtë arsye unë po vuaj edhe këto gjëra, po nuk kam turp, sepse e di kujt i kam besuar dhe jam i bindur se ai është i fuqishëm ta ruajë ndoren time deri në atë ditë.”*
 - C. **Galatasve 2:21** *“Unë nuk e hedh poshtë hirit e Perëndisë sepse, në qoftë se drejtësia vjen përmes ligjit, atëherë Krishti ka vdekur më kot.”*
4. A ka ndonjë gjë që mund të na ndajë nga dashuria e Perëndisë? Jep referencë.
5. Shpjego shkurtimisht tre shembuj që lidhin lindjen shpirtërore me lindjen tënde fizike.
 - A.
 - B.
 - C.
6. Cilat janë referencat nga Bibla që tregojnë se ti ke jetë të përjetshme?

7. Nga vargjet që vijojnë shpjego rreth premtimit të jetës së përjetshme.
- A. **1 Gjonit 3:20** *“sepse, po të na dënojë zemra jonë, Perëndia është më i madh se zemra jonë dhe njuh çdo gjë.”*
 - B. **Titi 1:2** *“mbi shpresën e jetës së përjetshme, të cilën Perëndia, që nuk gënjen, e premtoi përpara kohërave të përjetshme,”*
 - C. **1 Gjonit 2:25** *“Dhe ky është premtimi, që ai na premtoi: jeta e përjetshme.”*
8. Shpjego shkurtimisht qëllimin kryesor të këtij mësimi.

Vargje përmendsh:

Efesianëve 2:8-9 *“⁸Sepse, me anë të hirit jeni të shpëtuar, nëpërmjet besimit; dhe kjo jo prej jush, por është dhurata e Perëndisë, ⁹jo prej veprave, që askush të mos mburret.”*

1 Gjonit 2:25 *“Dhe ky është premtimi, që ai na premtoi: jeta e përjetshme.”*

1 Gjonit 5:13 *“Jua shkrova këto gjëra juve që besoni në emrin e Birit të Perëndisë, që të dini se keni jetën e përjetshme dhe që të besoni në emrin e Birit të Perëndisë.”*

MËSIMI 3 - Pagëzimi

Në fakt çdo sekt fetar që ekziston mëson një formë pagëzimi si pjesë e doktrinës së tij dhe ndryshimet në mësimet e tyre janë të mëdha.

Ky mësim ka për qëllim të paraqesë mësimin e qartë dhe të saktë të Biblës mbi temën e pagëzimit në mënyrë që individit të kuptojë mirë cili është qëllimi i Zotit lidhur me pagëzimin.

I. Pse na udhëzon neve Zoti për t'u pagëzuar?

- A. Pagëzimi është akti i parë i bindjes në shërbim të Zotit. Kushdo mund të pagëzohet, kjo nuk kërkon talent të veçanë apo përpjekje të veçanta.
- B. Jezusi dha shembullin e Tij duke iu nënshtruar pagëzimit përpara se Ai të fillonte shërbimin e Tij publik. **Mateu 3:13-17** ¹³Atëherë erdhi Jezusi nga Galilea në Jordan, te Gjoni, për t'u pagëzuar prej tij. ¹⁴Por Gjoni e kundërshtoi fort duke i thënë: «Unë kam nevojë të pagëzohem prej teje dhe ti po vjen tek unë?». ¹⁵Dhe Jezusi, duke iu përgjigjur, i tha: «Lejo të bëhet për tani, sepse në këtë mënyrë përmbushim çdo drejtësi». Atëherë e lejoi. ¹⁶Dhe Jezusi, sapo u pagëzua, doli nga uji; dhe ja, qiejt u hapën, dhe ai pa Frymën e Perëndisë të zbresë si një pëllumb e të vijë mbi të; ¹⁷dhe ja një zë prej qiellit që tha: «Ky është Biri im i dashur, në të cilin gjeta pëlqim». **Marku 1:9-11** ⁹Dhe ndodhi në ato ditë që Jezusi erdhi nga Nazareti i Galileesë dhe u pagëzua nga Gjoni në Jordan. ¹⁰Dhe menjëherë, kur po dilte nga uji, pa se qiejt po hapeshin dhe Fryma po zbriste mbi të si pëllumb. ¹¹Dhe një zë erdhi nga qiejt: «Ti je Biri im i dashur në të cilin gjeta pëlqim». **Luka 3:21-22** ²¹Dhe ndodhi që, mbasi u pagëzua gjithë populli, edhe Jezusi u pagëzua; dhe ndërsa po lutej, qielli u hap ²²dhe Fryma e Shenjtë zbriti mbi të, në trajtë trupore si të pëllumbit, dhe prej qiellit erdhi një zë, që thoshte: «Ti je Biri im i dashur, ty të kam pëlqyer!».
 - C. Tek **Mateu 3:13-15** është e qartë që Jezusi u pagëzua duke iu bindur planit të Perëndisë. Në vargun 15 Ai tha: “Lejo të bëhet për tani, sepse në këtë mënyrë përmbushim çdo drejtësi”. Kjo pikë nënshtrimi dhe bindjeje është gjëja e vetme dhe më e rëndësishme për të kuptuar pagëzimin.
 - D. Persona të tjerë të Biblës që iu nënshtruan pagëzimit pasi u shpëtuan:
 1. Eunuku Etiopas. **Veprat e Apostujve 8:26-39** ²⁶Dhe një engjëll i Zotit i foli Filipit, duke i thënë: «Ngrihu dhe shko drejt jugut, në rrugën që nga Jerusalemi zbrer në Gaza; ajo është e shkretë». ²⁷Ai u ngrit dhe u nis; dhe ja, një burrë Etiopas, eunuk, një zyrtar i lartë i Kandaces, mbretëreshës së Etiopisë, përgjegjës i të gjitha thesareve të saj, i cili kishte ardhur në Jerusalem për të adhuruar, ²⁸tani ai po kthehej dhe, i ulur në karrocën e vet, lexonte profetin Isaia. ²⁹Dhe Fryma i tha Filipit: «Afrohu dhe ngjitju asaj karroceje!». ³⁰Filipi iu turr afër dhe, dëgjoi atë duke lexuar profetin Isaia, dhe tha: «A e kupton vallë atë që lexon?». ³¹Ai tha: «E si do të mundja, po s'pata një që të më udhëzojë?». Edhe iu lut Filipit të hipë dhe të ulet pranë tij. ³²Dhe pjesa e Shkrimit, që ai po lexonte ishte kjo: «Atë e çuan si delja për t'u therur; dhe ashtu si qengji është memec përpara qethtarit, ashtu ai nuk e hapi gojën e tij. ³³Në përlulen e tij u ngrit gjyqi i tij; po kush do të mund ta përshkruajë brezin e tij? Sepse jeta e tij ngrihet nga toka». ³⁴Dhe eunuku duke iu përgjigjur Filipit tha: «Të lutem, për kë e thotë profeti këtë? Për veten apo për ndonjë tjetër?». ³⁵Atëherë Filipi hapi gojën e tij dhe, duke filluar nga ky Shkrim, i shpalli Jezusin. ³⁶Dhe, ndërsa po vazhdonin rrugën, arritën në

një vend me ujë. Dhe eunuku tha: «Ja uji! Çfarë më pengon të pagëzohem?». ³⁷Dhe Filipi tha: «Nëse ti beson me gjithë zemër, mund ta bësh». Dhe ai u përgjigj duke thënë: «Unë besoj se Jezu Krishti është Biri i Perëndisë». ³⁸Dhe urdhëroi të ndalet karroca, dhe të dy, Filipi dhe eunuku, zbritën në ujë dhe ai e pagëzoi. ³⁹Kur dolën nga uji, Fryma e Zotit e rrëmbeu Filipin dhe eunuku nuk e pa më; por e vazhdoi rrugën e tij me gëzim.”

2. Apostulli Pal. **Veprat e Apostujve 9:18** “Dhe menjëherë i ra nga sytë si luspa dhe menjëherë i erdhi drita e syve; dhe si u ngrit, u pagëzua.”
3. Rojtari i Burgut dhe shtëpia e tij. **Veprat e Apostujve 16:25-33** ²⁵Por aty nga mesnata Pali dhe Sila po luteshin dhe i këndonin himne Perëndisë; dhe të burgosurit i dëgjonin. ²⁶Por befas u bë një tërmet i madh, sa që u tundën themelet e burgut; dhe menjëherë u hapën të gjitha dyert dhe të gjithëve iu zgjidhën prangat. ²⁷Rojtari i burgut, kur u zgjua dhe pa dyert e burgut të hapura, nxori shpatën dhe donte të vriste veten, duke menduar se të burgosurit kishin ikur. ²⁸Por Pali thirri me zë të lartë duke thënë: «Mos i bëj ndonjë të keqe vetes, sepse të gjithë jemi këtu». ²⁹Atëherë ai kërkoi dritë, u turr brenda dhe duke u dridhur i tëri u ra ndër këmbë Palit dhe Silës; ³⁰pastaj i priu jashtë dhe tha: «Zotërinj, ç’duhet të bëj unë që të shpëtohem?». ³¹Dhe ata i thanë: «Beso në Zotin Jezu Krisht dhe do të shpëtohesh ti dhe shtëpia jote». ³²Pastaj ata i folën fjalën e Zotit atij dhe gjithë atyre që ishin në shtëpinë e tij. ³³Dhe ai i mori që në atë orë të natës dhe ua lau plagët. Dhe ai dhe të gjithë të tijtë u pagëzuan menjëherë.”

II. Cili është qëllimi i pagëzimit?

Romakëve 6:1-7 ¹Ç’të themi, pra? A të mbetemi në mëkat, që të shtohet hiri? ²Kurrë mos qoftë! Ne që jemi të vdekur ndaj mëkatit, si do të jetojmë ende në të? ³A nuk e dini se ne të gjithë që u pagëzuam në Jezu Krishtin, u pagëzuam në vdekjen e tij? ⁴U varrosëm, pra, me të me anë të pagëzimit në vdekje, që, ashtu si Krishti u ringjall prej së vdekurish me anë të lavdisë së Atit, kështu edhe ne të ecim në risinë e jetës. ⁵Sepse, nëse jemi bërë një me Krishtin në një vdekje të njëjtë me të tijën, do të jemi një edhe në ringjalljen e tij, ⁶duke ditur këtë: se njeriu ynë i vjetër u kryqëzua me të, që trupi i mëkatit të shfuqizohet, që ne të mos i shërbejmë më mëkatit. ⁷Sepse, ai që ka vdekur është shfajësuar nga mëkati.” (në mënyrë të veçantë 3-4) tregojnë dy qëllimet e pagëzimit

1. Ai përfytyron vdekjen, varrosjen dhe ringjalljen e Jezus Krishtit.
2. Ai është një dëshmi publike për identifikimin e ri me Jezus Krishtin nëpërmjet vdekjes, varrosjes dhe ringjalljes (shëmbëlltyrë e shpëtimit). Kjo e identifikon personin me Zotin Jezus Krisht.

III. Kush duhet të pagëzohet?

- A. Rasti më i qartë i një pagëzimi individual në Bibël është Eunuku Etiopas në **Veprat e Apostujve 8:26-39**. Në vargun 36 Eunuku pyet, “... çfarë më pengon të pagëzohem?”. Filipi pastaj iu përgjigj me kushtin e pagëzimit në vargun 37, “... nëse ti beson me gjithë zemër, mund ta bësh”. Pastaj përgjigjja e Eunikut i dha fund problemit, “... unë besoj se Jezu Krishti është Biri i Perëndisë”.
- B. Të vetmet kërkesa për pagëzim janë ato që kërkohen edhe për shpëtim dhe që gjenden tek **Romakëve 10:9-10** ⁹sepse, po të rrëfesh me gojën tënde Zotin Jezus, dhe po të besosh në zemrën tënde se Perëndia e ngjalli prej së

vdekurish, do të shpëtohesh. ¹⁰Sepse me zemër, njeriu beson në drejtësi dhe me gojë bëhet rrëfim për shpëtim,”

1. Besimi me gjithë zemër në Jezus Krishtin si Zot dhe Shpëtimtar.
 2. Rrëfimi që Ai është Zot dhe Shpëtimtar.
- C. Nuk mund të gjesh raste të tjera pagëzimi në Bibël përveçse për besimtarë.
- D. Disa shembuj të tjerë të pagëzimit menjëherë pas shpëtimit përfshijnë:
1. **Veprat e Apostujve 8:12** “Por, kur i besuan Filipit, që shpalli lajmin e mirë të mbretërisë së Perëndisë dhe emrin e Jezu Krishtit, u pagëzuan burra dhe gra.”
 2. **Veprat e Apostujve 18:8** “Dhe Krispi, kreu i sinagogës, besoi te Zoti me gjithë shtëpinë e tij; edhe shumë nga korintasit, duke dëgjuar Palin, besuan dhe u pagëzuan.”

IV. Cila është metoda e pagëzimit?

- A. Përsëri **Veprat e Apostujve 8:26-39** na jep shembullin më të qartë. Në vargjet 38-39 Filipi dhe Eunuku Etiopas zbritën në ujë ku Filipi e pagëzoi dhe dolën nga uji.
- B. Tek **Mateu 3:16** “Dhe Jezusi, sapo u pagëzua, doli nga uji; dhe ja, qiejt u hapën, dhe ai pa Frymën e Perëndisë të zbresë si një pëllumb e të vijë mbi të;” Jezusi u pagëzua në të njëjtën mënyrë.
- C. Siç u pa më parë pagëzimi është një shëmbëllturyrë mbi vdekjen, varrosjen dhe ringjalljen. E vetmja mënyrë për të varrosur dikë është ta fusësh atë plotësisht nën dhé. Metoda Biblike e pagëzimit është zhytja komplet në ujë. Askush në Bibël nuk u spërkat me uje sepse askush nuk mund të varrosset duke u spërkatur me dhé .

V. Sa e rëndësishme është që të pagëzohesh?

- A. Nuk është thelbësore për shpëtim. **Efesianëve 2:8-9** “⁸Sepse, me anë të hirit jeni të shpëtuar, nëpërmjet besimit; dhe kjo jo prej jush, por është dhurata e Perëndisë, ⁹jo prej veprave, që askush të mos mburret.” na tregon qartë që një njeri është i shpëtuar nga hiri nëpërmjet besimit, pa veprat duke përfshirë edhe pagëzimin.
- B. Është thelbësore për shërbimin dhe rritjen shpirtërore. **Mateu 28:19-20** “¹⁹Shkoni, pra, dhe bëni dishepuj të gjithë kombet duke i pagëzuar në emër të Atit e të Birit e të Frymës së Shenjtë, ²⁰duke i mësuar të mbajnë të gjitha sa ju kam urdhëruar. Dhe ja, unë jam me ju gjithë ditët, deri në mbarim të botës. Amen». (“urdhërimi i madh”) vërteton se është thelbësore. Pagëzimi është një pjesë përbërëse e urdhërimit të madh dhe i paraprin mësimin.
- C. Përpara se njeriu të mund të mësohet të ndjekë Jezus Krishtin, ai duhet të jetë i gatshëm t’i nënshtrohet veprimit të parë të bindjes. Nëse një person refuzon t’i bindet Zotit që në fillim, në këtë pikë të parë, ai nuk do të bindet as në të ardhmen. **Mateu 3:13-15** “¹³Atëherë erdhi Jezusi nga Galilea në Jordan, te Gjoni, për t’u pagëzuar prej tij. ¹⁴Por Gjoni e kundërshtoi fort duke i thënë: «Unë kam nevojë të pagëzohem prej teje dhe ti po vjen tek unë?». ¹⁵Dhe Jezusi, duke iu përgjigjur, i tha: «Lejo të bëhet për tani, sepse në këtë mënyrë përmbushim çdo drejtësi». Atëherë e lejoi.”

Pyetje bazë.

Ku duhet të pagëzohem unë?

Përderisa pagëzimi është një rrëfim publik i besimit tënd në Jezus Krishtin, shumicën e rasteve ai duhet të bëhet hapur, në kishën lokale. Shumë nga njerëzit do të pagëzohen në përranj ose lumenj dhe kjo është gjë e mirë. Zoti Jezus Krisht u pagëzua në lumin Jordan. Vendi i tanishëm për pagëzimin nuk është i rëndësishëm. Akti i dëshmisë publike i identifikimit tënd me Zotin Jezus Krisht është moment i rëndësishëm.

Pyetje - Përgjigje

1. Jepni arsyen pse Perëndia e udhëzon kristianin që të pagëzohet.
2. Tek **Mateu 3:13-15**, Jezusi u pagëzua që të demonstronte _____ dhe _____ e Tij ndaj Perëndisë dhe planit të Tij. Jezusi e përmbushi këtë para se të fillonte _____.
3. Përmend tre njerëz të tjerë që u pagëzuan në Dhjatën e Re.
 - A.
 - B.
 - C.
4. Cilat janë qëllimet për pagëzimin sipas **Romakëve 6:3-4**? ³A nuk e dini se ne të gjithë që u pagëzuam në Jezu Krishtin, u pagëzuam në vdekjen e tij? ⁴U varrosëm, pra, me të me anë të pagëzimit në vdekje, që, ashtu si Krishti u ringjall prej së vdekurish me anë të lavdisë së Atit, kështu edhe ne të ecim në risinë e jetës.”
 - A.
 - B.
5. Tek **Veprat e Apostujve 8:36-37** ³⁶Dhe, ndërsa po vazhdonin rrugën, arritën në një vend me ujë. Dhe eunuku tha: «Ja uji! Çfarë më pengon të pagëzohem?». ³⁷Dhe Filipi tha: «Nëse ti beson me gjithë zemër, mund ta bësh». Dhe ai u përgjigj duke thënë: «Unë besoj se Jezu Krishti është Biri i Perëndisë». Eunukut Etiopas i duhej të përmbushte dy kërkesa përpara se të pagëzohej. Cilat ishin këto dy kërkesa?
 - A.
 - B.
6. Si e dimë ne që Eunuku Etiopas dhe Jezusi nuk ishin pagëzuar me spërkatje me ujë?
 - A.
 - B.
7. Pagëzimi si një zhytje e plotë në ujë është një shëmbëlltyrë e _____, _____ dhe _____.
8. Pagëzimi është thelbësor në mënyrë që kristiani të _____ dhe _____. Gjithashtu duhet t'i nënshtrohet pagëzimit që të _____ për të ndjekur Jezusin.
9. A është pagëzimi thelbësor për shpëtimin? Jepni një referencë dhe shpjegoheni këtë.
10. Shpjego shkurtimisht qëllimin kryesor të këtij mësimi.

Vargje përmendsh.

Mateu 3:15-16 ¹⁵*Dhe Jezusi, duke iu përgjigjur, i tha: «Lejo të bëhet për tani, sepse në këtë mënyrë përmbushim çdo drejtësi». Atëherë e lejoi. ¹⁶Dhe Jezusi, sapo u pagëzua, doli nga uji; dhe ja, qiejt u hapën, dhe ai pa Frymën e Perëndisë të zbresë si një pëllumb e të vijë mbi të;»*

Veprat e Apostujve 8:37-38 ³⁷*Dhe Filipi tha: «Nëse ti beson me gjithë zemër, mund ta bësh». Dhe ai u përgjigj duke thënë: «Unë besoj se Jezu Krishti është Biri i Perëndisë». ³⁸Dhe urdhëroi të ndalet karroca, dhe të dy, Filipi dhe eunuku, zbritën në ujë dhe ai e pagëzoi.»*

Romakëve 6:3-4 ³*A nuk e dini se ne të gjithë që u pagëzuam në Jezu Krishtin, u pagëzuam në vdekjen e tij? ⁴U varrosëm, pra, me të me anë të pagëzimit në vdekje, që, ashtu si Krishti u ringjall prej së vdekurish me anë të lavdisë së Atit, kështu edhe ne të ecim në risinë e jetës.*

MËSIMI 4 - HYJNIA E KRISHTIT

Në Dhjatën e Vjetër lexojmë se Perëndia premtoi që një ditë do të zbriste mbi tokë në personin e Mesisë për të banuar midis njerëzve. Mesia, për ta përfaqësuar siç duhet Perëndinë dhe për të ndërmjetësuar midis njeriut dhe Perëndisë duhet të jetë edhe njerëzor edhe hyjnor. Shumë sekte fetare në kundërshtim me të vërtetën e Biblës dhe duke mos pasur asgjë të përbashkët me të, mësojnë që Jezusi ishte vetëm një njeri i zakonshëm dhe nuk mësojnë se Ai është vetë Perëndia, prandaj qëllimi i këtij mësimi është që t'ju tregojë në dritën e Biblës të vërtetën për Hyjninë e Jezus Krishtit.

I. Perëndia - Trinia.

- A. Ka vetëm një Zot që e ka zbuluar vetveten në tri persona, në Atin, Birin dhe Frymën, e që të tre këta persona janë një Zot. Bibla na tregon se ka një Perëndi dhe vetëm një. **Ligji i Përtërirë 6:4** “Dëgjo, Izrael, Zoti, Perëndia ynë, është një i vetëm.” **Isaia 45:5,6** “⁵Unë jam Zoti dhe nuk ka asnjë tjetër; jashtë meje nuk ka Perëndi. Të kam rrethuar, ndonëse ti nuk më njihje, ⁶me qëllim që nga lindja në perëndim të pranohet që nuk ka asnjë Perëndi përveç meje. Unë jam Zoti dhe nuk ka asnjë tjetër.” **Isaia 43:10,11** “¹⁰Dëshmitarët e mi jeni ju, thotë Zoti, bashkë me shërbëtorin që kam zgjedhur, me qëllim që ju të më njihni dhe të keni besim tek unë, si dhe të merrni vesh që unë jam. Para meje asnjë Perëndi nuk u formua dhe pas meje nuk do të ketë asnjë tjetër. ¹¹Unë, unë jam Zoti dhe përveç meje nuk ka Shpëtimtar tjetër.”
- B. Ai, duke u gjendur në tri persona thotë: “...Ta bëjmë njeriun sipas shëmbëlltyrës sonë dhe në ngjasim me ne...” (**Zanafilla 1:26** “Pastaj Perëndia tha: «Ta bëjmë njeriun sipas shëmbëlltyrës sonë dhe në ngjasim me ne, dhe të ushtrojë sundimin e tij mbi peshqit e detit, mbi zogjtë e qiellit, mbi kafshët e mbi gjithë tokën, mbi gjithë rrëshqanorët që zvarriten mbi dhë».) duke folur në numrin shumë për vetveten. **Zanafilla 3:22** “Dhe Zoti Perëndi tha: «Ja, njeriu u bë si një prej nesh, sepse njeh të mirën dhe të keqen. Dhe tani nuk duhet t'i lejohet të shtrijë dorën e tij për të marrë edhe nga pema e jetës kështu që, duke ngrënë nga ajo, të jetojë përgjithnjë». **Zanafilla 11:7** “Eja, të zbresim pra atje poshtë dhe të ngatërrojmë gjuhën e tyre, në mënyrë që njëri të mos kuptojë të folurën e tjetrit». **Isaia 6:8** “Pastaj dëgjova zërin e Zotit që thoshte: «Kë të dërgoj dhe kush do të shkojë për ne?». Unë u përgjigja: «Ja ku jam, dërgomë mua!». **Gjoni 14:23** “Jezusi u përgjigj dhe i tha: «Nëse ndokush më do, do ta mbajë fjalën time; edhe Ati im do ta dojë dhe ne do të vijmë tek ai dhe do të bëjmë banesën tek ai.”
- C. Bibla përmend të tri personat e Trinisë **1 Gjonit 5:7** “Sepse tre janë ata që dëshmojnë në qiell: Ati, Fjala dhe Fryma e Shenjtë; dhe këta të tre janë një.” **Mateu 28:19-20** “¹⁹Shkoni, pra, dhe bëni dishepuj të gjithë kombet duke i pagëzuar në emër të Atit e të Birit e të Frymës së Shenjtë, ²⁰duke i mësuar të mbajnë të gjitha sa ju kam urdhëruar. Dhe ja, unë jam me ju gjithë ditët, deri në mbarim të botës. Amen». **Mateu 3:16,17** “¹⁶Dhe Jezusi, sapo u pagëzua, doli nga uji; dhe ja, qiejt u hapën, dhe ai pa Frymën e Perëndisë të zbrësë si një pëllumb e të vijë mbi të; ¹⁷dhe ja një zë prej qiellit që tha: «Ky është Biri im i dashur, në të cilin gjeta pëlqim». **2 Korintasve 13:13** “Hiri i Zotit Jezu Krisht, dashuria e Perëndisë dhe bashkësia e Frymës së Shenjtë qofshin me ju të gjithë. Amen.”

1. Ati është Perëndia. (**Galatasve 1:1** “Pali, apostull (jo nga njerëzit, as me anë njeriu, por nëpërmjet Jezu Krishtit dhe Perëndisë Atit, që e ringjalli prej së vdekurish),”
2 Timoteut 1:2 “Timoteut, birit të dashur: hir, mëshirë, paqe prej Perëndisë, Atit dhe prej Krishtit Jezus, Zotit tonë.”
1 Thesalonikasve 1:1 “Pali dhe Silvani dhe Timoteu, kishës së thesalonikasve në Perëndinë Atë dhe në Zotin Jezu Krisht: Hir mbi ju dhe paqe nga Perëndia, Ati ynë, dhe nga Zoti Jezu Krisht.”)
2. Fryma është Perëndia (**2 Korintasve 3:17** “Por Zoti është Fryma, dhe atje ku është Fryma e Zotit, atje ka liri.” **Veprat 5:3,4** “³Por Pjetri i tha: «Anania, pse satani ta mbushi zemrën që të gënjesh Frymën e Shenjtë dhe të mbash një pjesë të fitimit të vendit? ⁴Po të mbetej e pashitur, a nuk do të ngelte e jotja? Edhe pasi u shit a nuk ishte në pushtetin tënd? Pse e shtive në zemër këtë gjë? Ti nuk gënjeve njerëzit, por Perëndinë!».)

II. Çfarë thuhet në Bibël për Jezu Krishtin?

- A. Ardhja e Tij ishte e profetizuar **Zanafilla 3:15** “Dhe unë do të shtie armiqësi midis teje dhe gruas, midis farës sate dhe farës së saj; fara e saj do të shtypë kokën tënde, dhe ti do të plagosësh thembrën e farës së saj».
- B. Lindja e tij do të ishte e mrekullueshme.
Isaia 7:14 “Prandaj vetë Zoti do t’ju japë një shenjë: Ja, e virgjëra do të mbetet me barrë dhe do të lindë një fëmijë të cilin do ta quajë Emanuel.” krahaso me **Mateu 1:22-25** “²²E gjithë kjo ndodhi që të përmbushej ajo që u tha prej Zotit, me anë të profetit, duke thënë: ²³«Ja, virgjëresha do të mbetet shtatzënë dhe do të lindë një djalë, dhe do t’i vënë emrin Emanuel, që e përkthyer do të thotë: “Perëndia me ne”». ²⁴ Dhe Jozefi, si u zgjua nga gjumi, veproi ashtu siç e kishte urdhëruar engjëlli i Zotit dhe e mori pranë vetes gruan e tij; ²⁵dhe nuk e njohu atë, derisa lindi djalin e saj të parëlindur, dhe ia vuri emrin Jezu.”
- C. Vendi i lindjes së tij është i lokalizuar.
Mikea 5:2 “Por ti, o Bethlehem Efratah, megjithëse je i vogël midis mijërave të Judës, nga ti do të dalë për mua ai që do të jetë sundues në Izrael, origjinat e të cilit janë nga kohërat e lashta, nga ditët e përjetësisë».
krahaso me **Mateu 2:1** “Edhe Jezusi, si lindi në Bethlehem të Judës në ditët e mbretit Herod, ja, dijetarë nga lindja erdhën në Jerusalem,” **Luka 2:4-6** “⁴Por edhe Jozefi doli nga qyteti i Nazaretit të Galilesë, për të shkuar në Jude, në qytetin e Davidit, që quhet Bethlehem, sepse ai ishte i shtëpisë dhe i fisit të Davidit, ⁵për t’u regjistruar bashkë me Marinë, gruan e tij të premtuar, e cila qe shtatzënë. ⁶Kështu, ndërsa ishin atje, asaj iu mbushën ditët për të lindur.” dhe Ai do të dilte nga kombi i Izraelit, nga fisi i Judës, dhe pasardhës i Davidit.
Numrat 24:17-19 “¹⁷E shoh, por jo tani; e sodis, por jo afër: një yll do të dalë nga Jakobi dhe një skeptër do të ngrihet nga Izraeli, i cili do ta shtypë Moabin fund e krye dhe do të rrëzojë tërë bijtë e Shethit. ¹⁸Edomi do të bëhet pronë e tij, po ashtu edhe Seiri, armiku i tij, do të bëhet pronë e tij; Izraeli do të kryejë trimëri. ¹⁹Nga Jakobi do të dalë një sundues që do të shfarosë ata qytetarë që kanë mbijetuar.” **Zanafilla 49:9-11** “⁹Juda është një luan i ri; ti zë fill nga preja, biri im; ai përkulet, struket si një luan, si një luaneshë; kush guxon ta zgjojë? ¹⁰Skeptri nuk do t’i hiqet Judës, as bastuni i komandimit nga këmbët e tij, derisa të vijë Shilohu; dhe atij do t’i binden popujt. ¹¹Ai e lidh gomarin e tij të vogël në pjergull dhe kërriçin e gomaricës së tij në pjergullën më të mirë i

lan rrobat e tij në verë dhe mantelin e tij në gjakun e rrushit.” krahaso me **Mateu 1:1,2,16** ¹“Libri i gjenealogjisë së Jezu Krishtit, birit të Davidit, birit të Abrahamit. ²Abrahamit i lindi Isaku; Isakut i lindi Jakobi; Jakobit i lindi Juda dhe vëllezërit e tij.” ¹⁶“Jakobit i lindi Jozefi, bashkëshorti i Marisë, nga e cila lindi Jezusi, që quhet Krisht.”

D. Perëndia do të shfaqet në mish.

Isaia 9:5 “Sepse na ka lindur një fëmijë, një djalë na është dhënë. Mbi supet e tij do të mbështetet perandoria dhe do të quhet Këshilltar i admirueshëm, Perëndi i fuqishëm, Atë i përjetshëm, Princ i paqes.”

krahaso me **1 Timoteut 3:16** “Dhe pa kundërshtim misteri i perëndishmërisë është i madh: Perëndia u shfaq në mish, u drejtësua në Frymë, u duk engjëjve, u predikua ndër paganë, u besua në botë, u ngrit në lavdi.”

E. Ati dhe Biri janë një, **Gjoni 10:30** “Unë dhe Ati jemi një». **Gjoni 1:1,14** ¹⁴“Në fillim ishte Fjala dhe Fjala ishte me Perëndinë, dhe Fjala ishte Perëndi.” ¹⁴“Dhe Fjala u bë mish dhe ndenji ndër ne dhe ne soditëm lavdinë e tij, si lavdia e të vetëmlindurit nga Ati, plot hir e të vërtetë.” **Psalmi 45:6** “Froni yt, o Perëndi, vazhdon në përjetësi; skeptri i mbretërisë sate është një skeptër drejtësie.”

krahaso me **Hebrenjve 1:8** “ndërsa për të Birin thotë: «Froni yt, o Perëndi, është në jetë të jetëve; skeptri i mbretërisë sate është skeptër drejtësie.”

III. Cilat ishin disa nga gjërat që bëri Jezusi?

A. Jezusi bëri deklarata hyjnore.

Eksodi 3:13-15 ¹³Atëherë Moisiu i tha Perëndisë: «Ja, kur të shkoj te bijtë e Izraelit dhe t’u them: “Perëndia i etërve tuaj më ka dërguar te ju”, po të jetë se ata më thonë: “Cili është emri i tij”?, ç’përgjigje duhet t’u jap?». ¹⁴Perëndia i tha Moisiut: «UNË JAM AI QË JAM». Pastaj tha: «Do t’u thuash kështu bijve të Izraelit: “UNË JAM-i më ka dërguar tek ju”». ¹⁵Perëndia i tha ende Moisiut: «Do t’u thuash kështu bijve të Izraelit: “Zoti, Perëndia i etërve tuaj, Perëndia i Abrahamit, Perëndia i Isakut dhe Perëndia i Jakobit më ka dërguar tek ju. Ky është emri im përjetë. Ky ka për të qenë gjithnjë emri im me të cilin do të kujtohem nga të gjitha breznitë”.

krahaso me **Gjoni 8:58-59,24-25** ⁵⁸Jezusi u tha atyre: «Në të vërtetë, në të vërtetë, unë po ju them: Para se të kishte lindur Abrahami, unë jam». ⁵⁹Atëherë ata morën gurë, që t’i hidhnin kundër tij; por Jezusi u fsheh dhe doli nga tempulli, duke kaluar midis tyre; dhe kështu u largua.” ²⁴Prandaj ju thashë se ju do të vdisni në mëkatet tuaja, sepse po të mos besoni se unë jam, ju do të vdisni në mëkatet tuaja». ²⁵Atëherë ata i thanë: «Ti kush je?». Dhe Jezusi u tha atyre: «Pikërisht ai që ju thashë që në fillim.” **Gjoni 18:4-6** ⁴Atëherë Jezusi, duke ditur gjithçka që do t’i ndodhte, doli dhe u tha atyre: «Kë kërkoni?». ⁵Ata iu përgjigjën: «Jezus nazarenasin». Jezusi u tha atyre: «Unë jam!». Por edhe Juda, që po e tradhtonte, ishte me ta. ⁶Kur u tha atyre: «Unë jam», ata u zbrapsën dhe ranë përdhe.” **Gjoni 5:18** “Prandaj judenjtë kërkonin edhe më tepër ta vrisnin, sepse jo vetëm se shkelte shabatin, por edhe se thoshte se Perëndia ishte Ati i vet, duke e bërë veten të barabartë me Perëndinë.”

B. Jezusi kreu vepra hyjnore.

1. Krishti krijoi gjithçka - **Gjoni 1:3** “Të gjitha u bënë me anë të tij (fjalës), dhe pa atë nuk u bë as edhe një nga ato, që janë bërë.”

Kolosianëve 1:16 “sepse në të u krijuan të gjitha, ato që janë në qiej dhe ato mbi dhe, ato që duken dhe ato që nuk duken: frone, zotërime,

*principata dhe pushtete; të gjitha janë krijuar me anë të tij dhe ndaj tij.” **Hebrenjve 1:10** “Edhe: «Ti, o Zot, në fillim themelove tokën; dhe qiejt janë vepër e duarve të tua.”*

2. Krishti zotëron dhe dhuron jetë të përjetshme - **Gjoni 1:4** “Në të ishte jeta; dhe jeta ishte drita e njerëzve.” **Gjoni 10:28** “dhe unë u jap atyre jetë të përjetshme dhe nuk do të humbasin aspak, përjetë, dhe askush nuk do t’i rrëmbejë nga dora ime.” **Gjoni 14:6** “Jezusi i tha: «Unë jam udha, e vërteta dhe jeta; askush nuk vjen tek Ati përveçse nëpërmjet meje.”

1 Gjoni 5:11,12 “¹¹Dhe dëshmia është kjo: Perëndia na dha jetën e përjetshme dhe kjo jetë është në Birin e tij. ¹²Ai, që ka Birin, ka jetën; ai, që nuk ka Birin e Perëndisë, nuk ka jetën.”

3. Jezusi fal mëkatet. Sipas ligjit këtë mund ta bëjë vetëm Perëndia. **Isaia 43:25** “Unë, pikërisht unë, jam ai që për hir të vetvetes fshij shkeljet e tua dhe nuk do t’i mbaj mend mëkatet e tua.” **Mikea 7:18** “Cili Perëndi është si ti, që fal paudhësinë dhe e kapërcen shkeljen e mbetjes së trashëgimisë së tij? Ai nuk e mban përgjithnjë zemërimin e tij, sepse i pëlqen të jetë i mëshirshëm.”

krahaso me **Marku 2:5-7** “⁵Jezusi, kur pa besimin e tyre, i tha të paralizuarit: «O bir, mëkatet e tua të janë falur!». ⁶Por aty po rrinin ulur disa skribë, të cilët, në zemër të vet, po mendonin: ⁷«Ç’flet ky kështu blasfemi? Kush mund të falë mëkatet, veç Perëndisë vetë?».

C. Jezusi zotëronte veti hyjnore.

Jo vetëm që pretendonte se ishte Zot, por Jezusi gjithashtu provonte se Ai kishte aftësinë për të bërë gjëra që vetëm Zoti mund t’i bënte.

1. Jezusi njoftonte ngjarje që ndodhnin kur Ai gjendej larg vendndodhjes **Gjoni 1:48-50** “⁴⁸Natanaeli i tha: «Nga më njeh?». Jezusi u përgjigj dhe i tha: «Të pashë kur ishe nën pemën e fikut, para se të të thërriste Filipi». ⁴⁹Natanaeli duke iu përgjigjur tha: «Mësues, ti je Biri i Perëndisë, ti je mbreti i Izraelit!». ⁵⁰Jezusi u përgjigj dhe i tha: «Sepse të thashë se të pashë nën fik, ti beson; do të shohësh gjëra më të mëdha se këto!».

2. Jezusi njihte mendimet dhe zemrat e njerëzve - **Luka 6:8** “Por ai ua njihte mendimet e tyre dhe i tha njeriut me dorë të tharë: «Çohu dhe dil këtu në mes». Dhe ai u ngrit dhe qëndroi.”

Zbulesa 2:19,23 “¹⁹Unë i njoh veprat e tua, edhe dashurinë, edhe shërbesën, edhe besimin, edhe durimin tënd, edhe veprat e tua, edhe të pastajmet se janë më të shumta se të parat.” “²³Dhe do t’i godas me vdekje bijtë e saj; dhe të gjitha kishat do të njohin se unë jam ai, që heton veshkat dhe zemrat; dhe do t’i jap secilit nga ju, sipas veprave tuaja.”

krahaso me **Jeremia 17:10** “Unë, Zoti, hetoj zemrën, vë në provë mendjen për t’i dhënë secilit sipas rrugëve të tij, sipas frytit të vepërimeve të tij.”

3. Jezusi kishte kontroll mbi jetën dhe vdekjen - **Luka 7:14-16** „¹⁴Edhe u afrua, preku vigun, dhe ata që e bartnin u ndalën; atëherë ai tha: «Djalosh, unë të them, ngrihu!». ¹⁵Dhe i vdekuri u çua ndenjtur dhe filloi të flasë. Dhe Jezusi ia dha së ëmës. ¹⁶Atëherë të gjithëve u hyri frika dhe lëndonin Perëndinë duke thënë: «Midis nesh u ngrit një profet i madh» dhe: «Perëndia e vizitoi popullin e vet».

- D. Jezusi e pranonte adhurimin që i bëhej si Zot. Ai ia lejoi vetes për të qenë i adhuruar, gjë e cila i ishte referuar vetëm Zotit.
- Mateu 14:33** “Atëherë ata që ishin në barkë erdhën dhe e adhuruan, duke thënë: «Me të vërtetë ti je Biri i Perëndisë!». **Mateu 28:9** “Dhe, ndërsa po shkonin për t’u thënë dishepujve, ja Jezusi u doli përpara dhe tha: «Përshëndetje!». Por ato u afruan, i rrokën këmbët dhe e adhuruan.”
- Gjoni 20:28** “Atëherë Thomai u përgjigj dhe i tha: «Zoti im dhe Perëndia im!». **Gjoni 5:23** “që të gjithë ta nderojnë Birin ashtu siç nderojnë Atin; kush nuk e nderon Birin, nuk nderon Atin, që e ka dërguar.”
- Hebrenjve 1:6** “Por, kur përsëri e fut të parëlindurin në botë, thotë: «Le ta adhurojnë të gjithë engjëjt e Perëndisë». **Zbulesa 5:8-14** ⁸Dhe, mbasi e mori librin, të katër qeniet e gjalla dhe të njëzet e katër pleqtë ranë përmbys përpara Qengjit, duke pasur secili një qeste dhe kupa të arta plot me temjan, të cilat janë lutjet e shenjtoreve. ⁹Dhe këndonin një këngë të re duke thënë: «I denjë je të marrësh librin dhe të hapësh vulat e tij, sepse ti u there, dhe nëpërmjet gjakut tënd na bleve për Perëndinë prej çdo fisi, gjuhe, populli dhe kombi, ¹⁰dhe na bëre mbretër dhe priftër për Perëndinë tonë, dhe do të mbretërojmë mbi dhe». ¹¹Dhe pashë, dhe dëgjova zërin e shumë engjëjve rreth e qark fronit, qenieve të gjalla dhe pleqve; dhe numri i tyre ishte dhjetë mijëra dhjetë mijërash dhe mijëra mijërash, ¹²që thoshin me zë të madh: «I denjë është Qengji i therur, të marrë fuqi, dhe pasuri, dhe urtësi, dhe forcë, dhe nder, dhe lavdi, dhe bekim». ¹³Edhe çdo krijesë, që është në qiell, mbi dhe, nën dhe dhe ato, që janë në det dhe të gjitha gjërat që janë në to, dëgjova që thoshin: «Atij që rri mbi fron dhe Qengjit, i qofshin bekimi, nderi, lavdia dhe sundimi në jetë të jetëve». ¹⁴Dhe të katër qeniet e gjalla thoshin: «Amen!». Dhe të njëzet e katër pleqtë ranë përmbys dhe adhuruan atë që rron në jetë të jetëve.”

IV. Jezusi përdori emërtime që mund t’i përdorte vetëm Perëndia (në Dhjatën e Vjetër).

- A. **I pari dhe i fundit, Isaia 44:6** “Kështu thotë Zoti, mbreti i Izraelit dhe Shpengimtari i tij, Zoti i ushtrive: «Unë jam i pari dhe jam i fundit, dhe përveç meje nuk ka Perëndi.” **Isaia 48:12** “Dëgjomë, o Jakob, dhe Izrael, që unë kam thirrur. Unë jam ai që është; unë jam i pari dhe jam i fundit gjithashtu.” krahaso me **Zbulesa 22:12,13** ¹²Dhe ja, unë vij shpejt, dhe shpërblimi im me mua, për t’i dhënë gjithsecilit, sikundër do të jetë vepra e tij. ¹³Unë jam Alfa dhe Omega, fillimi dhe mbarimi, i pari dhe i fundit». **Zbulesa 1:17-18** ¹⁷Dhe kur e pashë atë, rashë para këmbëve të tij si i vdekur. Dhe ai vuri dorën e tij të djathtë mbi mua, duke më thënë: «Mos ki frikë! Unë jam i pari dhe i fundit, ¹⁸dhe i gjalli; isha i vdekur, por ja, jam i gjallë në jetë të jetëve, amen; dhe unë i kam çelësat e ferrit e të vdekjes.”
- B. **Shpëtimtar, Isaia 43:10,11** ¹⁰Dëshmitarët e mi jeni ju, thotë Zoti, bashkë me shërbëtorin që kam zgjedhur, me qëllim që ju të më njihni dhe të keni besim tek unë, si dhe të merrni vesh që unë jam. Para meje asnjë Perëndi nuk u formua dhe pas meje nuk do të ketë asnjë tjetër. ¹¹Unë, unë jam Zoti dhe përveç meje nuk ka Shpëtimtar tjetër.” krahaso me **Veprat e Apostujve 4:12** “Dhe në asnjë tjetër nuk ka shpëtim, sepse nuk ka asnjë emër tjetër nën qiell, që u është dhënë njerëzve, me anë të të cilit duhet të shpëtohem.”
- Osea 13:4** “Megjithatë unë jam Zoti, Perëndia yt, që nga vendi i Egjiptit; ti nuk duhet të pranosh tjetër Perëndi veç meje dhe nuk ka tjetër Shpëtimtar jashtë meje.” krahaso me **Gjoni 4:42** “Dhe ata i thanë gruas: «S’është më

vetëm për shkak të fjalëve të tua që besojmë, sepse vetë e kemi dëgjuar dhe e dimë se ai është me të vërtetë Krishti, Shpëtimtari i botës». **2 Pjetrit 1:1,11** “¹Simon Pjetri, shërbëtor dhe apostull i Jezu Krishtit, atyre që kanë marrë një besim të barsvlershëm me tonin, me anë të drejtësisë së Perëndisë sonë dhe të Shpëtimtarit tonë Jezu Krisht:” “¹¹Sepse kështu do t’ju jepet të hyni begatisht në mbretërinë e përjetshme të Zotit dhe Shpëtimtarit tonë Jezu Krisht.”

- C. **Zoti i lavdisë, Psalmi 24:8-10** “⁸Kush është ky Mbret i lavdisë? Është Zoti i fortë dhe i fuqishëm, Zoti i fortë në betejë. ⁹O porta, çoni kokat tuaja; hapuni krejt, o porta të përjetshme, dhe Mbreti i lavdisë do të hyjë. ¹⁰Kush është ky Mbret i lavdisë? Është Zoti i ushtrive; ai është Mbreti i lavdisë. (Sela)” **Psalmi 29:3** “Zëri i Zotit është mbi ujërat; Perëndia i lavdisë gjëmon; Zoti është mbi ujërat e mëdha.”

krahaso me **1 Korintasve 2:8** “të cilën asnjë nga pushtetarët e kësaj bote nuk e ka njohur; sepse, po ta kishin njohur, nuk do të kishin kryqëzuar Zotin e lavdisë.” **Jakobi 2:1** “Vëllezër të mi, mos e keni me anësi besimin e Zotit tonë Jezu Krishtit të lavdisë.”

- D. **Drita, Psalmi 27:1** “Zoti është drita ime dhe shpëtimi im; nga kush do të kem frikë? Zoti është kështjella e jetës sime; nga kush do të kem frikë?” **Isaia 60:20** “Dielli yt nuk do të perëndojë më dhe hëna jote nuk do të tërhiqet më, sepse Zoti do të jetë drita jote e përjetshme dhe ditët e tua të zisë do të marrin fund.”

krahaso me **Gjoni 1:9** “Ai (fjala) ishte drita e vërtetë, që ndriçon çdo njeri, kur vjen në botë.” **Gjoni 8:12** “Dhe Jezusi u foli atyre përsëri duke thënë: «Unë jam drita e botës; kush më ndjek, nuk do të ecë në errësi, por do të ketë dritën e jetës».

- E. **Bariu, Psalmi 23:1** “Zoti është bariu im, asgjë nuk do të më mungojë.” krahaso me **Gjoni 10:11** “Unë jam bariu i mirë; bariu i mirë jep jetën e vet për delet.”

Psalmi 100:3 “Pranoni që Zoti është Perëndia; na ka bërë ai dhe jo ne vetë; ne jemi populli i tij dhe kopeja e kullotës së tij.” krahaso me **Hebrenjve 13:20** “Dhe Perëndia i paqes, që e nxori lart prej së vdekurish, me anë të gjakut të besëlidhjes së përjetshme, Bariun e madh të dhenve, Zotin tonë Jezu Krisht,”

Isaia 40:11 “Ai do të kullosë kopenë e tij si një bari, do t’i mbledhë qengjat me krahun e tij dhe do t’i mbajë në gji të tij, dhe do të udhëheqë me ëmbëlsi dhe kujdes delet që kanë të vegjlit e tyre.” krahaso me **1 Pjetrit 5:4** “Dhe kur të shfaqet kryebariu, do të merrni kurorën e lavdisë që nuk fishket.”

- F. **Mbreti, Psalmi 47** v.2 Sepse Zoti, Shumë i Larti, është i tmerrshëm, një mbret i madh mbi gjithë dheun. v.7 Sepse Perëndia është mbreti i gjithë dheut, këndojini lavde me zotësi. krahaso me **Gjoni 19:21** “Atëherë kryepriiftërinjtë e judenjve i thanë Pilatit: «Mos shkruaj: “Mbreti i judenjve”, por që ai ka thënë: “Unë jam mbreti i judenjve»».

Jeremia 10:10 “Por Zoti është Perëndia i vërtetë, ai është Perëndia i gjallë dhe mbreti i përjetshëm. Para zemërimit të tij toka dridhet dhe kombet nuk mund të qëndrojnë përpara indinjatës së tij.” krahaso me **Zbulesa 19:11-16** “¹¹Dhe pashë qiellin e hapur, dhe ja, një kalë i bardhë, dhe ai që ishte ulur mbi të quhet Besniku dhe i Vërteti; dhe ai gjykon dhe lufton me drejtësi. ¹²Por sytë e tij ishin si flakë zjarri dhe mbi kryet e tij ishin shumë diadema; edhe kishte një emër të shkruar, që askush nuk e di, përveç tij; ¹³Dhe ishte i veshur me një rrobë të ngjyer në gjak; dhe emri i tij quhet: “Fjala e Perëndisë”. ¹⁴Dhe

ushtritë që janë në qiell e ndiqnin mbi kuaj të bardhë, të veshur me rroba liri të hollë, të bardhë dhe të pastër. ¹⁵Dhe prej gojës së tij dilte një shpatë e mprehtë për të goditur kombet me të; dhe ai do t'i qeverisë me skeptër hekuri dhe ai do të shkelë vozën e verës së mërisë dhe të zemërimit të Perëndisë së Gjithëpushtetshëm. ¹⁶Dhe mbi rrobën e tij dhe mbi kofshën e tij kishte të shkruar një emër: MBRETI I MBRETËRVE dhe ZOTI I ZOTËRVE.”

- G. **Gjykatësi, Zanafilla 18:25** “Mos e bëj këtë gjë, të shkaktosh vdekjen e të drejtit bashkë me atë të të paudhit, kështu që i drejti të trajtohet si i paudhi. Larg teje një mendim i tillë! Gjykatësi i tërë tokës a nuk ka për të bërë drejtësi?». krahaso me **2 Timoteut 4:1** “Unë po të përbej, pra, përpara Perëndisë dhe Zotit Jezu Krisht, që ka për të gjykuar të gjallë e të vdekur, në dukjen e tij dhe në mbretërinë e tij”
- H. **Krijuesi, Zanafilla 1:1** “Në fillim Perëndia krijoi qiejt dhe tokën.” krahaso me **Gjoni 1:1-3** “¹Në fillim ishte Fjala dhe Fjala ishte me Perëndinë, dhe Fjala ishte Perëndi. ²Ai (fjala) ishte në fillim me Perëndinë. ³Të gjitha u bënë me anë të tij (fjalës), dhe pa atë nuk u bë as edhe një nga ato, që janë bërë.” **Isaia 40:26-28** “²⁶Ngrini sytë tuaj përpjetë dhe shikoni: Kush i krijoi këto gjëra? Ai që e nxjerr ushtrinë e tyre me shumicë dhe thërret gjithçka me emër; për madhësinë e fuqisë së tij dhe forcën e tij, asnjë nuk mungon. ²⁷Pse thua, o Jakob, dhe ti, Izrael, shpall: «Rruga ime i është fshehur Zotit dhe për të drejtën time nuk kujdeset Perëndia im? ²⁸Nuk e di ti, vallë, nuk e ke dëgjuar? Perëndia i përjetësisë, Zoti, krijuesi i kufijve të tokës, nuk mundohet dhe nuk lodhet, zgjuarsia e tij është e panjohshme.” krahaso me **Kolosianëve 1:15- 17** “¹⁵Ai është shëmbëllimi i Perëndisë së padukshëm, i parëlinduri i çdo krijese, ¹⁶sepse në të u krijuan të gjitha, ato që janë në qiej dhe ato mbi dhe, ato që duken dhe ato që nuk duken: frone, zotërime, principata dhe pushtete; të gjitha janë krijuar me anë të tij dhe ndaj tij. ¹⁷Ai është përpara të gjithave dhe të gjitha qëndrojnë nëpërmjet tij.” **Hebrenjve 1:8-12** “⁸ndërsa për të Birin thotë: «Froni yt, o Perëndi, është në jetë të jetëve; skeptri i mbretërisë sate është skeptër drejtësie. ⁹E ke dashur drejtësinë dhe e ke urryer paudhësinë; prandaj Perëndia, Perëndia yt, të vajosi me vaj ngazëllimi përmbi shokët e tu». ¹⁰Edhe: «Ti, o Zot, në fillim themelove tokën; dhe qiejt janë vepër e duarve të tua. ¹¹Ata do të prishen, por ti mbetesh; edhe të gjithë do të vjetrohen si rrobë, ¹²dhe ti do t'i mbështjellësh si një mantel edhe do të ndërrohen; por ti je po ai, dhe vitet e tua nuk do të shteren kurrë».

V. Dëshmi të tjera për:

- A. Qengji i therur. Tek **Zakaria 12:10** «Do të derdh mbi shtëpinë e Davidit dhe mbi banorët e Jerusalemit Frymën e hirit dhe të përgjërimit; dhe ata do të vështrojnë drejt meje, drejt atij që kanë therur; do të pikëllohen për të, ashtu si pikëllohesh për një bir të vetëm, dhe do të hidhërohen shumë për të, ashtu si hidhërohesh fort për një të parëlindur.”
- Perëndia thotë: “... dhe ata do të vështrojnë drejt meje, drejt atij që kanë therur ...”. N.q.s Jezusi nuk është vetë Perëndia atëherë kur është therur Perëndia tek **Zakaria 12:10**? Krahaso me **Zbulesa 1:7** “Ja, ai vjen me retë dhe çdo sy do ta shohë, edhe ata që e tejshpuan; dhe të gjitha fiset e dheut do të vajtojnë mbi të. Po, amen.” **Zbulesa 5:6** “Dhe pashë, dhe ja në mes të fronit dhe të katër qenieve të gjalla dhe në mes të pleqve, qëndronte një Qengj si i therur, i cili kishte shtatë brirë dhe shtatë sy, që janë të shtatë Frymërat e Perëndisë, të dërguar në gjithë dheun.” **Zbulesa 5:12,13** “¹²që thoshin me zë

të madh: «I denjë është Qengji i therur, të marrë fuqi, dhe pasuri, dhe urtësi, dhe forcë, dhe nder, dhe lavdi, dhe bekim». ¹³Edhe çdo krijesë, që është në qiell, mbi dhe, nën dhe dhe ato, që janë në det dhe të gjitha gjërat që janë në to, dëgjova që thoshin: «Atij që rri mbi fron dhe Qengjit, i qofshin bekimi, nderi, lavdia dhe sundimi në jetë të jetëve».

- B. Gjaku i Perëndisë. Tek **Veprat e Apostujve 20:28** thuhet: “Kini kujdes, pra, për veten tuaj dhe për gjithë tufën, në të cilën Fryma e Shenjtë ju ka vënë juve mbikëqyrës të kullotni kishën e Perëndisë, të cilën ai e ka fituar me gjakun e vet.” N.q.s. Jezusi nuk është vetë Perëndia, atëherë ku e gjeti gjakun Perëndia, që paska fituar kishën me gjakun e tij?
- C. Perëndia kishte një lajmëtar. Tek **Malakia 3:1** Perëndia thotë: “Ja, unë po dërgoj lajmëtarin tim për të përgatitur rrugën para meje. Dhe menjëherë Zoti, që ju kërkoni, do të hyjë në tempullin e vet, engjëlli i besëlidhjes që ju kërkoni me ëndje, ja, do të vijë», thotë Zoti i ushtrive.” **Mateu 11:10**, “Sepse ky është ai për të cilin është shkruar: “Ja, unë po dërgoj lajmëtarin tim para fytyrës sate; ai do ta bëjë gati rrugën tënde para teje”.
- (**Marku 1:1-2** “¹Fillimi i Ungjillit të Jezu Krishtit, Birit të Perëndisë. ²Ashtu si është shkruar te profetët: «Ja, unë po dërgoj para fytyrës sate lajmëtarin tim, që do të përgatitë udhën tënde përpara teje.”). Dhe ky lajmëtar flet për Jezusin se: (**Gjoni 1:15** “Gjoni dëshmoi për të dhe thirri duke thënë: «Ky është ai për të cilin thashë: Ai që vjen pas meje zë vend para meje, sepse ishte përpara meje».) N.q.s. Jezusi nuk ishte vetë Perëndia, për kë flet Gjon Pagëzori dhe kujt po i përgatit rrugën ai?
- D. Pali dhe Gjoni dëshmojnë që Jezusi është vetë Perëndia. **Romakëve 9:5** “të tyrët janë edhe etërit, prej të cilëve rrjedh sipas mishit Krishti, i cili është përmbi çdo gjë Perëndi, i bekuar përjetë. Amen.” **Titi 2:13** “duke pritur shpresën e lume dhe të shfaqurit e lavdisë të të madhit Perëndi dhe të Shpëtimtarit tonë, Jezu Krisht,” **1 Gjoni 5:20** “Por dimë se Biri i Perëndisë erdhi dhe na dha të kuptuarit, që të njohim të Vërtetin; dhe jemi në të Vërtetin, në Birin e tij Jezu Krisht; ky është i vërteti Perëndi dhe jeta e përjetshme.”
- E. Jezusi pohonte se ishte vetë Perëndia (**Gjoni 13:13** “Ju më quani Mësues dhe Zot, dhe mirë thoni, sepse jam.”), por për qenien njerëzore kjo ishte blasfemi, **Gjoni 5:18,30** “¹⁸Prandaj judenjtë kërkonin edhe më tepër ta vrisnin, sepse jo vetëm se shkelte shabatën, por edhe se thoshte se Perëndia ishte Ati i vet, duke e bërë veten të barabartë me Perëndinë.” “³⁰Unë s’mund të bëj asgjë nga vetja ime; gjykoj sipas asaj që dëgjoj dhe gjyqi im është i drejtë, sepse nuk kërkoj vullnetin tim, por vullnetin e Atit që më ka dërguar.” krahaso me **Gjoni 10:33** “Judenjtë u përgjigjën duke thënë: «Ne nuk të vrasim me gurë për vepër të mirë, po për blasfemi, dhe sepse ti, duke qenë njeri, e bën veten Perëndi».
- Jezusi nuk u dënua për veprat që bënte, siç dënohen njerëzit, por u dënua për atë që Ai ishte.

Përfundim. Mësimi nga Bibla për Hyjninë e Jezu Krishtit është shumë i qartë. Jezu Krishti është vetë Perëndia. Çdo shmangie prej këtij qëndrimi jo vetëm që është kundërshtim i drejtpërdrejtë i Fjalës së Perëndisë, por edhe blasfemi. Ata që përpiqen ta bëjnë Jezusin më pak se Perëndia nuk mund të mbështeten tek Bibla si provë (**Jeremia 8:9** “Njerëzit e ditur do të turpërohen, do të tremben dhe do të kapen. Ja, kanë hedhur poshtë fjalën e Zotit; çfarë diturie mund të kenë?”).

Pyetje - Përgjigje

1. Si e shfaqti Perëndia veten e Tij? Jep referenca që e shpjegojnë atë.
2. Trego disa nga profeticitë e Dhjatës së Vjetër në lidhje me Birin e Perëndisë.
 - A.
 - B.
 - C.
3. Cilat ishin disa nga gjërat që bëri Jezusi?
 - A.
 - B.
 - C.
4. Shkruaj disa emërtime që përdorte Jezusi.
 - A.
 - B.
 - C.
 - D.
 - E.
 - F.
 - G.
 - H.
5. Shpjego shkurtimisht qëllimin kryesor të këtij mësimi.

Vargje përmendsh:

- 1 Gjoni 5:7** *“Sepse tre janë ata që dëshmojnë në qiell: Ati, Fjala dhe Fryma e Shenjtë; dhe këta të tre janë një.”*
- 1 Timoteu 3:16** *“Dhe pa kundërshtim misteri i perëndishmërisë është i madh: Perëndia u shfaq në mish, u drejtësua në Frymë, u duk engjëjve, u predikua ndër paganë, u besua në botë, u ngrit në lavdi.”*
- 1 Gjonit 5:20** *“Por dimë se Biri i Perëndisë erdhi dhe na dha të kuptuarit, që të njohim të Vërtetin; dhe jemi në të Vërtetin, në Birin e tij Jezu Krisht; ky është i vërteti Perëndi dhe jeta e përjetshme.”*

MËSIMI 5 - FRYMA E SHENJTË

Që ditën kur ti pranove Zotin Jezus Krisht si Shpëtimtarin tënd personal, Fryma e Shenjtë e Zotit u vendos përgjithmonë në trupin tënd. Qëllimi i këtij mësimi është për t'i dhënë individit një kuptim bazë mbi atë se çfarë bën në jetën e tij Fryma e Shenjtë e Zotit.

I. Kush është Fryma e Shenjtë?

- A. Ai është Perëndia - Personi i tretë i Trinisë. **Mateu 28:19** “Shkoni, pra, dhe bëni dishepuj të gjithë kombet duke i pagëzuar në emër të Atit e të Birit e të Frymës së Shenjtë,” **1 Gjonit 5:5-7** “⁵Cili është ai, që e mund botën, veçse ai, që beson se Jezusi është Biri i Perëndisë? ⁶Ky është ai që erdhi përmes ujit e gjakut, Jezu Krishti; jo vetëm me anë të ujit, por me anë të ujit e me anë të gjakut. Dhe Fryma është ai, që dëshmon, sepse Fryma është e vërteta. ⁷Sepse tre janë ata që dëshmojnë në qiell: Ati, Fjala dhe Fryma e Shenjtë; dhe këta të tre janë një.” **Hebrenjve 9:14** “aq më shumë gjaku i Krishtit, i cili me anë të Frymës së përjetshëm ia ofroi veten e tij të patëmetë Perëndisë, do ta pastrojë ndërgjegjen tuaj nga veprat e vdekura për t'i shërbyer Perëndisë së gjallë!” **Isaia 48:16-17** “¹⁶Afrohuni tek unë, dëgjoni këtë: “Qysh në fillim nuk fola në fshehtësi; kur këto fakte ndodhnin, unë isha atje. Dhe tani Zoti, Zoti, dhe Fryma e tij më kanë dërguar”». ¹⁷Kështu thotë Zoti, Shpengimtari yt, i Shenjti i Izraelit: «Unë jam Zoti, Perëndia yt, që të mëson për të mirën tënde, që të udhëheq nëpër rrugën që duhet të ndjekësh.”
- B. Ai është një person, jo thjesht një “forcë” e padukshme. **Romakëve 8:27** “Dhe ai që heton zemrat e di cila është mendja e Frymës, sepse ai ndërhyr për shenjtorët, sipas Perëndisë.” **Gjoni 16:7,8,13-15** “⁷Megjithatë unë ju them të vërtetën: Është mirë për ju që unë të shkoj, sepse, po nuk shkova, nuk do të vijë te ju Ngushëlluesi; por, po shkova, unë do t’ju dërgoj. ⁸Dhe kur të ketë ardhur, ai do ta bindë botën për mëkat, për drejtësi dhe për gjyq.” “¹³Por, kur të vijë ai, Fryma e së Vërtetës, do t’ju prijë në gjithë të vërtetën, sepse nuk do të flasë prej vetes, por do të flasë atë që do të dëgjojë dhe do t’ju kumtojë ato që do të vijnë. ¹⁴Ai do të më përlëvdojë, sepse do të marrë prej times dhe do t’ju kumtojë. ¹⁵Gjithë sa ka Ati janë të miat; për këtë ju thashë se ai do të marrë prej simes dhe do t’ju kumtojë.”
- C. Ai është person i Trinisë.
- Gjoni 14:16** “Dhe unë do t’i lutem Atit dhe ai do t’ju japë një Ngushëllues tjetër, që do të qëndrojë përgjithmonë me ju,”
 - Biri lutet.
 - Ati jep.
 - Fry ma vjen.
 - Veprat e Apostujve 2:33** “Ai, pra, duke qenë i ngritur në të djathtë të Perëndisë dhe duke marrë nga Ati premtimin e Frymës së Shenjtë, derdhi atë që ju tani shihni dhe dëgjoni.”
 - Biri u ngrit në të djathtë të Atit.
 - Ati është në fronin e Tij
 - Biri mori premtimin nga Ati për Frymën se do t’ia japë atë Kishës.
 - Luka 3:21-22** “²¹Dhe ndodhi që, mbasi u pagëzua gjithë populli, edhe Jezusi u pagëzua; dhe ndërsa po lutej, qielli u hap ²²dhe Fryma e Shenjtë zbriti mbi të, në trajtë trupore si të pëllumbit, dhe prej qiellit erdhi një zë, që thoshte: «Ti je Biri im i dashur, ty të kam pëlqyer!». - në pagëzimin e Jezusit.

- a) Perëndia Atë tha: «Ti je Biri im i dashur, ty të kam pëlqyer!».
- b) Perëndia Bir u pagëzua prej Gjon pagëzorit në lumin Jordan.
- c) Perëndia Frymë e Shenjtë zbriti në trajtë trupore si një pëllumb.

II. Ku e gjej unë Frymën e Shenjtë?

Fryma e Shenjtë e Zotit jeton në këtë tokë brënda trupit tënd nëse ti je i shpëtuar. Ai të vulosi ty që në momentin kur ti u shpëtove dhe zuri aty vënd të përhershëm.

1 Korintasve 6:19-20 ¹⁹A nuk e dini se trupi juaj është tempulli i Frymës së Shenjtë që është në ju, të cilin e keni nga Perëndia, dhe se nuk i përkitni vetvetes? ²⁰Sepse u bletë me një çmim! Përlëvdoni Perëndinë, pra, me trupin tuaj dhe në frymën tuaj, që i përkasin Perëndisë.” **Gjoni 14:17** “Frymën e së Vërtetës, që bota nuk mund ta marrë, sepse nuk e sheh dhe nuk e njeh; por ju e njihni, sepse qëndron me ju dhe do të jetë në ju.” **Galatasve 4:6** “Dhe, duke qenë se jeni bij, Perëndia dërgoi Frymën e Birit të tij në zemrat tuaja që thërret: «Abba, Atë!».” **Efesianëve 2:22** “në të cilin edhe ju jeni bashkëndërtuar për të qenë banesë e Perëndisë në Frymë.”

III. Cili është funksioni i Frymës së Shenjtë?

- A. Fryma e Shenjtë na bind për mëkatin. **Gjoni 16:8-9** ⁸Dhe kur të ketë ardhur, ai do ta bindë botën për mëkat, për drejtësi dhe për gjyq. ⁹Për mëkat, sepse nuk besojnë në mua;”
 1. Tek i shpëtuari e bind për mëkatin që ta sjellë atë në shpëtim.
 2. Tek i shpëtuari e bind për mëkatin për ta mbajtur atë të pastër dhe i tregon atij si të jetojë për Jezus Krishtin.
- B. Fryma e Shenjtë krijon dhe rigjeneron.
 1. Fryma e Shenjtë është aktiv në krijim. **Zanafilla 1:2** “Toka ishte pa trajtë, e zbrazët dhe errësira mbulonte sipërfaqen e humnerës; dhe Fryma e Perëndisë lëvizte mbi sipërfaqen e ujërave.” **Jobi 33:4** “Fryma e Perëndisë më ka krijuar dhe fryma e të Plotfuqishmit më jep jetë.”
 2. Në Jezus Krishtin ti je një krijesë e re e rilindur nga Fryma e Shenjtë. **Gjoni 3:3-8** ³Jezusi iu përgjigj dhe i tha: «Në të vërtetë, në të vërtetë po të them që nëse një nuk lind përsëri, ai nuk mund ta shohë mbretërinë e Perëndisë». ⁴Nikodemi i tha: «Si mund të lindë një njeri kur është plak? A mund të hyjë ai për së dyti në barkun e nënës së vet dhe të lindë?».” ⁵Jezusi u përgjigj: «Në të vërtetë, në të vërtetë po të them se, kush nuk lind nga uji dhe nga Fryma, ai nuk mund të hyjë në mbretërinë e Perëndisë. ⁶Ç’ka lindur nga mishi, është mish; dhe ç’ka lindur nga Fryma, është frymë. ⁷Mos u mrekullo që të thashë: “Duhet të lindni përsëri”. ⁸Era fryn ku të dojë dhe ti ia dëgjon zërin, por nuk e di nga vjen dhe ku po shkon; kështu është edhe çdo njeri që është lindur nga Fryma».
- C. Fryma e Shenjtë të vulos sapo ti shpëtohesh. **Efesianëve 1:13-14** ¹³Në të edhe ju, pasi e dëgjuat fjalën e së vërtetës, ungjillin e shpëtimit tuaj dhe, pasi besuat, u vulosët me Frymën e Shenjtë të premtimit, ¹⁴i cili është kapari i trashëgimisë sonë, për shpengimin e pronës së fituar, për lëvdimin e lavdisë së tij.” **Efesianëve 4:30** “Dhe mos e trishtoni Frymën e Shenjtë të Perëndisë, me të cilin u vulosët për ditën e shpengimit.”
- D. Fryma e Shenjtë është dëshmitar i shpëtimit tuaj. **1 Gjoni 4:13** “Në këtë njohim se qëndrojmë në të dhe ai në ne, sepse ai na ka dhënë prej Frymës së tij.” **Romakëve 8:16** “Vetë Fryma i dëshmon frymës tonë që jemi bij të Perëndisë.”

- E. Fryma e Shenjtë të mëson ty Biblën. **Gjoni 14:26** “por Ngushëlluesi, Fryma e Shenjtë, që Ati do ta dërgojë në emrin tim, ai do t’ju mësojë çdo gjë dhe do t’ju kujtojë të gjitha këto që ju thashë.” **Gjoni 16:13-15** “¹³Por, kur të vijë ai, Fryma e së Vërtetës, do t’ju prijë në gjithë të vërtetën, sepse nuk do të flasë prej vetes, por do të flasë atë që do të dëgjojë dhe do t’ju kumtojë ato që do të vijnë. ¹⁴Ai do të më përlëvdtojë, sepse do të marrë prej times dhe do t’jua kumtojë. ¹⁵Gjithë sa ka Ati janë të miat; për këtë ju thashë se ai do të marrë prej simes dhe do t’jua kumtojë.” **1 Korintasve 2:9-10** “⁹Por, sikurse është shkruar: «Ato gjëra që syri nuk i ka parë dhe veshi nuk i ka dëgjuar dhe që nuk kanë hyrë në zemër të njeriut, janë ato që Perëndia ka përgatitur për ata që e duan atë». ¹⁰Po Perëndia na i zbuloi me anë të Frymës së tij, sepse Fryma heton gjithçka, edhe të thellat e Perëndisë.”
- F. Fryma e Shenjtë ndërmjetëson për ty që të lutesh. **Romakëve 8:26-29** “²⁶Po ashtu, edhe Fryma na ndihmon në dobësitë tona, sepse ne nuk dimë çfarë të kërkojmë në lutjet tona, sikurse duhet; por vetë Fryma ndërhyr për ne me psherëtimë të patregueshme. ²⁷Dhe ai që heton zemrat e di cila është mendja e Frymës, sepse ai ndërhyr për shenjtorët, sipas Perëndisë. ²⁸Dhe ne e dimë se të gjitha gjërat bashkëveprojnë për të mirë për ata që e duan Perëndinë, për ata që janë të thirrur sipas qëllimit të tij. ²⁹Sepse, ata që ai i ka njohur që më parë, edhe i ka paracaktuar që të jenë njësoj me shëmbëllimin e Birit të tij, kështu që ai të jetë i parëlinduri në mes të shumë vëllezërve.” **Efesianëve 2:18** “sepse, përmes tij, që të dy kemi hyrje tek Ati nëpër një Frymë të vetëm.”
- G. Fryma e Shenjtë të qetëson në kohë nevoje. **Gjoni 14:15-18** “¹⁵Nëse më doni, mbani urdhërimet e mia. ¹⁶Dhe unë do t’i lutem Atit dhe ai do t’ju japë një Ngushëllues tjetër, që do të qëndrojë përgjithmonë me ju, ¹⁷Frymën e së Vërtetës, që bota nuk mund ta marrë, sepse nuk e sheh dhe nuk e njuh; por ju e njihni, sepse qëndron me ju dhe do të jetë në ju. ¹⁸Nuk do t’ju lë bonjakë, do të kthehem te ju.” **2 Korintasve 1:3-4** “³Bekuar qoftë Perëndia dhe Ati i Zotit tonë Jezu Krisht, Ati i përdëllimeve dhe Perëndia i gjithë ngushëllimit, ⁴që na ngushëllon në gjithë shtrëngimin tonë që, nëpërmjet ngushëllimit me të cilin ne jemi ngushëlluar nga Perëndia, të mund të ngushëllojmë ata, që janë në çfarëdo shtrëngimi.” **2 Timoteut 1:7** “Sepse Perëndia nuk na ka dhënë frymë frike, por forcë, dashurie dhe mendjekthjelltësi.”
- H. Fryma e Shenjtë të jep fuqi për t’i shërbyer Zotit. **Zakaria 4:6** “Atëherë ai, duke u përgjigjur, më tha: «Kjo është fjala e Zotit drejtuar Zorobabelit: Jo për fuqinë dhe as për forcën, por për Frymën tim», thotë Zoti i ushtrive.” **Efesianëve 3:16** “që t’ju japë, sipas pasurisë së lavdisë së tij, të forcoheni me fuqi nëpërmjet Frymës së tij në njeriun e brendshëm,” **2 Korintasve 4:7** “Dhe ne e kemi këtë thesar në enë prej balte, që epërsia e pashoqe e kësaj fuqie të jetë e Perëndisë dhe jo prej nesh.”

IV. Cili është rezultati i Frymës së Shenjtë në jetën time?

- A. Fryma e Shenjtë e Zotit prodhon një tërësi cilësish të karakterit kur ti i jep jetën tënde Atij dhe hyn nën pushtetin e Tij. Kjo tërësi cilësish të karakterit quhet fryt i Frymës në Letrën drejtuar **Galatasve 5:22-23** “²²Por fryti i Frymës është: dashuria, gëzimi, paqja, zemërgjerësia, mirëdashja, mirësia, besimi, zemërbutësia, vetëpërmbytja. ²³Kundër tyre nuk ka ligj.”
- Kjo thuhet në numërin njëjës sepse të gjitha këto cilësi janë prodhuar në të njëjtën kohë nëpërmjet një lidhje të ngushtë me Frymën e Shenjtë.

- B. Fryti i Frymës konsiston në:
1. Dashurinë
 2. Gëzimin
 3. Paqen
 4. Zemërgjerësinë (Durimin)
 5. Mirëdashjen
 6. Mirësinë
 7. Besimin
 8. Zemërbutësinë
 9. Vetëpërmbytjen

Pyetje bazë.

- A. Çfarë do të thotë të mbushesh me Frymë dhe si mund ta realizoj unë këtë?
1. Ti do të jesh i mbushur me Frymën e Shenjtë kur lejon Fjalën e Perëndisë të banojë në zemrën tënde me gjithë begatinë e saj. Sa më shumë të ripërtërish mendjen tënde me Fjalën e Perëndisë aq më e afërt do të jetë marrëdhënia jote me Perëndinë. Krahaso **Efesianëve 5:18-19** *“¹⁸Dhe mos u dehni me verë, në të cilën ka shturje, por mbushuni me Frymën, ¹⁹duke i folur njëri-tjetrit me psalme, himne dhe këngë frymërore, duke kënduar dhe duke lavdëruar Zotin me zemrën tuaj,”* me **Kolosianëve 3:16** *“Fjala e Krishtit të banojë në ju me begati; në çdo urtësi, mësoni dhe këshilloni njëri-tjetrin me psalme, himne dhe këngë frymërore, duke i kënduar Zotit me hir në zemrat tuaja!”*
 2. Thjesht ec në Frymë. Ecja është një proces rritjeje e natyrshme, e qëndrueshme dhe e vazhdueshme. **Galatasve 5:16-18,25** *“¹⁶Por po them: Ecni në Frymë dhe nuk do të përmbushni dëshirat e mishit, ¹⁷sepse mishi ka dëshira kundër Frymës, dhe Fryma ka dëshira kundër mishit; dhe këto i kundërvihen njëra-tjetrës, që të mos bëni ato që doni. ¹⁸Por në qoftë se udhëhiqeni nga Fryma, nuk jeni nën ligj.” ²⁵Në qoftë se rrojmë në Frymë, në Frymë edhe le të ecim.”* **Romakëve 8:1** *“Tani, pra, nuk ka asnjë dënim për ata që janë në Krishtin Jezus, që nuk ecin sipas mishit, por sipas Frymës,”*
 3. Lejoje Zotin të kontrollojë jetën tënde. Mbushja me Frymën e Shenjtë, **NUK** është se ti po merr më shumë nga Fryma e Shenjtë. Ti more gjithçka prej Tij në kohën e Shpëtimit. Është Fryma e Shenjtë që tani po merr më shumë prej teje.
 4. Ji i duruar dhe i qëndrueshëm! Të jesh i kontrolluar nga Fryma e Shenjtë, kjo nuk ndodh brënda natës. Ky është një proces i rritjes shpirtërore gjatë gjithë jetës tënde.

Pyetje - Përgjigje.

1. Kush është Fryma e Shenjtë? Jep tre referenca që mbështesin përgjigjen tuaj.
2. Në çfarë momenti vjen Fryma e Shenjtë në jetën e një personi?

3. Pse Fryma e Shenjtë i bind të pashpëtuarit për mëkat?
4. Pse Fryma e Shenjtë i bind kristianët për mëkat?
5. Jep 7 mënyra të ndryshme që Fryma e Shenjtë punon në jetën e një kristiani.
 - A.
 - B.
 - C.
 - D.
 - E.
 - F.
 - G.
6. Cili është rezultati i Frymës së Shenjtë në jetën tënde?
7. Çdo të thotë të mbushesh me Frymën e Shenjtë?
8. E vërtetë ose jo:
 - _____ a) Unë duhet të marr më shumë nga Fryma e Perëndisë çdo ditë.
 - _____ b) Të qenët i kontrolluar nga Fryma e Shenjtë është një proces i rritjes shpirtërore gjatë gjithë jetës.
 - _____ c) **Romakëve 8:1** *“Tani, pra, nuk ka asnjë dënim për ata që janë në Krishtin Jezus, që nuk ecin sipas mishit, por sipas Frymës,”* të tregon që duhet të ecës sipas mishit.
 - _____ d) **Gjoni 16:13** *“Por, kur të vijë ai, Fryma e së Vërtetës, do t’ju prijë në gjithë të vërtetën, sepse nuk do të flasë prej vetes, por do të flasë atë që do të dëgjojë dhe do t’ju kumtojë ato që do të vijnë.”* na tregon që Fryma e Shenjtë do t’ju prijë në çdo të vërtetë.
 - _____ e) **Romakëve 8:26-27** *“²⁶Po ashtu, edhe Fryma na ndihmon në dobësitë tona, sepse ne nuk dimë çfarë të kërkojmë në lutjet tona, sikurse duhet; por vetë Fryma ndërhyr për ne me psherëtima të patregueshme. ²⁷Dhe ai që heton zemrat e di cila është mendja e Frymës, sepse ai ndërhyr për shenjtorët, sipas Perëndisë.”* na tregon që Fryma ndërhyr për ne në lutjet tona tek Perëndia.
9. Shpjego shkurtimisht qëllimin kryesor të këtij mësimi.

Vargje përmendsh:

1 Korintasve 6:19-20 *“¹⁹A nuk e dini se trupi juaj është tempulli i Frymës së Shenjtë që është në ju, të cilin e keni nga Perëndia, dhe se nuk i përkitni vetvetes? ²⁰Sepse u bletë me një çmim! Përlëvdoni Perëndinë, pra, me trupin tuaj dhe në frymën tuaj, që i përkasin Perëndisë.”*

Galatasve 5:16, 22-23 *“¹⁶Por po them: Ecnë në Frymë dhe nuk do të përmbushni dëshirat e mishit” ²²Por fryti i Frymës është: dashuria, gëzimi, paqja, zemërgjerësia, mirëdashja, mirësia, besimi, zemërbutësia, vetëpërmbytja. ²³Kundër tyre nuk ka ligj.”*

MËSIMI 6 - FJALA E ZOTIT

Autoriteti i Fjalës së Zotit (që është lënë me shkrim nga vetë Ai) e dallon KRISTIANIZMIN nga çdo fe e botës. Fjala e Zotit është thelbësore për rritjen e një të Krishteri me hirësinë dhe dijeninë e Jezus Krishtit. Standartet me të cilat një i Krishterë duhet të jetojë jetën e tij në çdo situatë, gjenden në faqet e Fjalës së Zotit.

Qëllimi i këtij mësimi është të njohë të Krishterin e ri me bazat e Biblës dhe se si ajo lidhet me jetën e tij të përditëshme, kështu që ai mund të fillojë të kuptojë se si parimet e saj drejojnë çdo hap të jetës së tij me Jezus Krishtin.

I. Fjala e Zotit është:

- A. E veçantë për nga prodhueshmëria në krahasim me librat e tjerë. Ajo është e shkruar nga rreth 40 autorë në një periudhë kohe prej 1600 vjetësh.
(2 Pietrit 1:19-21 ¹⁹*Ne e kemi edhe më të përforcuar fjalën profetike, së cilës bëni mirë t'i kushtoni kujdes, si një kandil që ndriçon në një vend të errët, derisa të zbardhë dita dhe ylli i mëngjesit të lindë në zemrat tuaja,* ²⁰*duke ditur së pari këtë: që asnjë profeci e Shkrimit nuk është objekt i shtjellimeve të veçanta.* ²¹*Sepse asnjë profeci nuk ka ardhur ndonjëherë nga vullneti i njeriut, por njerëzit e shenjtë të Perëndisë kanë folur, të shtyrë nga Fryma e Shenjtë.*”).
- B. E veçantë në ruajtjen e saj. Perëndia jo vetëm e ka frymëzuar por edhe ka premtuar që do ta ruajë atë. **(Psalmi 12:6-7** ⁶*Fjalët e Zotit janë fjalë të pastra, si argjend i rafinuar në një furrë prej dheu, i pastruar shtatë herë.* ⁷*Ti, o Zot, do t'i mbrosh dhe do t'i ruash, duke filluar nga ky brez përjetë.*”).
- C. E veçantë në thëniet e saj. Ajo trajton subjektet e parajsës dhe të ferrit; shpëtimin dhe mallkimin e përjetshëm; të kaluarën dhe të ardhmen e përjetshme. Ka ndikim të padiskutueshëm në aspektet e jetës. **(2 Timoteut 3:16-17** ¹⁶*Gjithë Shkrimi është i frymëzuar nga Perëndia dhe i dobishëm për mësim, bindje, ndreqje dhe për edukim në drejtësi,* ¹⁷*që njeriu i Perëndisë të jetë i përkryer, tërësisht i pajisur për çdo vepër të mirë.*”).
- D. E veçantë në rezultatin e saj. Asnjë libër tjetër nuk ka ndikuar kaq thellë në kursin e historisë dhe në jetët e njerëzve. *“Fjala e Perëndisë është e gjallë dhe vepruese...”* **(Hebrenjve 4:12** *“Sepse fjala e Perëndisë është e gjallë dhe vepruese, më e mprehtë se çdo shpatë me dy tehe dhe depërton deri në ndarjen e shpirtit dhe të frymës, të nyjeve dhe të palcave, dhe është në gjendje të gjykojë mendimet dhe dëshirat e zemrës.”* **1 Pietrit 1:22-23** ²²*Mbasi të pastroni shpirtat tuaj me bindjen ndaj së vërtetës me anë të Frymës, për të pasur dashuri vëllazërore pa hipokrizi, të doni fort njëri-tjetrin me zemër të pastër,* ²³*të rilindur jo nga një farë që prishet, por që nuk prishet, me anë të fjalës së gjallë të Perëndisë, që mbetet përjetë.*”).

- II. Shkrimet janë frymëzuar dhe ruajtur nga Perëndia që të mund të kemi një udhëheqës të pagabueshëm që ne të mund ta ndjekim. Për çfarë qëllimi? Ne jemi mbi këtë tokë që të mund të përmbushim qëllimin e Perëndisë për t'i dhënë Atij lavdi, ndërsa ne kryejmë vullnetin e Tij mbi tokë. **(Veprat e Apostujve 1:8** *“Por do të merrni fuqi kur Fryma e Shenjtë do të vijë mbi ju dhe do të më bëheni dëshmitarë në Jerusalem dhe në gjithë Judenë dhe Samarinë dhe deri në skajin e dheut».* **Mateu 28:19-20** ¹⁹*Shkoni, pra, dhe bëni dishepuj të gjithë kombet duke i pagëzuar në emër të Atit e të Birit e të Frymës së Shenjtë,* ²⁰*duke i mësuar të mbajnë të gjitha sa ju kam urdhëruar. Dhe ja, unë jam me ju gjithë ditët, deri në mbarim të botës. Amen».*).

2 Timoteut 3:16 ¹⁶gjithë Shkrimi është i frymëzuar nga Perëndia dhe i dobishëm për:

1. mësim (doktrinë) - çfarë është e drejtë
2. bindje - çfarë nuk është e drejtë
3. ndreqje - si të ndreqemi
4. edukim në drejtësi - si të ecim në drejtësi.

¹⁷që njeriu i Perëndisë të jetë i përkryer, tërësisht i pajisur për çdo vepër të mirë."

III. Fjala e Zotit është aktive për shpëtimin.

- A. **1 Pjetrit 1:23** "të rilindur jo nga një farë që priset, por që nuk priset, me anë të fjalës së gjallë të Perëndisë, që mbetet përjetë." thotë se njeriu rilind "**Përmes Fjalës së Zotit.**" Fjala e Zotit është ai mjet që realizon lindjen e re.
- B. **Efesianëve 2:8-9** ⁸Sepse, me anë të hirit jeni të shpëtuar, nëpërmjet besimit; dhe kjo jo prej jush, por është dhurata e Perëndisë, ⁹jo prej veprave, që askush të mos mburret." thotë: "**Sepse me anë të hirit jeni të shpëtuar, nëpërmjet besimit...**".
Romakëve 10:17 thotë: "Besimi, pra, vjen nga dëgjimi, dhe dëgjimi vjen nga fjala e Perëndisë."
- C. Përmbledhja e Palit mbi të vërtetën e pamohueshme përmban 4 pjesë në **1 Korintasve 15:1-4** ¹Tani, o vëllezër, po ju bëj të ditur ungjillin që ju kam predikuar dhe që ju e keni marrë dhe në të cilin ju qëndroni, ²me anë të të cilit ju edhe shpëtoheni, nëse do ta mbani fjalën që ju kam predikuar, veç nëse besuat kot. ³Sepse unë ju kam transmetuar para së gjithash atë që edhe mora, se **Krishti vdiq për mëkatet tona**, sipas Shkrimeve, ⁴dhe se **u varros** dhe se **u ringjall** të tretën ditë, **sipas Shkrimeve,**
 1. Jezus Krishti vdiq për mëkatet tona.
 2. Ai u varros.
 3. Ai u ringjall.
 4. Sipas shkrimeve të shenjta.
- D. Ti **duhet të besosh** atë çfarë thotë Bibla për mëkatën, për kushtet e tua si dhe për planin e Zotit për shpëtimin, me qëllim që të shpëtohesh.

IV. Cili është qëllimi i Fjalës së Zotit për të Krishterin?

- A. Fjala e Zotit të përgatit ty për shërbimin ndaj Tij. **2 Timoteut 3:16-17** ¹⁶gjithë Shkrimi është i frymëzuar nga Perëndia dhe i dobishëm për mësim, bindje, ndreqje dhe për edukim në drejtësi, ¹⁷që njeriu i Perëndisë të jetë i përkryer, tërësisht i pajisur për çdo vepër të mirë."
- B. Fjala e Zotit shërben për të ndërtuar besimtarin. **Veprat e Apostujve 20:32** "Dhe tani, o vëllezër, unë po ju lë të Perëndia dhe të fjala e hirit të tij, që është në gjendje t'ju ndërtojë dhe t'ju japë trashëgimin në mes të të gjithë të shenjtëruarve."
- C. Fjala e Zotit të mban të pastër për të kënaqur Zotin. **Psalmi 119:9-11** ⁹Si mundet një i ri të bëjë rrugën e tij të pastër? Duke e ruajtur me fjalën tënde. ¹⁰Të kam kërkuar me gjithë zemër; mos më lër të devijoj nga urdhërimet e tua. ¹¹E kam ruajtur fjalën tënde në zemrën time, që të mos mëkatoj kundër teje."
Gjoni 15:3 "Ju tashmë jeni të pastër, për shkak të fjalës që ju kumtova."
Efesianëve 5:26 "që ta shenjtërojë, pasi e pastroi me larjen e ujit me anë të fjalës,"

V. A është Bibla plotësisht e besueshme?

Ajo është më e sigurt se sa zëri i dëgjueshëm i Zotit. Kjo është një pikë shumë kritike. Duhet kuptuar se të gjitha "përvojat" duhet të gjykojnë nga një masë e pagabueshme. Pjetri tha se Fjala e Zotit ishte më e sigurtë se sa dukja fizike dhe zëri i dëgjueshëm i Zotit. Shih **2 Pjetrit 1:16, 21** ¹⁶*Sepse nuk jua bëmë të njohur fuqinë dhe ardhjen e Zotit tonë Jezu Krisht, duke ndjekur përralla të sajara me mjeshtëri, por u bëmë dëshmitarë okularë të madhështisë së tij.* ²¹*Sepse asnjë profeci nuk ka ardhur ndonjëherë nga vullneti i njeriut, por njerëzit e shenjtë të Perëndisë kanë folur, të shtyrë nga Fryma e Shenjtë.* krahasuar me **Mateu 17:1-9** ¹*Dhe mbas gjashtë ditësh Jezusi mori me vete Pjetrin, Jakobin dhe Gjonin, vëllanë e tij, dhe i çoi mbi një mal të lartë, në vetmi; ²dhe u shndërrua përpara tyre: dhe fytyra e tij ndriste si dielli dhe rrobat e tij u bënë të bardha si drita. ³Dhe ja, iu shfaqën atyre Moisiu dhe Elia, duke biseduar me të. ⁴Atëherë Pjetri, duke marrë fjalën, i tha Jezusit: «Zot, është mirë që jemi këtu; po të duash, do të bëjmë këtu tri çadra: një për ty, dhe një për Moisiun dhe një për Elian». ⁵Ndërsa ai fliste ende, ja një re plot dritë i mbuloi; dhe ja, nga reja u dëgjua një zë që thoshte: «Ky është Biri im i dashur, në të cilin gjeta pëlqim: dëgjojeni!». ⁶Dhe dishepujt, sapo e dëgjuan këtë, ranë me fytyrë përdhe dhe i zuri një frikë e madhe. ⁷Dhe Jezusi u afrua, i preku dhe tha: «Ngrihuni dhe mos kini frikë!». Dhe ata, kur i çuan sytë, nuk panë njeri, përveç Jezusit vetëm. ⁹Dhe, kur po zbrisnin nga mali, Jezusi i porositi ata duke thënë: «Mos ia thoni askujt vegimin, derisa Biri i njeriut të jetë ringjallur prej së vdekurish».*

VI. Si e mësoj unë Biblën?

A. Duke kaluar kohë në Fjalën e Perëndisë, Fryma e Shenjtë do të të ndihmojë të kuptosh të vërtetën e plotë. Zoti mund të përdorë mjete të tjera për të të ndihmuar në mësimin e kësaj të vërtete (me anë të librave, lutjeve, etj.), por në fund të fundit, ajo zbulohet nga Fryma e Shenjtë. **Gjoni 14:16, 26** ¹⁶*Dhe unë do t'i lutem Atit dhe ai do t'ju japë një Ngushëllues tjetër, që do të qëndrojë përgjithmonë me ju,* ²⁶*por Ngushëlluesi, Fryma e Shenjtë, që Ati do ta dërgojë në emrin tim, ai do t'ju mësojë çdo gjë dhe do t'ju kujtojë të gjitha këto që ju thashë.* **Gjoni 16:13-15** ¹³*Por, kur të vijë ai, Fryma e së Vërtetës, do t'ju prijë në gjithë të vërtetën, sepse nuk do të flasë prej vetes, por do të flasë atë që do të dëgjojë dhe do t'ju kumtojë ato që do të vijnë.* ¹⁴*Ai do të më përlëvdojë, sepse do të marrë prej times dhe do t'jua kumtojë.* ¹⁵*Gjithë sa ka Ati janë të miat; për këtë ju thashë se ai do të marrë prej simes dhe do t'jua kumtojë.*

B. Bibla mësohet duke krahasuar vargjet me njëra-tjetrën ku Fryma e Perëndisë të mëson ty dhe jo intelektin yt natyror. *«Dhe njeriu natyror nuk i pranon gjërat e Frymës së Perëndisë...».* **(1 Korintasve 2:9-16** ⁹*Por, sikurse është shkruar: «Ato gjëra që syri nuk i ka parë dhe veshi nuk i ka dëgjuar dhe që nuk kanë hyrë në zemër të njeriut, janë ato që Perëndia ka përgatitur për ata që e duan atë».* ¹⁰*Po Perëndia na i zbuloi me anë të Frymës së tij, sepse Fryma heton gjithçka, edhe të thellat e Perëndisë.* ¹¹*Sepse, cili nga njerëzit njih gjërat e njeriut, përveç frymës së njeriut që është në të? Po kështu asnjëri s'i njih gjërat e Perëndisë, përveç Frymës së Perëndisë.* ¹²*Dhe ne nuk kemi marrë frymën e botës, por Frymën që vjen nga Perëndia, që të njohim gjërat që na janë dhuruar nga Perëndia.* ¹³*Për këto edhe flasim, por jo me fjalë të mësuara nga urtësia njerëzore, por të mësuara nga Fryma e Shenjtë, duke krahasuar frymërisht gjëra frymërore.* ¹⁴*Dhe njeriu natyror nuk i pranon gjërat e Frymës së Perëndisë; sepse për të janë marrëzi dhe nuk mund t'i njohë; sepse ato hetohen frymërisht.* ¹⁵*Por njeriu frymëror heton çdo gjë por vetë nuk hetohet*

nga asnjë. ¹⁶Sepse kush e njohu mendjen e Zotit që ta mësojë atë? Por ne kemi mendjen e Krishtit.”).

Pyetje bazë.

- A. Ku duhet ta filloj leximin?
Si një i Krishterë i ri, përqëndrohu në ato pika primare që merren me marrëdhënien tende me Babain qiellor. Ungjilli i Gjonit, Letra drejtuar Romakëve dhe Letra e I-rë e Gjonit janë pika të shkëlqyeshme me të cilat mund të fillohet.
1. Ungjilli i Gjonit është shkruar që ti të mund të besosh në Zotin Jezus Krisht. **Gjoni 20:31** “Por këto gjëra janë shkruar që ju të besoni se Jezusi është Krishti, Biri i Perëndisë dhe që, duke besuar, të keni jetë në emër të tij.”
 2. Letra drejtuar Romakëve është shkruar për të shpjeguar doktrinën e Dhjatës së Re.
 3. Letra e I-rë e Gjonit është shkruar që ti të mund të, kesh siguri të plotë shpëtimi. **1 Gjonit 5:13** “Jua shkrova këto gjëra juve që besoni në emrin e Birit të Perëndisë, që të dini se keni jetën e përvetshme dhe që të besoni në emrin e Birit të Perëndisë.”
- B. Çfarë duhet të bëj po të gjej diçka që nuk e kuptoj?
1. Mos u shqetëso për këtë; Zoti do t’jua tregojë atë në kohën kur ti të jesh gati. **Gjoni 16:12** “Kam edhe shumë për t’ju thënë, por tani ju nuk mund t’i mbani.”
 2. Ji i sigurtë të jetosh atë që ti kupton. Zoti nuk do të të japë më shumë se sa ti je në gjëndje të bësh. Kur ti do të vësh në jetë gjërat që mëson, Zoti do të të besojë edhe gjëra të tjera.

Pyetje - Përgjigje

1. Për çfarë është i dobishëm Shkrimi sipas **2 Timoteut 3:16**? ¹⁶*gjithë Shkrimi është i frymëzuar nga Perëndia dhe i dobishëm për mësim, bindje, ndreqje dhe për edukim në drejtësi*,
 - A.
 - B.
 - C.
 - D.
2. Ku tregohet që Fjala e Perëndisë është aktive për shpëtim. Jep disa referenca.
3. Shpjego kuptimin e **2 Pjetrit 1:19-21** ¹⁹*Ne e kemi edhe më të përforcuar fjalën profetike, së cilës bëni mirë t’i kushtoni kujdes, si një kandil që ndriçon në një vend të errët, derisa të zbardhë dita dhe ylli i mëngjesit të lindë në zemrat tuaja,* ²⁰*duke ditur së pari këtë: që asnjë profeci e Shkrimit nuk është objekt i shtjellimeve të veçanta.* ²¹*Sepse asnjë profeci nuk ka ardhur ndonjëherë nga vullneti i njeriut, por njerëzit e shenjtë të Perëndisë kanë folur, të shtyrë nga Fryma e Shenjtë.*
4. Trego qëllimin e Fjalës së Zotit për jetën tënde.
5. Shpjego se si e mëson ti Biblën?

Vargje përmendsh:

2 Timoteut 3:16-17 *“¹⁶I gjithë Shkrimi është i frymëzuar nga Perëndia dhe i dobishëm për mësim, bindje, ndreqje dhe për edukim në drejtësi, ¹⁷që njeriu i Perëndisë të jetë i përkryer, tërësisht i pajisur për çdo vepër të mirë.”*

2 Pjetrit 1:20-21 *“²⁰duke ditur së pari këtë: që asnjë profeci e Shkrimit nuk është objekt i shtjellimeve të veçanta. ²¹Sepse asnjë profeci nuk ka ardhur ndonjëherë nga vullneti i njeriut, por njerëzit e shenjtë të Perëndisë kanë folur, të shtyrë nga Fryma e Shenjtë.”*

Psalmi 12:6-7 *“⁶Fjalët e Zotit janë fjalë të pastra, si argjend i rafinuar në një furrë prej dheu, i pastruar shtatë herë. ⁷Ti, o Zot, do t’i mbrosh dhe do t’i ruash, duke filluar nga ky brez përjetë.”*

MËSIMI 7 - LUTJA

Sa e rëndësishme është lutja në jetën time?

Kur ti lexon Biblën, Zoti flet me ty; dhe kur ti lutesh, ti flet me Zotin. Lidhja jote personale me Zotin Jezus Krisht nuk mund të forcohet pa komunikim të mirë.

Qëllimi i këtij mësimi është të njohë individin me bazën e një jete të mirë me lutje në mënyrë që këto rreshta për komunikim të mund të jenë të hapur dhe efektive në jetën tënde.

I. *Cili është qëllimi i lutjes?*

- A. Një jetë e mirë me lutje të çon në paqe të zemrës dhe mendjes. **Filipianëve 4:6-7** *“Mos u shqetësoni për asgjë, por, në çdo gjë, ia parashtroni kërkesat tuaja Perëndisë me anë lutjesh dhe përgjërimesh, me falënderim. ⁷Dhe paqja e Perëndisë, që ia tejkalon çdo zgjuarsie, do të ruajë zemrat tuaja dhe mendjet tuaja në Krishtin Jezus.”*
- B. Të të afrojë ty me Zotin në mënyrë që ti të mund të provosh efektshmërinë e Tij të mjaftueshme për çdo nevojë.
1. Zoti është aktiv në çdo moment të jetës tënde dhe Ai e di saktë se për çfarë ke nevojë ti madje para se t'i drejtohesh Atij për ndihmë. **Mateu 6:8** *“Mos u bëni, pra, si ata, sepse Ati juaj e di ç’nevoja keni, para se ju t’i kërkon.”*
 2. Zoti i lejon nevojat të vijnë në jetën tënde në mënyrë që Ai të të tërheqë ty pranë tij për t'u takuar me Të. **Psalmi 50:15** *“Kërkomë ditën e fatkeqësisë, unë do të të çliroj dhe ti do të më përlevdosh».*
 3. Koha më e rrezikshme në jetën tënde është kur ti hasesh me çdo nevojë të veçantë, dhe pasi të jenë plotësuar ato, ti nuk ke nevojë më për asgjë, përfshirë edhe Zotin. **Zbulesa 3:16-17** *“¹⁶Por, mbasi je kështu i vakët dhe as i ftohtë e as i ngrohtë, do të të vjell nga goja ime. ¹⁷Sepse ti thua: “Jam i pasur, dhe jam pasuruar dhe s’kam nevojë për asgjë”; edhe nuk e di se ti je qyqar dhe mjeran, dhe i varfër dhe i zhveshur.”*
 4. Zoti i përdor këto nevoja për të të tërhequr ty në një vend ku Ai mundet të të bekojë ty dhe të të tregojë ty se nevoja jote e vetme reale është thjeshtë Zoti Jezus Krisht dhe hiri i Tij. Shembulli klasik për këtë parim tepër të rëndësishëm është ngulja e gjembit të Palit në mishin e trupit të tij. **2 Korintasve 12:7-10** *“⁷Dhe, që të mos mbahem me të madh për shkak të jashtëzakonshmërisë së zbulesave, m’u dha një gjemb në mish, një engjell i satanit, për të më rënë me grushta, që të mos mbahem me të madh. ⁸Për këtë iu luta tri herë Zotit që ta largonte nga unë. ⁹Por ai më tha: «Hiri im të mjafton, sepse fuqia ime përsoset në dobësi». Prandaj, me kënaqësi të madhe, do të mburrem më tepër me dobësitë e mia, që fuqia e Krishtit të rrijë tek unë. ¹⁰Prandaj unë kënaqem në dobësi, në fyerje, në nevoja, në përndjekje, në ngushtica për shkak të Krishtit, sepse, kur jam i dobët, atëherë jam i fuqishëm.”*
 5. Kjo është arsyeja pse është absolutisht esenciale për të falenderuar për gjithçka duke përfshirë edhe nevojat dhe kohët e vështira në jetën tuaj. **1 Thesalonikasve 5:18** *“Në gjithçka falënderoni sepse i tillë është vullneti i Perëndisë në Krishtin Jezus për ju.”*

6. Zhvillo një qëndrim lutjeje të vazhdueshme, ku reagimi yt i parë në një moment të vështirë, të jetë të fillosh t'i lutesh Zotit. **1 Thesalonikasve 5:17** "Lutuni pa pushim."

II. Si lutem unë?

- A. Së pari, sipas **Romakëve 8:26-27** "²⁶Po ashtu, edhe Fryma na ndihmon në dobësitë tona, sepse ne nuk dimë çfarë të kërkojmë në lutjet tona, sikurse duhet; por vetë Fryma ndërhyr për ne me psherëtima të patregueshme. ²⁷Dhe ai që heton zemrat e di cila është mendja e Frymës, sepse ai ndërhyr për shenjtoret, sipas Perëndisë." duket qartë që ne nuk e dimë gjithmonë se si të lutemi ose për çfarë të lutemi, prandaj Fryma e Shenjtë, i cili jeton brënda teje, ndërmjetëson për ty në lutje.
 - B. Por ka dhe disa linja drejtuese bazë.
 1. Zhvillo një mënyrë të jetuari me lutje. **1 Thesalonikasve 5:17** "Lutuni pa pushim." **Luka 18:1** "Pastaj u tha atyre edhe një shëmbëllturyrë, për të treguar se duhet lutur vazhdimisht pa u ligështuar,"
 2. Mos përsërit të njëjtat fjalë disa herë. **Mateu 6:7** "Por kur luteni, mos përdorni përsëritje të kota si paganët, sepse ata mendojnë se do të dëgjohen sepse kanë përdorur shumë fjalë."
 3. Bisedo me Zotin si një mik. **Gjoni 15:13-14** "¹³Askush s'ka dashuri më të madhe se kjo, që të japë dikush jetën e vet për miqtë e tij. ¹⁴Ju jeni miqtë e mi, nëse bëni çfarëdo që unë ju urdhëroj." **Eksodi 33:11** "Kështu Zoti fliste me Moisiun ballë për ballë, ashtu si një njeri flet me mikun e tij; pastaj Moisiu kthehej në kamp. Por Jozueu, biri i Nunit, zbatuesi i tij i ri, nuk largohej nga çadra." **Fjalët e Urta 18:24** "Njeriu që ka shumë miq duhet gjithashtu të tregohet mik, por është një mik që është më i lidhur se një vëlla."
 4. Ti nuk ke nevojë të të ndërmjetësojë dikush për të biseduar me Zotin. **1 Timoteut 2:5** "Sepse një është Perëndia, dhe një është ndërmjetësi midis Perëndisë dhe njerëzve: njeriu Krishti Jezus," **Efesianëve 2:18** "sepse, përmes tij, që të dy kemi hyrje tek Ati nëpër një Frymë të vetëm."
 - C. Ka disa gjëra në jetën tënde që do të të pengojnë në lutjet e tua.
 1. Mëkati i parrëfyer. **Psalmi 66:18** "Po të kisha ruajtur të keqen në zemrën time, Zoti nuk do të më kishte dëgjuar." **Isaia 59:1-2** "¹Ja, dora e Zotit nuk është tepër e shkurtër për të shpëtuar, as veshi i tij nuk është tepër i rënduar për të dëgjuar. ²Por paudhësitë tuaja kanë shkaktuar një ndarje midis jush dhe Perëndisë tuaj, dhe mëkatet tuaja kanë bërë të fshihet fytyra e tij prej jush, që të mos ju dëgjojë më."
 2. Një shpirt që nuk fal. **Mateu 6:14-15** "¹⁴Sepse në qoftë se ju ua falni njerëzve gabimet e tyre, Ati juaj qiellor do t'juaj falë edhe juve; ¹⁵por në qoftë se ju nuk ua falni njerëzve gabimet e tyre, as Ati juaj nuk do t'juaj falë juve gabimet tuaja."
 3. Hidhërimi ndaj shokut tënd. **1 Pjetrit 3:7** "Ju burra, gjithashtu, jetoni me dituri me gratë tuaja, si enë më e dobët duke u dhënë nder, sepse edhe ato janë bashkëtrahëgimtare të hirit të jetës, që të mos pengohen lutjet tuaja."
 4. Kur nuk kërkon. **Jakobi 4:2** "Ju dëshironi dhe nuk keni, ju vrisni dhe keni smirë dhe nuk arrini gjë; ju përleshni dhe luftoni, por nuk keni, sepse nuk lypni."
 5. Të kerkuarit me motivacione egoiste apo motive të tjera të gabuara.

Jakobi 4:3 “Ju lypni dhe nuk merrni, sepse lypni keqas që të shpenzoni për qejfet tuaja.” **Fjalët e Urta 21:13** “Kush mbyll veshin ndaj britmës së të varfrit, do të bërtasë edhe ai, por nuk do të ketë përgjigje.”

6. Mosndjeshmëria ndaj fjalëve të Zotit. **Fjalët e Urta 28:9** “Në rast se dikush e kthen veshin gjetiu për të mos dëgjuar ligjin, vetë lutja e tij do të jetë një gjë e neveritshme.”

III. Çfarë përfshin lutja?

- A. Adhurim - ne duhet ta adhurojmë Zotin për atë që Ai është. **Isaia 6:1-3** “¹Në vitin e vdekjes së mbretit Uziah, unë pashë Zotin të ulur mbi një fron të ngritur dhe të lartë, dhe cepat e mantelit të tij mbushnin tempullin. ²Mbi të ishin serafinët; secili prej tyre kishte gjashtë krahë: me dy mbulonte fytyrën, me dy të tjerë këmbët dhe me dy fluturonte. ³Njëri i bërtiste tjetrit dhe i thoshte: «I Shenjtë, i shenjtë, i shenjtë është Zoti i ushtrive. Tërë toka është plot me lavdinë e tij». **Psalmi 8** “¹Sa i mrekullueshëm është emri yt mbi gjithë rruzullin, o Zot, Zoti ynë, që vure madhëstini tënde mbi qiejt! ²Nga goja e të vegjëleve dhe foshnjave në gji ke vendosur lëvdimin për shkak të armiqve të tu, për t’i mbyllur gojën armikut dhe hakmarrësit. ³Kur mendoj qiejt e tu, që janë vepër e gishtërinjve të tu, hënën dhe yjet që ti ke vendosur, ⁴çfarë është njeriu, që ta mbash mend, dhe biri i njeriut, që ta vizitosh? ⁵Megjithatë ti e bërë pak më të ulët se Perëndia, dhe e kurorëzove me lavdi dhe me nder. ⁶E bërë të mbretërojë mbi veprat e duarve të tua dhe vure çdo gjë nën këmbët e tij! ⁷Dhentë dhe bagëtitë e tjera, madje bishat e egra, ⁸zogjtë e qiellit dhe peshqit e detit, tërë ata që kalojnë nëpër shtigjet e detit. ⁹O Zot, Zoti ynë, sa i mrekullueshëm është emri yt në të gjithë dheun!”
- B. Rrëfim - rrëfe mëkatet. **Psalmi 38:17-18** “¹⁷Ndërsa jam duke rënë dhe dhembja ime është vazhdimisht para meje, ¹⁸ndërsa rrëfej mëkatin tim dhe jam tepër i shqetësuar për mëkatin,” **1 Gjonit 1:9** “Po t’i rrëfej mëkatet tona, ai është besnik dhe i drejtë që të na falë mëkatet dhe të na pastrojë nga çdo paudhësi.”
- C. Dhënie falenderimesh. **Filipianëve 4:6** “Mos u shqetësoni për asgjë, por, në çdo gjë, ia parashtroni kërkesat tuaja Perëndisë me anë lutjesh dhe përgjërimesh, me falënderim.” **Hebrenjve 13:15** “Me anë të Jezusit, pra, le t’i ofrojmë vazhdimisht Perëndisë një flijim lavdie, domethënë frytin e buzëve që rrëfejnë emrin e tij.” **Psalmi 100:4** “Hyni në portat e tij me falënderim dhe në oborret e tij me lavde; kremtojeni, bekoni emrin e tij.”
- D. Lutju Zotit të veprojë - është koha kur mund t’ia parashtrosh kërkesat e tua. **Filipianëve 4:6** “Mos u shqetësoni për asgjë, por, në çdo gjë, ia parashtroni kërkesat tuaja Perëndisë me anë lutjesh dhe përgjërimesh, me falënderim.”

Pyetje bazë.

- A. A u përgjigjet Zoti të gjitha lutjeve të mia?
Po, por jo gjithnjë në atë mënyrë që ti mund të dëshirosh, apo në kohën kur ti dëshiron. Koncepti normal i lutjes është si vijon ... ne kemi një nevojë; shkojmë tek Perëndia; Perëndia thotë, “Po”, “Jo” ose “Prit”.
- B. Sa rëndësi ka të lutesh për të tjerët?
1. Pali u lut për të tjerët vazhdimisht. **Romakëve 1:9** “Sepse Perëndia, të cilit unë i shërbej me frymën tim në ungjillin e Birit të tij, është dëshmitari im që unë nuk pushoj kurrë t’ju kujtoj,” dhe kërkonte lutje në shumë raste **Hebrenjve 13:18** “Lutuni për ne, sepse ne jemi të bindur se kemi ndërgjegje të

*mirë, duke dashur të sillemi mirë në çdo gjë.” **2 Thesalonikasve 3:1** “Së fundi, o vëllezër, lutuni për ne, që fjala e Zotit të rendë dhe të lëvdohet, si dhe ndër ju,”*

2. Samueli tha se është mëkat ndaj Zotit të mos lutesh për të tjerët.
1 Samueli 12:23 “Sa për mua, mos ndodhtë kurrë që unë të mëkatoj kundër Zotit duke hequr dorë nga lutjet për ju; përkundrazi, do t’ju tregoj rrugën e mirë dhe të drejtë.”
3. Rezultatet e plota të lutjeve tuaja kurrë nuk do të bëhen të njohura plotësisht në këtë jetë.

Pyetje - Përgjigje.

1. Cili është qëllimi i lutjes. Shpjego vargun **Zbulesa 3:16-17** “¹⁶Por, mbasi je kështu i vakët dhe as i ftohtë e as i ngrohtë, do të të vjell nga goja ime. ¹⁷Sepse ti thua: “Jam i pasur, dhe jam pasuruar dhe s’kam nevojë për asgjë”; edhe nuk e di se ti je qyqar dhe mjeran, dhe i varfër dhe i verbër dhe i zhveshur.”
2. Pse Fryma e Shenjtë ndërmjetëson për ty në lutje? Jep referencën.
3. Trego disa linja bazë se si mund të lutesh. Jep nga një referencë për secilën.
 - A.
 - B.
 - C.
 - D.
4. Përmend disa gjëra që mund të pengojnë lutjet e tua. Jep nga një referencë për secilën.
 - A.
 - B.
 - C.
 - D.
 - E.
 - F.
5. Çfarë mund të përfshijë një lutje?
 - A.
 - B.
 - C.
 - D.

Vargje përmendsh:

1 Timoteut 2:5 “Sepse një është Perëndia, dhe një është ndërmjetësi midis Perëndisë dhe njerëzve: njeriu Krishti Jezus,”

Psalmi 66:18 “Po të kisha ruajtur të keqen në zemrën time, Zoti nuk do të më kishte dëgjuar.”

1 Thesalonikasve 5:18 “Në gjithçka falënderoni sepse i tillë është vullneti i Perëndisë në Krishtin Jezus për ju.”

MËSIMI 8 - VULLNETI I PERËNDISË

Si e gjej vullnetin e Perëndisë në jetën time?

Një predikues i njohur tha se një njeri i suksesshëm është ai që e gjen se çfarë Zoti do që ai të bëjë në jetën e tij dhe e bën atë. Kjo është një thënie e thellë. Matja e saktë e suksesit të një njeriu nuk është gjendja e tij shoqërore, depozita në bankë, ndikimi, apo fama e tij. Është thjeshtë të bësh atë që Zoti do që ti të bësh.

Qëllimi i këtij mësimi është që t'i japë çdo njeriu një ide të qartë se çfarë është vullneti i Perëndisë, ashtu si është i shfaqur në Bibël, kështu që ai të fillojë të bëjë ato gjëra që Zoti do që ky njeri të bëjë.

I. *Cili është vullneti i Perëndisë për jetën time?*

- A. Shumë njerëz, duke përfshirë dhe kristianët, shpesh bëjnë pyetje të tilla në jetë si: çfarë duhet të bëj kur të rritem, me kë duhet të martohem, ku duhet të jetoj, etj. Këto janë pyetje të rëndësishme, dhe si një kristian duhet të kesh pikëpamjen e Perëndisë në procesin e marrjes së vendimeve, përsa u përket këtyre çështjeve.
- B. Po si mund ta dish ti se çfarë kërkon Perëndia për jetën tënde? Kjo nuk është një pyetje pa llogjikë, por si kristianë ne e kuptojmë që nuk i përkasim më vetvetes, por ne jemi blerë me një çmim (**1 Korintasve 6:19-20** ¹⁹*A nuk e dini se trupi juaj është tempulli i Frymës së Shenjtë që është në ju, të cilin e keni nga Perëndia, dhe se nuk i përkitni vetvetes?* ²⁰*Sepse u bletë me një çmim! Përlëvdoni Perëndinë, pra, me trupin tuaj dhe në frymën tuaj, që i përkasin Perëndisë.*). Perëndia na krijoi për një qëllim dhe ky qëllim gjendet tek **Zbulesa 4:11** - *«I denjë je, o Zot, të marrësh lavdinë, nderimin dhe fuqinë, sepse ti i krijove të gjitha gjërat, dhe për hir të vullnetit tënd janë dhe u krijuan»*.
- C. Megjithatë ka një ndryshim midis vullnetit dhe planit të Perëndisë për jetën tuaj.
 1. Vullneti i Perëndisë është i njëjtë për çdo njeri, por plani i tij për çdo individ ndryshon.
 2. Perëndia është më shumë i interesuar që ju të bëheni ai lloj personi që Ai do që ju të jeni, sesa të bëni për të “vepra të mëdha”. Bëhuni ashtu si Ai dëshiron që ju të jeni, dhe Ai do t’ju tregojë se çfarë duhet të bëni.

II. *Vullneti i qartë i shfaqur i Perëndisë, gjendet në fjalën e Tij, Biblën.*

- A. Vullneti i Perëndisë nuk është mister. Nuk është diçka për të cilin duhet të fantazojmë; është shfaqur qartë në Bibël, dhe Ai do që ne ta kuptojmë cili është vullneti i Zotit. **Efesianëve 5:17** *“Prandaj, mos u bëni të marrë, por kuptoni se cili është vullneti i Zotit.”*
- B. Vullneti i Zotit është:
 1. Që të gjithë njerëzit të shpëtohen - (**2 Pjetrit 3:9** *“Zoti nuk vonon plotësimin e premtimit të tij, siç mendojnë disa se të ishte vonesë; por është zemërgjerë ndaj nesh, sepse nuk do që ndokush të humbasë, por që të gjithë të vijnë në pendim.”*).
(Veprat e apostujve 17:30 *“Perëndia, pra, duke mos vënë re kohërat e padijes, tani i urdhëron të gjithë njerëzit kudo, që të pendohen.”*), **(1 Timoteut 2:4** *“i cili dëshiron që gjithë njerëzit të shpëtohen dhe të vijnë te njohja e së vërtetës.”*).

2. Jo vetëm që të gjithë njerëzit të shpëtohen, por që të gjithë njerëzit të jenë të mbushur me Frymën, që të drejtohen dhe të kontrollohen nga Fryma e Shenjtë. **Efesianëve 5:15-18** ¹⁵Shikoni, pra, si të ecni me kujdes, jo si të marrët, por si të mençurit, ¹⁶duke e shfrytëzuar kohën, sepse ditët janë të liga. ¹⁷Prandaj, mos u bëni të marrë, por kuptoni se cili është vullneti i Zotit. ¹⁸Dhe mos u dehni me verë, në të cilën ka shthurje, por mbushuni me Frymën,”
3. Që të jemi mirënjohës me falenderime në të gjitha gjërat - **Efesianëve 5:20** “duke e falënderuar vazhdimisht për gjithçka Perëndinë, Atin, në emër të Zotit tonë Jezu Krisht;” **1 Thesalonikasve 5:18** “Në gjithçka falënderoni sepse i tillë është vullneti i Perëndisë në Krishtin Jezus për ju.” Mirënjohës me Falenderime, është e lidhur ngushtë me të qenit i mbushur me Frymën e Shenjtë.
4. Që ne të shenjtërohemi, domethënë të veçohemi për qëllime të shenjta – **1 Thesalonikasve 4:1-7** ¹Së fundi, pra, vëllezër, ju lutemi dhe ju bëjmë thirrje në Zotin Jezus që, sikundër morët prej nesh sesi duhet të ecni edhe t’i pëlqeni Perëndisë, që të teproni edhe më shumë. ²Sepse ju e dini se ç’urdhërime ju lamë nga ana e Zotit Jezus. ³Sepse ky është vullneti i Perëndisë: shenjtërimi juaj; të hiqni dorë nga kurvëria; ⁴që secili prej jush të dijë ta mbajë enën e vet në shenjtëri dhe me nder, ⁵jo me pasione epshi, si edhe paganët që nuk e njohin Perëndinë, ⁶dhe që askush të mos kapërcejë edhe t’i bëjë keq me lakmi në këtë punë vëllait të vet, sepse Zoti është hakmarrës për të gjitha këto, sikurse ju thamë dhe dëshmuam edhe më parë. ⁷Sepse Perëndia nuk na thirri në papastërti, por në shenjtërim.” Ne nuk duhet të bashkohemi me këtë botë, por të ndryshohemi duke ripërtërirë mendjet tona. Kur ne jetojmë shenjtërisht, jetë të veçara, ne ndahemi nga e keqja - **2 Korintasve 6:16-18** ¹⁶Dhe çfarë marrëveshje ka tempulli i Perëndisë me idhujt? Sepse ju jeni tempulli i Perëndisë së gjallë, sikurse tha Perëndia: «Unë do të banoj në mes tyre, dhe do të eci ndër ta; do të jem Perëndia i tyre dhe ata do të jenë populli im». ¹⁷Prandaj «dilni nga mesi i tyre dhe ndahuni prej tyre, thotë Zoti, dhe mos prekni asgjë të papastër, dhe unë do t’ju pranoj, ¹⁸dhe do të jem Atë për ju, dhe ju do të jeni për mua bij e bija, thotë Zoti i Gjithpushtetshëm». **1 Thesalonikasve 5:22** “Hiqni dorë nga çdo pamje e ligë.”
5. Që ne të jemi shërbëtorë të nënshtruar - **Efesianëve 6:5-8** ⁵Ju, shërbëtorë, binduni zotërinjve tuaj sipas mishit me frikë dhe dridhje, në thjeshtësinë e zemrës suaj, porsì Krishtit, ⁶duke mos shërbyer përpara syve, si ata që duan t’u pëlqejnë njerëzve, por si shërbëtorë të Krishtit, duke bërë vullnetin e Perëndisë me shpirt, ⁷duke i shërbyer me dashamirësi Zotit dhe jo njerëzve, ⁸duke ditur se çdo të mirë që të bëjë gjithsecili, atë edhe do të marrë nga Zoti, qoftë shërbëtor, qoftë i lirë.” **2 Korintasve 8:3-5** ³Sepse, sipas mundësive të tyre, (e dëshmoj këtë) edhe tej mundësive të tyre dhanë vullnetarisht, ⁴dhe na u lutën, pa na u ndarë, ta pranojmë dhuratën dhe pjesëmarrjen në ofertën për shenjtoret. ⁵Dhe jo vetëm vepruan ashtu si shpresonim, po ia dhanë veten më përpara Perëndisë dhe pastaj neve nëpërmjet vullnetit të Perëndisë.” **1 Pietrit 2:13-15** ¹³Nënshtroni, pra, për hir të Zotit, çdo urdhëri njerëzor, qoftë mbretit, si më të lartit, ¹⁴qoftë qeveritarëve, si të

dërguar prej tij për të ndëshkuar keqbërësit dhe për të lavdëruar mirëbërësit, ¹⁵sepse ky është vullneti i Perëndisë, që ju, duke bërë mirë, t'ia mbyllni gojën paditurisë së njerëzve të pamend.” Së pari ne duhet t'i shërbejmë Perëndisë dhe pastaj njerëzve nga zemrat tona me motive të pastra. Bibla na udhëzon se ne duhet të jemi të kujdesshëm që të ruajmë vepra të mira, për përdorime të nevojshme që ne të jemi të dobishëm, të frytshëm dhe të jemi në gjendje ta bëjmë të heshtë paditurinë e njerëzve të pamend - **Titi 3:8,14** ¹⁸Kjo fjalë është e besueshme, dhe dua që ti t'i pohosh me forcë këto gjëra, që ata, që kanë besuar në Perëndinë, të kujdesen për të kryer vepra të mira. Këto gjëra janë të mira dhe të dobishme për njerëzit.” ¹⁴Edhe le të mësojnë edhe tanët t'u kushtohen veprave të mira për nevojat e ngutshme, që të mos jenë të pafrytshëm.” **1 Pietrit 2:15** “sepse ky është vullneti i Perëndisë, që ju, duke bërë mirë, t'ia mbyllni gojën paditurisë së njerëzve të pamend.” **Kolosianëve 3:24** “duke ditur se nga Zoti do të merrni shpërblimin e trashëgimisë, sepse **ju i shërbeni Zotit Krisht.**”

6. Që të vuajmë për drejtësinë - **1 Pietrit 2:15** “sepse ky është vullneti i Perëndisë, që ju, duke bërë mirë, t'ia mbyllni gojën paditurisë së njerëzve të pamend.” **1 Pietrit 3:17** “Sepse është më mirë, nëse është i tillë vullneti i Perëndisë, të vuani duke bërë mirë, sesa duke bërë keq,” **1 Pietrit 4:19** “Prandaj edhe ata që vuajnë sipas vullnetit të Perëndisë, le t'i besojnë shpirtrat e tyre atij, si te Krijuesi besnik, duke bërë të mirën.”
7. Që ne të ndryshohemi përfundimisht në shëmbëlltyrën e Birit të Tij të dashur, Zotit Jezus Krisht. **Romakëve 8:28-29** ²⁸Dhe ne e dimë se të gjitha gjërat bashkëveprojnë për të mirë për ata që e duan Perëndinë, për ata që janë të thirrur sipas qëllimit të tij. ²⁹Sepse, ata që ai i ka njohur që më parë, edhe i ka paracaktuar që të jenë njësoj me shëmbëllimin e Birit të tij, kështu që ai të jetë i parëlinduri në mes të shumë vëllezërve.” **Gjoni 17:20-23** ²⁰Tani unë nuk lutem vetëm për ta, por edhe për ata që do të besojnë në mua me anë të fjalës së tyre, ²¹që të gjithë të jenë një, ashtu si ti, o Atë, në mua dhe unë në ty që edhe ata të jenë një në ne, që bota të besojë që ti më dërgove. ²²Dhe unë u kam dhënë atyre lavdinë që më ke dhënë, që ata të jenë një, ashtu si ne jemi një. ²³Unë në ta dhe ti në mua, që të jenë të përsosur në një dhe që bota të njohë që ti më dërgove dhe i deshe ata, ashtu si më deshe mua.” **Efesianëve 4:13-15** ¹³derisa të arrijmë të gjithë tek uniteti i besimit dhe i njohjes së Birit të Perëndisë, te një burrë i përsosur, në masën e moshës së plotësisë së Krishtit, ¹⁴që të mos jemi më foshnja, të hedhur andej-këndej dhe të çuar aty-këtu nga çdo erë e doktrinës, nëpërmjet mashtrimit të njerëzve dhe dinakërisë së tyre që me dredhi çojnë në gabim, ¹⁵por, duke thënë të vërtetën me dashuri, **të rritemi në çdo gjë drejt atij që është kreu, Krishti.**”

III. Vullneti i Perëndisë në parim, ose plani i tij për jetën tuaj.

- A. Perëndia e ka shfaqur qartësisht nëpërmjet zbulesës së Tij të shkruar, Biblës, atë që Ai dëshiron për secilin nga krijesat e Tij. Prit pak, sepse kjo s'na ndihmon të vendosim nëse duhet të blejmë këtë makinë, të filloj një punë etj? Cili është vullneti dhe plani i Perëndisë për këto gjëra?

1. Asnjëherë nuk do ta gjeni planin apo vullnetin e Perëndisë jashtë Fjalës së Tij. Ju e gjeni planin dhe vullnetin e Perëndisë duke ripërtërirë mendjen tuaj
Romakëve 12:1,2 *“¹Ju lutem, pra, o vëllezër, nëpërmjet dhembshurisë së Perëndisë, t’i paraqitni trupat tuaj si fli të gjallë, të shenjtë, të pëlqyeshëm për Perëndinë, që është shërbesa juaj e mençur. ²Dhe mos u konformoni me këtë botë, por transformohuni me anë të ripërtëritjes së mendjes suaj, që të provoni cili është i miri, i pëlqyeri dhe i përsosuri vullnet i Perëndisë.”*
Ju e ripërtëritni mendjen tuaj duke **Filipianët 2:5** *“Kini në veten tuaj po atë mendje që ishte edhe në Jezu Krishtin,”*
Ju duhet t’i zëvendësoni mendimet e këqija me mendimet e Perëndisë, duke e zhytur veten tuaj në Fjalën e Perëndisë - **2 Korintasve 10:5** *“që të shkatërrojmë mendimet dhe çdo lartësi që ngrihet kundër njohjes së Perëndisë dhe të bëjmë rob çdo mendim që t’i bindet Krishtit,”*
 2. Ju duhet të jeni në vijë të drejtë me vullnetin e qartë të shfaqur të Perëndisë, para se Ai tua shfaqë planin e Tij. Qëllimi juaj duhet të jetë për të përmbushur vullnetin e përgjithshëm të Perëndisë në jetën tuaj të përditshme dhe pastaj t’i besoni Perëndisë për t’ju udhëhequr ju në planet e hollësishme.
 3. Pyetja atëherë është: Si e shfaq Perëndia planin e tij për këto gjëra për një njeri që e kërkon atë? Nëpërmjet Fjalës së Tij **Psalmi 119:105** *“Fjala jote është një llambë në këmbën time dhe një dritë në shtegun tim”*.
 4. Ndonjëherë Perëndia e shfaq planin e tij nëpërmjet mundësive, rrethanave, vullnetit të prindërve, këshillave të shokëve, nevojave të ditës, ndërgjegjes etj.
- B. Tre gjëra rreth vullnetit dhe planit të Perëndisë janë të vërteta:
1. Fjala e Perëndisë drejton.
 - a. Zoti shpesh drejton nëpërmjet vargjeve të Biblës që të flasin ty fuqimisht.
 - i. Kujdes: Mos mbyll sytë dhe të hapësh Biblën dhe të lexosh një varg rastësisht. Zoti është një Zot i rregullit.
 - ii. Stërvite veten me fjalën e Perëndisë në mënyrë që Zoti të kujtojë pjesë të ndryshme të shkrimit të shenjtë, në mendjen tënde.
 - b. Vullneti i Perëndisë asnjëherë nuk kundërshton fjalën e Tij, prandaj mësoje Biblën. (**Psalmi 119:105** *“Fjala jote është një llambë në këmbën time dhe një dritë në shtegun tim”*. **Jozueu 1:8,9** *“⁸Ky libër i ligjit mos u ndaftë kurrë nga goja jote, por mendohu për të ditë e natë, duke kërkuar të veprosh sipas të gjitha atyre që janë shkruar, sepse atëherë do të kesh sukses në veprimet e tua, atëherë do të përparosh. ⁹A nuk të urdhërova unë? Ji i fortë dhe trim; mos ki frikë dhe mos u thyej, sepse Zoti, Perëndia yt, është me ty kudo që të shkosh»*. **Psalmi 1:1-3** *“¹Lum njeriu që nuk ecën sipas këshillës së të pabesëve, që nuk ndalet në rrugën e mëkatarëve dhe nuk ulet bashkë me tallësit, ²por që gjen kënaqësinë e tij në ligjin e Zotit, dhe që mendon thellë ditë e natë mbi ligjin e tij. ³Ai do të jetë si një pemë e mbjellë gjatë brigjeve të ujit, që jep frytin e tij në stinën e tij dhe të cilit gjethet nuk i fishken; dhe gjithçka bën do të ketë mbarësi.”*).

2. Bindja jonë e brëndshme bie dakort.
 - a. Zoti na ka dhënë Frymën e Tij të Shenjtë që të na udhëheqë ne, i cili dëshmon në shpirtin tonë nëse një veprim është mirë ose gabim (**Romakëve 8:16** “Vetë Fryma i dëshmon frymës tonë që jemi bij të Perëndisë.” **Veprat e Apostujve 13:2** “Dhe, ndërsa po kryenin shërbesën e Zotit dhe agjëronin, Fryma e Shenjtë tha: «M’i ndani veç Barnabën dhe Saulin për veprën për të cilën i kam thirrur». **Gjoni 16:13** “Por, kur të vijë ai, Fryma e së Vërtetës, do t’ju prijë në gjithë të vërtetën, sepse nuk do të flasë prej vetes, por do të flasë atë që do të dëgjojë dhe do t’ju kumtojë ato që do të vijnë.”).
 - b. Përsëri kujdes: Zëri që dëgjoni është zëri i dëshirave tuaja, apo është vërtet zëri i Perëndisë?
 - i. Njeriu i vjetër është mashtrues dhe plotësisht i lig.
 - ii. Gjejini kënaqësinë tek Zoti dhe Ai do t’ju japë dëshirat e drejta - **Psalmi 37:4** “Gjej kënaqësinë tënde në Zotin dhe ai do të plotësojë dëshirat e zemrës sate.”
3. Rrethanat lejojnë.
 - a. Zoti hap dhe mbyll dyert e mundësive.
 - b. Asgjë nuk i ndodh bijve të Perëndisë nga rastësia. **Romakëve 8:28** “Dhe ne e dimë se të gjitha gjërat bashkëveprojnë për të mirë për ata që e duan Perëndinë, për ata që janë të thirrur sipas qëllimit të tij”
 - c. Ashtu si shenjat rrugore shërbejnë si drejtuese të udhëtimit tonë, ne pranojmë rrethanat si shenja në drejtimin e udhëheqjes së Perëndisë.
 - d. Kujdes: Zoti ndonjëherë e lejon djallin të zotërojë rrethanat, si në rastin e Jobit (Shih Jobi 1 & 2).
 - ❖ “Kur Fjala e Perëndisë, dëshmia e Frymës së Shenjtë në zemrën time, janë në harmoni me rrethanat e jashtme, atëherë jam i bindur që jam duke vepruar në përputhje me planin e Perëndisë” - F.B.Meyer.
 - ❖ Dëshirat mund të jenë të mijat dhe jo të Zotit, kështu që nuk mund t’i besoj plotësisht dëshirave të mia; rrethanat mund të ndryshohen nga armiku im, djalli, kështu që nuk dua që verbërisht të ndjek dyert e hapura apo të mbyllura; por “Shenjtëroji ata në të vërtetën tënde; **fjala jote është e vërteta**” - **Gjoni 17:17** Atje duhet ta vë plotësisht besimin tim. **Luka 5:5** “Dhe Simoni, duke u përgjigjur, i tha: Mjeshtër, u munduam gjithë natën dhe nuk zumë asgjë; por, mbi fjalën tënde do ta hedh rrjetën”
- IV. Si përmbledhje, Zoti Jezu Krisht, dha një parim që duhet të qeverisë gjithë jetën tonë kur te **Mateu 6:33** Ai tha: “Por para së gjithash kërkoni mbretërinë e Perëndisë dhe drejtësinë e tij dhe të gjitha këto gjëra do t’ju shtohen”.
- A. Së pari, kërkoni mbretërinë dhe drejtësinë e Perëndisë, duke përmbushur vullnetin e Tij që është shfaqur qartë në Bibël.
- B. Pastaj: **Fjalët e Urta 3:5-6** “Ki besim tek Zoti me gjithë zemër dhe mos u mbështet në gjykimin tënd pranoje në të gjitha rrugët e tua, dhe ai do të drejtojë shtigjet e tua”

(Shiko gjithashtu **Psalmi 37:1-5** *"¹Mos u dëshpëro për shkak të njerëzve të këqij; mos ki smirë ata që veprojnë me ligësi, ²sepse ata shpejt do të kositen si bari dhe do të thahen si bari i blertë. ³Ki besim tek Zoti dhe bëj të mira; bano vendin dhe shto besnikërinë. ⁴Gjej kënaqësinë tënde në Zotin dhe ai do të plotësojë dëshirat e zemrës sate. ⁵Vendose fatin tënd tek Zoti, ki besim tek ai dhe ai ka për të vepruar."*)

Pyetje - Përgjigje:

1. Zoti ka një vullnet të drejtpërdrejtë të shfaqur për njerëzit. Thoni shtatë gjëra që Zoti dëshiron për ne.
2. Ku e gjejmë vullnetin dhe planin e Perëndisë për jetën tonë?
3. Cili është vullneti përfundimtar i Perëndisë për jetën tonë?
4. Në përgjithësi, cilat janë tre gjëra që ti ta dish që je në vullnetin e Perëndisë?
5. Shpjegoni shkurtimisht ndryshimin midis vullnetit dhe planit të Perëndisë.
6. Shpjegoni shkurtimisht qëllimin kryesor të këtij mësimi.

Vargje përmendsh:

Romakëve 12:1-2 *"¹Ju lutem, pra, o vëllezër, nëpërmjet dhembshurisë së Perëndisë, t'i paraqitni trupat tuaj si fli të gjallë, të shenjtë, të pëlqyeshëm për Perëndinë, që është shërbesa juaj e mençur. ²Dhe mos u konformoni me këtë botë, por transformohuni me anë të ripërtëritjes së mendjes suaj, që të provoni cili është i miri, i pëlqyeri dhe i përsosuri vullnet i Perëndisë."*

Mateu 6:33 *"Por para së gjithash kërkoni mbretërinë e Perëndisë dhe drejtësinë e tij dhe të gjitha këto gjëra do t'ju shtohen".*

Psalmi 37:4-5 *"⁴Gjej kënaqësinë tënde në Zotin dhe ai do të plotësojë dëshirat e zemrës sate. ⁵Vendose fatin tënd tek Zoti, ki besim tek ai dhe ai ka për të vepruar."*

Fjalët e Urta 3:5-6 *"Ki besim tek Zoti me gjithë zemër dhe mos u mbështet në gjykimin tënd pranoje në të gjitha rrugët e tua, dhe ai do të drejtojë shtigjet e tua"*

MËSIMI 9 - KISHA LOKALE

Zoti ka krijuar tri institucione kryesore në këtë botë : familjen, qeverinë civile dhe kishën lokale. Kisha lokale është përcaktuar nga Zoti për të realizuar qëllimet e tij për të gjetur të humburin dhe për të përmirësuar të shpëtuarin. Prandaj, plani i Zotit për një të krishterë gjithmonë do të realizohet më mirë kur ai lidhet me kishën lokale.

Qëllimi i këtij mësimi është për të ngulitur tek individit rolin qëndror që duhet të luajë kisha në jetën e tij të përditshme.

I. Çfarë është kisha lokale?

A. Ajo nuk është thjesht një ndërtesë.

1. Ne e adhurojmë Perëndinë në frymë dhe në të vërtetën. **Gjoni 4:24** *“Perëndia është Frymë, dhe ata që e adhurojnë, duhet ta adhurojnë në frymë dhe në të vërtetën.”*

2. Trupat tanë janë tempulli i Perëndisë. **1 Korintasve 6:19** *“A nuk e dini se trupi juaj është tempulli i Frymës së Shenjtë që është në ju, të cilin e keni nga Perëndia, dhe se nuk i përkritni vetvetes?”*

B. Ajo nuk është një grup sekti fetar.

C. Kisha lokale është një grup njerëzish që janë shpëtuar dhe që janë thirrur nga Zoti për t'u bashkuar dhe për të shërbyer në një zonë të veçantë.

Veprat e Apostujve 18:1-11 *“¹Por pas këtyre Pali u nis nga Athina dhe erdhi në Korint. ²Dhe si gjeti njëfarë judeu, me emër Akuila, me origjinë nga Ponti, i ardhur rishtas nga Italia dhe gruan e tij Priskilën (sepse Klaudi kishte urdhëruar që të gjithë judenj të largohen nga Roma), shkoi tek ata. ³Dhe, duke qenë se kishin të njëjtën mjeshtëri, qëndroi me ta dhe punonte; se mjeshtëria e tyre ishte të bënin çadra. ⁴Por çdo shabat mësonte në sinagogë dhe bindte judenj dhe grekë. ⁵Por kur Sila dhe Timoteu zbritën nga Maqedonia, Pali shtyhej nga fryma për t'u dëshmuar judenjve se Jezusi ishte Krishti. ⁶Por, duke qenë se ata kundërshtonin dhe blasfemonin, ai i shkundi rrobat dhe u tha atyre: «Gjaku juaj qoftë mbi kokën tuaj, unë jam i pastër; që tani e tutje do të shkoj te kombet». ⁷Dhe, mbasi u largua prej andej, erdhi në shtëpinë e njëfarë njeriu me emër Just, i cili e adhuronte Perëndinë dhe e kishte shtëpinë ngjitur me sinagogën. ⁸Dhe Krispi, kreu i sinagogës, besoi te Zoti me gjithë shtëpinë e tij; edhe shumë nga korintasit, duke dëgjuar Palin, besuan dhe u pagëzuan. ⁹Por një natë Zoti i tha Palit në vegim: «Mos ki frikë, por fol dhe mos hesht, ¹⁰sepse unë jam me ty dhe askush nuk do të vërë dorë mbi ty që të të bëjë keq, sepse unë kam një popull të madh në këtë qytet». ¹¹Dhe ndenji atje një vit e gjashtë muaj, duke mësuar ndër ta fjalën e Perëndisë.”*

1 Korintasve 1:2 *“kishës së Perëndisë, që është në Korint, të shenjtëruarve në Krishtin Jezus, thirrur shenjtorë, bashkë me të gjithë ata që në çdo vend thërrasin emrin e Jezu Krishtit, Zotit të tyre dhe tonit:”*

Veprat e Apostujve 17:1-4 *“¹Dhe, si kishin kaluar nëpër Amfipoli dhe nëpër Apoloni, erdhën në Thesaloniki, ku ishte sinagoga e judenjve. ²Dhe Pali, sipas zakonit të tij, hyri tek ata dhe tri shabate me radhë fliste me ata prej Shkrimeve, ³duke u hapur atyre dhe duke u treguar se Krishti duhej të vuante dhe të ringjallej prej së vdekurish dhe duke thënë: «Ky Jezusi, që unë ju shpall, është Krishti». ⁴Disa nga ata u bindën dhe u bashkuan me Palin dhe Silën, si dhe një numër i madh grekësh të perëndishëm dhe jo pak gra nga shtresa e lartë.”*

1 Thesalonikasve 1:1 *“Pali dhe Silvani dhe Timoteu, kishës së thesalonikasve në Perëndinë Atë dhe në Zotin Jezu Krisht: Hir mbi ju dhe paqe nga Perëndia, Ati ynë, dhe nga Zoti Jezu Krisht.”*

- D. Kisha është trupi i Krishtit, grumbulli i njerëzve të shpëtuar nga çdo komb.
1. Në **Letrën 1 drejtuar Korintasve 12:27** *“Dhe ju jeni trupi i Krishtit dhe gjymtyrët e tij, veç e veç.”* Pali, duke shkruar për njerëzit e shpëtuar, deklaroi qartë: *“Ti je trupi i Krishtit”*.
 2. Pali krahason kishën me trupin e njeriut në **1 Korintasve 12:14-27** *“¹⁴Sepse edhe trupi nuk është një gjymtyrë e vetme, por shumë. ¹⁵Sikur të thoshte këmba: «Mbas nuk jam dorë, unë nuk jam pjesë e trupit», mos për këtë nuk është pjesë e trupit? ¹⁶Dhe sikur veshi të thoshte: «Mbas nuk jam sy, unë nuk jam pjesë e trupit», mos për këtë nuk është pjesë e trupit? ¹⁷Po të ishte gjithë trupi sy, ku do të ishte dëgjimi? Po të ishte gjithë dëgjim, ku do të ishte të nuhaturit? ¹⁸Por tani Perëndia ka vënë çdo gjymtyrë të trupit ashtu si deshi. ¹⁹Po të ishin të gjitha gjymtyrët një gjymtyrë e vetme, ku do të ishte trupi? ²⁰Tani, pra, janë shumë gjymtyrë, por një trup i vetëm. ²¹Dhe syri nuk mund t’i thotë dorës: «Unë nuk kam nevojë për ty»; dhe po ashtu koka nuk mund t’u thotë këmbëve: «Unë nuk kam nevojë për ju». ²²Madje, shumë më tepër ato gjymtyrë të trupit që duken se janë të dobëta, janë të nevojshme; ²³dhe ato që ne na duken më pak të nderuara të trupit, pikërisht ato rrethojmë me më shumë nderim; dhe të pahijshmet tona kanë më tepër hijeshi. ²⁴Por gjymtyrët tona të hijshme nuk kanë nevojë. Por Perëndia e ndërtoi trupin duke i dhënë më tepër nder asaj pjese që e kishte mangut, ²⁵që të mos kishte përçarje në trup, por të gjitha gjymtyrët të kenë të njëjtin kujdes për njëra tjetrën. ²⁶Dhe nëse vuan një gjymtyrë, të gjitha gjymtyrët vuajnë bashkë; kurse po të nderohet një gjymtyrë, të gjitha gjymtyrët gëzohen bashkë me të. ²⁷Dhe ju jeni trupi i Krishtit dhe gjymtyrët e tij, veç e veç.”*
 - a. Çdo anëtar ka një funksion të ndryshëm, **Vargjet 14-20**
 - b. Asnjë anëtar nuk mund të veprojë i vetmuar, **Vargu 21**
 - c. Kontributi i çdo anëtari është i rëndësishëm, **Vargjet 22-24**
 - d. Një organ që funksionon siç duhet, vepron si një njësi e vetme, **Vargjet 25-27**

II. Cili është funksioni i kishës lokale?

- A. Kisha e parë lokale në Bibël u krijua në Jeruzalem.
- Veprat e Apostujve 2:41-47** *“⁴¹Dhe ata që e pranuan fjalën e tij me gëzim, u pagëzuan; atë ditë u shtuan rreth tri mijë shpirtra. ⁴²Por ata ishin ngulmues në mësimin e apostujve dhe në bashkësi dhe në thyerjen e bukës dhe në lutjet. ⁴³Edhe çdo shpirti i hyri frika; dhe shumë mrekullira e shenja bëheshin nëpërmjet apostujve. ⁴⁴Por gjithë ata që besonin ishin bashkë dhe kishin çdo gjë të përbashkët. ⁴⁵Dhe i shisnin pronat e pasuritë dhe ua ndanin të gjithëve, sipas nevojës së secilit. ⁴⁶Dhe ngulmonin me një mendje të vetme çdo ditë në tempull dhe, duke e thyer bukën nga shtëpia në shtëpi, merrnin ushqimin me ngazëllim dhe me thjeshtësi zemre, ⁴⁷duke lavdëruar Perëndinë dhe duke pasur hir përpara gjithë popullit. Dhe Zoti i shtonte kishës çdo ditë ata që ishin shpëtuar.”* Besimtarët ngritën atje kishën e tyre për qëllimet si më poshtë:
1. Mësimi i Fjalës së Zotit, **Vargu 42**
 2. Miqësi me besimtarët e tjerë, **Vargu 42**

3. Lutjet, Vargu 42
 4. Darka e Zotit. **1 Korintasve 11:23-31** ^{“23}Sepse unë mora nga Zoti atë që ju transmetova edhe juve; se Zoti Jezus, në atë natë që po tradhtohej, mori bukë ²⁴dhe, si falënderoi, e theu dhe tha: «Merrni, hani; ky është trupi im që thuhet për ju; bëni këtë në përkujtimin tim». ²⁵Gjithashtu, pas darkës, mori edhe kupën, duke thënë: «Kjo kupë është besëlidhja e re në gjakun tim; bëni këtë sa herë që të pini, në përkujtimin tim». ²⁶Sepse sa herë të hani nga kjo bukë dhe të pini nga kjo kupë, ju shpallni vdekjen e Zotit, derisa ai të vijë. ²⁷Prandaj ai që ha nga kjo bukë ose pi nga kjo kupë e Zotit padenjësisht, do të jetë fajtor i trupit dhe i gjakut të Zotit. ²⁸Por njeriu le të shqyrtojë vetveten dhe kështu të hajë nga buka e të pijë nga kupa, ²⁹sepse ai që ha dhe pi padenjësisht, ha dhe pi një dënim për veten e tij, sepse nuk e dallon trupin e Zotit. ³⁰Për këtë arsye ka në mes jush shumë të dobët e të sëmurë, dhe mjaft kanë vdekur. ³¹Sepse, po të gjykonim veten tonë, nuk do të gjykohehim.”
 5. Për të qënë një dëshmi e hirit dhe e fuqisë së Zotit, Vargu 43
 6. Për ndihmë reciproke dhe shërbim shpirtëror, Vargjet 44-45
 7. Për t'u përhapur në komunitet dhe në gjithë botën, Vargjet 46-47;
Mark 16:15 *“Dhe u tha atyre: «Shkoni në mbarë botën dhe i predikoni ungjillin çdo krijesë;”* **Veprat e Apostujve 13:1-5** *“1Por në kishën e Antiokisë ishin disa profetë dhe mësues: Barnaba dhe Simeoni, i quajtur Niger dhe Luci nga Kirena, Manaeni, që ishte rritur bashkë me Herodin tetrark dhe Sauli. 2Dhe, ndërsa po kryenin shërbesën e Zotit dhe agjëronin, Fryma e Shenjtë tha: «M'i ndani veç Barnabën dhe Saulin për veprën për të cilën i kam thirrur». 3Atëherë, pasi agjëruan e u lutën, vunë duart mbi ta dhe i nisën. 4Këta, pra, të dërguar nga Fryma e Shenjtë, zbritën në Seleuki dhe që andej lundruan për në Qipro. 5Dhe, kur arritën në Salaminë, shpallën fjalën e Perëndisë në sinagogat e judenjve; dhe kishin edhe Gjonin si ndihmës.”*
 8. Për të lavdëruar Zotin, Vargu 47
- B. Prioriteti i vetëm dhe më i rëndësishmi për kishën është të mësojë, udhëzojë dhe stërvisë çdo anëtar për të bërë punën e Zotit. **Efesianëve 4:11-16** ^{“11}Dhe ai dha disa si apostuj, të tjerë si profetë, të tjerë si ungjilltarë, të tjerë si barinj e mësues, ¹²për ndreqjen e shenjtoreve, për veprën e shërbimit dhe për ndërtimin e trupit të Krishtit, ¹³derisa të arrijmë të gjithë tek uniteti i besimit dhe i njohjes së Birit të Perëndisë, te një burrë i përsosur, në masën e moshës së plotësisë së Krishtit, ¹⁴që të mos jemi më foshnja, të hedhur andej-këndej dhe të çuar aty-këtu nga çdo erë e doktrinës, nëpërmjet mashtrimit të njerëzve dhe dinakërisë së tyre që me dredhi çojnë në gabim, ¹⁵por, duke thënë të vërtetën me dashuri, të rritemi në çdo gjë drejt atij që është kreu, Krishti. ¹⁶Prej të cilit gjithë trupi i bashkuar dhe i lidhur mirë, me anë të bashkimit të ndihmesës sipas masës së veprueshmërisë të çdo pjese të veçantë, shkakton rritjen e trupit, për ndërtimin e vetes së tij në dashuri.”
- III. Si funksionoj unë në trupin e kishës?
- A. Gjatë jetës tënde kristiane ti duhet të zhvillohesh përmes tri fazave të gjëra, të përgjithshme.
1. Vëzhgo dhe mëso - Prioriteti yt i parë duhet të jetë t'i nënshtrohesh mësimin të Fjalës së Zotit, për t'u mësuar të bëhesh burrë apo grua siç do Zoti të bëhesh. **Mateu 11:28-30** ^{“28}Ejani tek unë, o të gjithë të

munduar dhe të rënduar, dhe unë do t'ju çlodh. ²⁹Merrni mbi vete zgjedhën time dhe mësoni nga unë, sepse jam zemërbutë dhe i përulur nga zemra; dhe do të gjeni çlodhje për shpirtrat tuaj. ³⁰Sepse zgjedha ime është e butë dhe barra ime është e lehtë!».

2 Timoteut 2:15 *“Ji i zellshëm të dalësh përpara Perëndisë si i sprovuar, si punëtor që nuk ka pse të turpërohet, që ndan drejt fjalën e së vërtetës.”*

2. *Pjesëmarrje* - Me kalimin e kohës ti natyrisht do të arrish në pikën ku mund të fillosh të shërbesh dhe të marrësh disa funksione bazë nëpërmjet shërbimeve ekzistuese të kishës. **Mateu 4:19** *“dhe u tha atyre: «Ejani pas meje dhe do t'ju bëj peshkatarë njerëzish».* **Jakobi 1:22-25** *“²²Por bëhuni bërës të fjalës dhe jo vetëm dëgjues, që gënjejnë vetveten. ²³Sepse, nëse dikush është dëgjues i fjalës dhe jo bërës, ai i përngjan një njeriu që e vështron fytyrën e tij natyrale në një pasqyrë; ²⁴ai e vështron veten dhe ikën dhe menjëherë harron si qe. ²⁵Ndërsa ai që do të përkulet për të parë në ligjin e përsosur të lirisë, dhe ngulmon në të, duke mos qenë një dëgjues harraq, por një bërës i veprës, ai do të jetë i lum në veprimtarinë e vet.”*
 3. *Drejto* - Ndërkohe që zhvillohesh, ti do të arrish në pikën ku mund të fillosh të kryesh shërbime për të tjerët në të njëjtën mënyrë siç keni bërë shërbimin dhe për vete. **2 Timoteut 2:2** *“dhe ato që dëgjove nga unë përpara shumë dëshmitarëve, besojua njerëzve besnikë, që do të jenë të aftë të mësojnë edhe të tjerë.”*
- B. Këto tre faza shkurt mund të krahasohen me fazat e rritjes fizike: fëmijëria, rinia, mosha e rritur.
- C. *Ki durim!* Ky proces do kohë. Vetëm ji i sigurtë t'i mbetesh besnik institucionit që ka krijuar Zoti, kishës lokale.

IV. *Cilat janë disa nga cilësitë e Kishës lokale?*

- A. Ato kanë pastorët (disa përdorin titujt bishopët ose pleqtë), të cilët janë barinj të krishterë ose mbikqyrës të anëtarëve. Këta njerëz i duan kolegët e tyre dhe u shërbejnë atyre duke u mësuar atyre Fjalën e Zotit (**1 Pietrit 5:1-4** *“¹U bëj thirrje pleqve midis jush, unë bashkëplak dhe dëshmitar i vuajtjeve të Krishtit edhe pjesëmarrës i lavdisë që ka për t'u zbuluar: ²ruani tufën e Perëndisë midis jush, duke e mbikëqyrur jo me detyrim, por me vullnet të lirë, jo për përfitim të pandershëm, po me vullnet të mirë, ³dhe jo si zotërues mbi ata që ju janë besuar, por duke u bërë shembull për tufën. ⁴Dhe kur të shfaqet kryebariu, do të merrni kurorën e lavdisë që nuk fishket.”*), dhe jetojnë një jetë kristiane shembull para të tjerëve. **1 Timoteut 3:1-7** *“Kjo fjalë është e besueshme: Në qoftë se dikush dëshiron të bëhet peshkop, punë të mirë dëshiron.” ²Duhet, pra, që peshkopi të jetë i paqortueshëm, burrë i një gruaje të vetme, të jetë i kthjellët, i arsyeshëm, i ndershëm, mikpritës, i aftë të japë mësim, ³të mos jepet pas verës, të mos jetë i dhunshëm, të mos jetë lakmues i fitimeve të turpshme, por i butë, jo grindavec, të mos dojë paranë; ⁴njeri që e qeveris mirë shtëpinë e vet dhe i ka fëmijët të bindur me çdo lloj mirësjelljeje; ⁵(por në qoftë se dikush nuk di ta qeverisë familjen e vet, si do të kujdeset për kishën e Perëndisë?). ⁶Të mos jetë i posakthyer në besim, që të mos i rritet mendja dhe të bjerë në gjykimin e djallit. ⁷Por duhet që ai të ketë dëshmi të mirë edhe ndër të jashtmit, që të mos bjerë në turp dhe grackën e djallit.”*
- B. Ato kanë dhjakët, burra të cilët punojnë gjithashtu me pastorët për të ndihmuar kishën, **Veprat e Apostujve 6:1-7** *“¹Por në ato ditë, duke u*

shumuar numri i dishepujve, u bë një murmuritje nga ana e helenistëve kundër hebrenjve, sepse vejushat e tyre po liheshin pas dore në shërbesën e përditshme. ²Atëherë të Dymbëdhjetët, pasi mbledhën numrin e madh të dishepujve, thanë: «Nuk është mirë për ne të lëmë fjalën e Perëndisë për të shërbyer nëpër tryeza. ³Prandaj, vëllezër, kërkoni midis jush shtatë burra, me dëshmi të mirë, të mbushur me Frymën e Shenjtë dhe me urtësi, të cilët do t'i vendosim në këtë detyrë. ⁴Kurse ne do të qëndrojmë duke iu kushtuar lutjes dhe shërbesës së fjalës». ⁵Ky propozim i pëlqeu gjithë shumicës. Dhe zgjodhën Stefanin, një burrë plot besim dhe Frymë të Shenjtë, Filipin, Prohorin, Nikanorin, Timonin, Parmenin dhe Nikollën, një prozelit nga Antiokia. ⁶I paraqitën pastaj përpara apostujve, të cilët, mbasi u lutën, vunë duart mbi ta. ⁷Ndërkaq fjala e Perëndisë po përhapej, dhe numri i dishepujve shtohej fort në Jerusalem edhe një numër i madh priftërinjsh i bindej besimit.” Këta burra duhet të jenë gjithashtu shembuj idealë.

1 Timoteut 3:8-13 ⁸Gjithashtu dhjakët të jenë dinjitozë, jo me dy faqe në fjalë, të mos jepen pas verës së tepërt, të mos lakmojnë fitime të turpshme, ⁹duke ruajtur misterin e besimit me ndërgjegje të pastër. ¹⁰Edhe këta le të vihen më parë në provë, pastaj ta kryejnë shërbesën, po të jenë të paqortueshëm. ¹¹Gjithashtu gratë e tyre të jenë dinjitoze, jo shpifarake, të kthjellëta, besnike në gjithçka. ¹²Dhjakët të jenë burrë të një gruaje të vetme, t'i qeverisin mirë fëmijët dhe shtëpitë e veta. ¹³Sepse ata që e kanë kryer mirë shërbesën, fitojnë një shkallë të mirë dhe guxim të madh në besimin në Krishtin Jezus.” Këta burra, ashtu sikurse pastorët, nuk janë diktatorë mbi njerëzit, por shërbëtorë të tyre.

- C. Bibla është autoriteti që duhet të ndjekë kisha.
1. **Kolosianëve 3:16-17** ¹⁶Fjala e Krishtit të banojë në ju me begati; në çdo urtësi, mësoni dhe këshilloni njëri-tjetrin me psalme, himne dhe këngë frymërore, duke i kënduar Zotit me hir në zemrat tuaja! ¹⁷Dhe çdo gjë që të bëni, me fjalë a me vepër, t'i bëni në emër të Zotit Jezus, duke e falënderuar nëpërmjet tij Perëndinë Atë.”
 2. **Titi 1:9** “që mban fort fjalën besnike siç i është mësuar, që të jetë në gjendje me doktrinën e shëndoshë të nxisë dhe të bindë ata që flasin kundër.”
 3. **Veprat e Apostujve 20:32** “Dhe tani, o vëllezër, unë po ju lë te Perëndia dhe te fjala e hirit të tij, që është në gjendje t'ju ndërtojë dhe t'ju japë trashëgimin në mes të të gjithë të shenjtëruarve.”
- D. Secili anëtar inkurajohet të lexojë dhe të studiojë Biblën njëlloj sa dhe pastorët apo dhjakët e tyre. **Veprat e Apostujve 17:10-12** ¹⁰Por vëllezërit menjëherë natën dërguan Palin dhe Silën për në Berea të cilët, sapo arritën atje, shkuan në sinagogën e judenjve. ¹¹Por këta ishin më fisnikë se ata të Thesalonikit dhe e pranuan fjalën me gatishmëri të madhe, duke i shqyrtuar çdo ditë Shkrimet, nëse këto gjëra ishin ashtu. ¹²Shumë veta, pra, nga ata besuan, si nga gratë fisnike greke, edhe nga burrat jo pak.”
- E. Anëtarët kryejnë shërbimet shpirtërore sipas nevojave të të tjerëve. **Veprat e Apostujve 6:1** ¹Por në ato ditë, duke u shumuar numri i dishepujve, u bë një murmuritje nga ana e helenistëve kundër hebrenjve, sepse vejushat e tyre po liheshin pas dore në shërbesën e përditshme.” **Galatasve 6:10** “Prandaj, pra, si të kemi kohë, le t'u bëjmë të mirën të gjithëve, por më shumë atyre që janë pjesëtar të shtëpisë së besimit.”

F. Kryen Darkën e Zotit.

Darka e Zotit zhvillohet në kishën lokale. Vetë pasazhi i shkrimit që u përdor për të mësuar Darkën e Zotit iu drejtua një kishë.

Tek **1 Korintasve 11:17-34** ¹⁷Por, duke porositur këtë, unë nuk ju lavdëroj, se ju mblidheni, jo për më mirë, po për më keq. ¹⁸Së pari, sepse dëgjoj se kur mblidheni në kishë ka midis jush përçarje, dhe pjesërisht e besoj. ¹⁹Sepse duhet të ketë midis jush edhe grupime, që të shfaqen në mes tuaj ata që janë të sprovuar. ²⁰Kur mblidheni, pra, në një vend, kjo që bëni nuk është për të ngrënë darkën e Zotit, ²¹sepse, në të ngrënë, gjithsecili merr darkën e vet më përpara; dhe njëri ka uri dhe tjetri është i dehur. ²²A nuk keni vallë shtëpi për të ngrënë e për të pirë? Apo përbuzni kishën e Perëndisë dhe turpëroni ata që s'kanë asgjë? Çfarë t'ju them? T'ju lavdëroj për këtë? Nuk ju lavdëroj. ²³Sepse unë mora nga Zoti atë që ju transmetova edhe juve; se Zoti Jezus, në atë natë që po tradhtohej, mori bukë ²⁴dhe, si falënderoi, e theu dhe tha: «Merrni, hani; ky është trupi im që thyhet për ju; bëni këtë në përkujtimin tim». ²⁵Gjithashtu, pas darkës, mori edhe kupën, duke thënë: «Kjo kupë është besëlidhja e re në gjakun tim; bëni këtë sa herë që të pini, në përkujtimin tim». ²⁶Sepse sa herë të hani nga kjo bukë dhe të pini nga kjo kupë, ju shpallni vdekjen e Zotit, derisa ai të vijë. ²⁷Prandaj ai që ha nga kjo bukë ose pi nga kjo kupë e Zotit padenjësisht, do të jetë fajtor i trupit dhe i gjakut të Zotit. ²⁸Por njeriu le të shqyrtojë vetveten dhe kështu të hajë nga buka e të pijë nga kupa, ²⁹sepse ai që ha dhe pi padenjësisht, ha dhe pi një dënim për veten e tij, sepse nuk e dallon trupin e Zotit. ³⁰Për këtë arsye ka në mes jush shumë të dobët e të sëmurë, dhe mjaft kanë vdekur. ³¹Sepse, po të gjykonim veten tonë, nuk do të gjykoheshim. ³²Por kur gjykohemi, ndëshkohemi nga Zoti, që të mos dënohemi bashkë me botën. ³³Prandaj, o vëllezërit e mi, kur mblidheni për të ngrënë, pritni njëri-tjetrin. ³⁴Dhe në qoftë se dikush ka uri, le të hajë në shtëpi, që të mos mblidheni për gjykim. Dhe gjërat e tjera, kur të vij, do t'i rregulloj.” tregohet se si duhet të zhvillohet Darka e Zotit.

1. Rëndësia e Darkës së Zotit.

Tek **1 Korintasve 11:26**, thuhet se: “... ju shpallni vdekjen e Zotit derisa Ai të vijë”. Qëllimi i kësaj është që të na kujtojë atë që Krishti bëri për ne. Tek **1 Korintasve 11:24** na tregohet se trupi i Tij u thye për ne. Jo vetëm që duhet të kujtojmë vdekjen e Tij por gjithashtu vuajtjet e Tij (**Mateu 26:26** “Dhe ndërsa ata po hanin, Jezusi mori bukën, dhe e bekoj, dhe e theu, dhe ua dha dishepujve dhe tha: «Merrni, hani; ky është trupi im»). Gjaku që është në gjendje të na pastrojë nga çdo mëkat dhe të shpëtojë shpirtat tanë, është simbolizuar në kupën prej së cilës ne pimë gjatë shërbesës (**Marku 14:24** “Atëherë u tha: «Ky është gjaku im, gjaku i besëlidhjes së re, që derdhet për shumë veta.”).

2. Si dhe sa herë duhet të zhvillohet Darka e Zotit?

Mënyra se si zhvillohet Darka e Zotit është duke përdorur bukë pa maja si në festën e Pashkëve (**Mateu 26:17** “Por ditën e parë të Ndormëve, dishepujt iu afruan Jezusit dhe i thanë: «Ku dëshiron të të përgatisim për të ngrënë Pashkën?». dhe **Luka 22:1** “Ndërkaq po afrohej festa e të Ndormëve, që quhet Pashkë.”), dhe lëng rrushi (**Mateu 26:29** “Por unë po ju them, se që tani e tutje nuk do të pi më nga ky fryt i hardhisë, deri në atë ditë kur, bashkë me ju, do ta pi të re në mbretërinë e Atit tim». **Isaia 65:8** “Kështu thotë Zoti: «Ashtu si thuhet kur gjendet lëng në vilën e rrushit: “Mos e prishni, sepse në të

ka një bekim”, kështu do të bëj unë për hir të shërbëtorëve të mi dhe nuk do të shkatërroj çdo gjë.”). Udhëzimet e vetme që Zoti na ka dhënë lidhur me shpeshtësinë e organizimit të Darkës së Zotit gjendet tek 1 Korintasve 11:25,26. Në vargu 25 thuhet: “... sa herë që të pini,” dhe vargu 26 thotë: “Sepse sa herë të hani nga kjo bukë ose të pini nga kjo kupë,” duke nënkuptuar se vendoset nga drejtuesit e kishës kur duhet të zhvillohet Darka e Zotit. Darka e Zotit është një kujtesë që Krishti dha jetën e Tij për mëkatet tona dhe Zoti do që ne të jemi të pastër kur marrim pjesë në Darkën e Zotit. (1 Korinatsve 11:27-31).

Pyetje - Përgjigje:

1. Cilat janë tri institucionet që Perëndia ka krijuar në këtë botë?
 - A.
 - B.
 - C.
2. Çfarë nuk është një kishë lokale?
 - A.
 - B.
3. Çfarë është kisha lokale?
4. Tek 1Korintasve 12:14-27, Pali krahason kishën me trupin e njeriut. Shkruaj pesë pjesë të trupit që janë përmendur në këtë pasazh të Shkrimit.
 - A.
 - B.
 - C.
 - D.
 - E.
5. Shkruaj katër ngjashmëri kryesore ndërmjet kishës dhe trupit të njeriut.
 - A.
 - B.
 - C.
 - D.
6. Kisha e parë lokale në Bibël ishte në Jeruzalem. Tek Veprat 2:41-47 ne shohim funksionimin e kësaj kishë lokale. Shkruaj qëllimet funksionale që gjenden në këtë pasazh të Shkrimit.
 - A.
 - B.
 - C.
 - D.
 - E.
 - F.
 - G.
 - H.

7. Cili është prioriteti më i rëndësishëm i kishës lokale?
8. Shkruaj tri faza të përgjithshme që lidhen me rritjen shpirtërore gjatë funksionit tënd në kishën lokale.
 - A.
 - B.
 - C.
9. Cilat janë disa cilësi që duhet të ketë një kishë lokale?
 - A.
 - B.
 - C.
 - D.
 - E.
 - F.
10. Shkruaj disa arsye pse Darka e Zotit është e rëndësishme.
11. Sa shpesh duhet të zhvillohet Darka e Zotit dhe çfarë vargjeshe do të jepje për të provuar përgjigjen tënde.
12. Shpjego shkurtimisht qëllimin kryesor të këtij mësimi.

Vargje përmendsh:

Efesianëve 4:11-12 *"¹¹Dhe ai dha disa si apostuj, të tjerë si profetë, të tjerë si ungjilltarë, të tjerë si barinj e mësues, ¹²për ndreqjen e shenjtoreve, për veprën e shërbimit dhe për ndërtimin e trupit të Krishtit,"*

1 Korintasve 12:27 *"²⁷Dhe ju jeni trupi i Krishtit dhe gjymtyrët e tij, veç e veç."*

2 Timoteut 2:2 *"dhe ato që dëgjove nga unë përpara shumë dëshmitarëve, besojua njerëzve besnikë, që do të jenë të aftë të mësojnë edhe të tjerë."*

MËSIMI 10 - KRISTIANËT E TJERË

“ Cilat janë marrëdhëniet e tua me kristianët e tjerë ”

Në këtë mësim do të studiojmë marrëdhëniet e veçanta që ju keni në familjen tuaj shpirtërore. Ky mësim është ndërtuar për të dhënë një ide të qartë se si trupi i Krishtit vepron si një familje e përbashkët.

I. *Si lidhesh ti me kristianët e tjerë?*

A. Ata janë vëllezër (dhe motra) në Jezus Krishtin. Sigurohu të kuptosh, vetëm ata në Jezus Krishtin (njerëzit e shpëtuar) janë vëllezërit e tu, pavarësisht nga faktorët e tjerë. Në të kundërt, ata që s'janë në Jezus Krishtin (njerëzit e pashpëtuar) nuk janë vëllezërit e tu pavarësisht nga ndonjë faktor tjetër **Romakëve 8:29** *“Sepse, ata që ai i ka njohur që më parë, edhe i ka paracaktuar që të jenë njësoj me shëmbëllimin e Birit të tij, kështu që ai të jetë i parëlinduri në mes të shumë vëllezërve.”*

1 Gjonit 3:1-3 *“¹Shikoni ç'dashuri të madhe na ka dhënë Ati, që të quhemi bij të Perëndisë. Prandaj bota nuk na njeh, sepse nuk e ka njohur atë. ²Të dashur, tani jemi bij të Perëndisë, dhe ende nuk është shfaqur ç'do të jemi; por dimë se, kur të shfaqet ai, do të jemi të ngjashëm me të, sepse do ta shohim atë sesi është. ³Dhe kushdo që e ka këtë shpresë në të, le ta pastrojë veten, siç është i pastër ai.”*

Romakëve 9:8 *“Do të thotë: nuk janë bijtë e Perëndisë ata që lindin prej mishi, por bijtë e premtimit llogariten si pasardhës.”*

Hebrenjve 2:9-12 *“⁹por atë, që u bë për pak kohë më i vogël se engjëjt, Jezusin, e shikojmë të kurorëzuar me lavdi dhe nder, për shkak të vuajtjes së vdekjes, që me anë të hirit të Perëndisë për të gjithë njerëzit, të shijonte vdekjen. ¹⁰Sepse i kishte hije atij, për të cilin të gjitha janë dhe nëpërmjet të cilit të gjitha u bënë, duke çuar shumë bij në lavdi, ta bënte të përsosur me anë vuajtjesh, kreun e shpëtimit të tyre. ¹¹Sepse si ai, që shenjtëron, edhe ata që shenjtërohen janë të gjithë prej një; për këtë shkak nuk turpërohet t'i quajë vëllezër, ¹²duke thënë: «Vëllezërve të mi do t'ua shpall emrin tënd, do të të këndoj himne në mes të kishës».*

B. Ata janë bashkëpunëtorë së bashku me ty në shërbimin ndaj Jezus Krishtit **1 Korintasve 3:3-10** *“³sepse jeni ende mishëror; sepse ndërsa midis jush ka smirë, grindje e përçarje a nuk jeni mishëror dhe a nuk ecni sipas mënyrës së njerëzve? ⁴Sepse, kur dikush thotë: «Unë jam i Palit», dhe një tjetër: «Unë i Apolit», a nuk jeni mishëror? ⁵Kush është, pra, Pali dhe kush është Apoli, veçse shërbenjës me anë të të cilëve ju besuat, edhe ashtu si Zoti i dha gjithsecilit? ⁶Unë mbolla, Apoli ujiti, por Perëndia i rriti. ⁷Kështu, pra, as ai që mbjell, as ai që ujit, nuk është gjë, por Perëndia që rrit. ⁸Por ai që mbjell dhe ai që ujit janë një, dhe secili do të marrë shpërblimin e vet sipas mundit të tij. ⁹Ne, pra, jemi bashkëpunëtorë të Perëndisë; ju jeni ara e Perëndisë, ndërtesa e Perëndisë. ¹⁰Sipas hirit të Perëndisë që m'u dha, si arkitekt i urtë, unë kam hedhur themelin dhe një tjetër ndërton mbi të; por secili të ketë kujdes sesi ndërton mbi të,”*

II. *Cilat janë përgjegjësitë e tua kundrejt kristianëve të tjerë?*

A. Duhet të lutesh për ta. Pothuajse të gjitha letrat e Palit hapen me një lutje për ata të cilëve ai po u shkruante **1 Thesalonikasve 1:2-3** *“Ne përherë e falënderojmë Perëndinë për ju të gjithë, duke ju kujtuar në lutjet tona, ³duke*

kujtuar vazhdimisht veprën tuaj të besimit, mundimin e dashurisë suaj dhe durimin e shpresës në Zotin tonë Jezu Krisht përpara Perëndisë, Atit tonë,”

2 Timoteut 1:3 *“E falënderoj Perëndinë, të cilit i shërbej sikurse edhe të parët e mi me ndërgjegje të pastër, se pa pushim të kujtoj në lutjet e mia, natë e ditë;”*

B. Duhet t'i mbështesesh ata.

1. Fizikisht - Ata në familjen e besimit. **Galatasve 6:10** *“Prandaj, pra, si të kemi kohë, le t'u bëjmë të mirën të gjithëve, por më shumë atyre që janë pjesëtar të shtëpisë së besimit.”* **Romakëve 12:13** *“ndihmoni për nevojat e shenjtorëve, jini mikpritës.”* Gjithashtu gjithë trupin e Krishtit në fusha të tjera. **Veprat e Apostujve 11:27-30** ²⁷*Dhe në ato ditë disa profetë zbritën nga Jerusalemi në Antioki. ²⁸Dhe u ngrit një nga ata, me emër Agab, dhe me anë të Frymës parathoshte se do të ndodhte në mbarë botën një zi e madhe buke; dhe kjo ndodhi nën Klaud Cezarin. ²⁹Por dishepujt, secili sipas gjendjes së tij, caktuan t'u çojnë ndihmë vëllezërve që banonin në Jude. ³⁰Dhe këtë ata e bënë, duke ua dërguar pleqve me dorë të Barnabës dhe të Saulit.”*

2. Shpirtërisht - **Galatasve 6:1-2** ¹*Vëllezër, në qoftë se dikush bie në ndonjë faj, ju që jeni frymërorë, ndërtojeni të tillë në frymën e zemërbutësisë; duke u kujdesur për veten tënde, që të mos tundohesh edhe ti. ²Mbani barrët e njëri-tjetrit dhe kështu përmbushni ligjin e Krishtit.”*

Romakëve 15:1-2 ¹*Edhe ne, që jemi të fortë, duhet të mbajmë dobësitë e atyre që janë të dobët dhe jo t'i pëlqejmë vetes sonë. ²Secili, pra, nga ne le t'i pëlqejë të afërmit për të mirë, për ndërtim,”*

Hebrenjve 13:3 *“Kujtoni të burgosurit si të ishit të bashkëburgosur, dhe ata që keqtrajtohen, si edhe ju vetë jeni në trup.”*

C. Duhet t'i inkurajosh dhe ndërtosh. **1 Thesalonikasve 5:11** *“Prandaj ngushëlloni njëri-tjetrin dhe ndërtoni njëri-tjetrin ashtu sikur edhe bëni.”*

D. Duhet tu shërbesh. **Filipianëve 2:3-4** ³*Mos bëni asgjë për rivalitet as për lavdi të kotë, por me përulësi, secili ta çmojë tjetrin më shumë se vetveten. ⁴Të mos shikojë secili interesin e vet, por edhe atë të të tjerëve.”* **Mateu 20:25-28** ²⁵*Por Jezusi i thirri ata pranë vetes dhe u tha: «Ju e dini se të parët e kombeve i sundojnë ato dhe të mëdhenjtë përdorin pushtet mbi ato, ²⁶por kështu nuk do të jetë ndër ju; por kush të dojë të bëhet i madh ndër ju le të jetë shërbenjësi juaj; ²⁷edhe kush të dojë të jetë i parë ndër ju, le të jetë shërbëtori juaj. ²⁸Ashtu si Biri i njeriut nuk erdhi që t'i shërbehet, por për të shërbyer dhe për të dhënë jetën e tij si shpërblësë për shumë veta.”*

III. Cili duhet të jetë qëndrimi yt ndaj kristianëve të tjerë?

A. Qëndrimi i parë duhet të jetë që t'i duash ata. **1 Gjonit 3:14-16** ¹⁴*Ne e dimë se kemi kaluar nga vdekja në jetë, sepse i duam vëllezërit; kush nuk e do vëllanë, mbetet në vdekje. ¹⁵Kushdo, që urren vëllanë e tij, është njeri-vrasës; dhe ju e dini se asnjë njeri-vrasës nuk ka jetë të përjetshme të qëndrueshme në vete. ¹⁶Në këtë e kemi njohur dashurinë: ai e dha jetën e tij për ne; dhe ne kemi për detyrë të japim jetën tonë për vëllezërit.”*

1 Pjetrit 4:8 *“dhe të keni, para së gjithash, një dashuri të fortë për njëri-tjetrin, sepse «dashuria do të mbulojë një shumicë mëkatesh».*

B. Të jesh i durueshëm me ata. **Romakëve 15:5-7** ⁵*Dhe Perëndia i durimit dhe i ngushëllimit ju dhëntë juve të jeni të së njëjtës mendjeje midis njëri-tjetrit, sipas Jezu Krishtit, ⁶që, me një mendje të vetme dhe një gojë të vetme, ta*

përlëvdoni Perëndinë dhe Atin e Zotit tonë Jezu Krisht. ⁷Prandaj pranoni njëri-tjetrit, sikurse edhe Krishti na pranoi për lavdinë e Perëndisë.”

- C. Të jesh i ndjeshëm ndaj nevojave të tyre. **1 Gjonit 3:17-18** ¹⁷“Dhe, nëse njëri ka të mirat e botës dhe sheh të vëllanë e tij në nevojë dhe e mbyll zemrën e tij para tij, si qëndron në të dashuria e Perëndisë? ¹⁸Djema të mi, të mos duam me fjalë, as me gjuhë, por me vepra dhe me të vërtetë.” **Jakobi 2:15-16** ¹⁵“Dhe në qoftë se një vëlla ose një motër janë të zhveshur dhe u mungon ushqimi i përditshëm, ¹⁶edhe dikush nga ju u thotë atyre: «Shkoni në paqe! Ngrohuni dhe ngopuni», dhe nuk u jepni atyre gjërat e nevojshme për trupin, ç’dobi ka?”
- D. Të falësh ata. **Efesianëve 4:32** “Por jini të mirë dhe të përdëlltyeshëm njëri me tjetrit, duke e falur njëri-tjetrit, sikurse edhe Perëndia ju ka falur në Krishtin.” **Kolosianëve 3:13** “duke duruar njëri-tjetrit dhe duke falur njëri-tjetrit, në qoftë se dikush ka ankesë kundër një tjetri; sikundër Krishti ju ka falur, ashtu bëni edhe ju.”

IV. Çfarë është “vëllazërimi”?

- A. Vëllazërim është një term i përdorur nga kristianët me kuptimin e përgjithshëm të të mbledhurit së bashku për aktivitete ose kohëra të përbashkëta, të njerëzve me të njëjtat interesa. Megjithatë kjo është vetëm një pjesë e vogël e vëllazërimit të vërtetë. Është e vërtetë që të vëllazërosh do të thotë t’i ndash gjërat së bashku, por vëllazërimi i vërtetë biblik është shumë më tepër sesa një vakt ose një aktivitet. Është ndarja e jetës nëpërmjet personit të Zotit Jezus Krisht, me një besimtar tjetër.
- B. Elementet themelore të vëllazërimit të vërtetë Biblik nuk janë çështje fizike si pozicioni në shoqëri, shoqëria, interesat e përbashkëta, etj; ato janë kërkesa shpirtërore të karakterit personal.
- Përulësia** - **Filipianëve 2:3-8** ³“Mos bëni asgjë për rivalitet as për lavdi të kotë, por me përulësi, secili ta çmojë tjetrit më shumë se vetveten. ⁴Të mos shikojë secili interesin e vet, por edhe atë të të tjerëve. ⁵Kini në veten tuaj po atë mendje që ishte edhe në Jezu Krishtin, ⁶i cili, edhe pse ishte në trajtë Perëndie, nuk e çmoi si një gjë ku të mbahej fort për të qenë barabar me Perëndinë, ⁷por e zbrazi veten e tij, duke marrë trajtë shërbëtori, e u bë i ngjashëm me njerëzit; ⁸dhe duke u gjetur nga pamja e jashtme posi njeri, e përuli veten duke u bërë i bindur deri në vdekje, edhe deri në vdekje të kryqit.”
 - Sinqeriteti** - **Efesianëve 4:25** “Prandaj, duke e lënë mënjane gënjeshtren, secili të flasë të vërtetën me të afërmin e tij, sepse jemi gjymtyrë të njëri-tjetrit.” **2 Korintasve 4:2** “Ne mohuam gjërat e turpshme që bëhen në fshehtësi, duke mos ecur në dinakëri, duke mos shtrembëruar aspak fjalën e Perëndisë, por duke shfaqur të vërtetën, ne ia rekomandojmë veten tonë ndërgjegjes së çdo njeriu përpara Perëndisë.”
 - Dashuria** - **Gjoni 13:35** “Prej kësaj do t’ju njohin të gjithë që jeni dishepujt e mi, nëse keni dashuri për njëri-tjetritin.» **Galatasve 5:13-15** ¹³“Sepse ju, o vëllazër, u thirrët në liri; por mos e përdorni këtë liri si një rast për mishin por, përmes dashurisë, t’i shërbeni njëri-tjetrit. ¹⁴Sepse gjithë ligji përmbushet në këtë fjalë, të vetme: «Duaje të afërmin tënd porsi vetveten!». ¹⁵Por nëse ju kafshoni dhe hani njëri-tjetritin, ruhuni se mos gllabërohëni nga njëri-tjetri.”
 - Mikpritja** - **Titi 1:8** “por mikpritës, mirëdashës, mendjegjerë, i drejtë, i shenjtë, i përmbajtur,” **Veprat e Apostujve 2:42, 46-47** “Por ata ishin

ngulmues në mësimin e apostujve dhe në bashkësi dhe në thyerjen e bukës dhe në lutjet.”⁴⁶Dhe ngulmonin me një mendje të vetme çdo ditë në tempull dhe, duke e thyer bukën nga shtëpia në shtëpi, merrnin ushqimin me ngazëllim dhe me thjeshtësi zemre,⁴⁷duke lavdëruar Perëndinë dhe duke pasur hir përpara gjithë popullit. Dhe Zoti i shtonte kishës çdo ditë ata që ishin shpëtuar.”

- C. Fusha e vëllazërimit të vërtetë përfshin, përveç të tjerave edhe:
1. **Lutjen** - **2 Korintasve 1:11** *“me ndihmën tuaj me anë të lutjeve për ne, që shumë njerëz të falënderojnë për dhuntinë e hirit, që do të na jepet me anë të lutjeve të shumë njerëzve.”*
 2. **Besimin** - **Romakëve 1:12** *“Dhe kjo është që unë të ngushëllohem bashkë me ju, me anë të besimit që e kemi të përbashkët, tuajin dhe timin.”*
 3. **Shërbimin** - **2 Korintasve 8:4** *“dhe na u lutën, pa na u ndarë, ta pranojmë dhuratën dhe pjesëmarrjen në ofertën për shenjtoret.”*
 4. **Vuajtjen** - **Filipianëve 3:10** *“që ta njoh atë dhe fuqinë e ringjalljes së tij dhe bashkësinë në vuajtjet e tij, duke u barazuar me vdekjen e tij,”*
1 Pjetrit 4: 13 *“Por gëzohuni, në atë masë që merrni pjesë në vuajtjet e Krishtit, që edhe në zbuluesën e lavdisë së tij të mund të gëzoheni dhe të ngazëllehëni.”* **1 Pjetrit 5:1** *“U bëj thirrje pleqve midis jush, unë bashkëplak dhe dëshmitar i vuajtjeve të Krishtit edhe pjesëmarrës i lavdisë që ka për t’u zbuluar:”*
- D. Megjithëse besimet e doktrinës janë jetësisht të rëndësishme, **vëllazërimi i vërtetë Biblik** nuk bazohet në përputhjen në çdo pikë të doktrinës, **por në personin e Jezu Krishtit**. Ju duhet të mësoni të keni vëllazërim me Të personalisht, para se vëllazërimi juaj me besimtarë të tjerë të jetë i drejtë - **1 Gjonit 1:3-7** *“atë, që kemi parë dhe kemi dëgjuar, po jua shpallim, që edhe ju të keni bashkësi me ne; dhe bashkësia jonë është me Atin dhe me Birin e tij, Jezu Krishtin.⁴Dhe po ju shkruajmë këto që gëzimi juaj të jetë i plotë.⁵Dhe ky është mesazhi, që kemi dëgjuar nga ai dhe po jua lajmërojmë juve: Perëndia është dritë dhe në Të nuk ka kurrfarë errësire.⁶Po të themi se kemi bashkësi me Të, dhe ecim në errësirë, gënjejmë dhe nuk bëjmë të vërtetën; ⁷por, po të ecim në dritë, sikurse ai është në dritë, kemi bashkësi me njëri-tjetrin, dhe gjaku i Jezu Krishtit, Birit të tij, na pastron nga çdo mëkat”*
- E. Megjithëse vëllazërimi i vërtetë nuk bazohet në përputhjen në çdo pikë të doktrinës, përsëri është e rëndësishme të kuptojmë që vëllazërimi i vërtetë bazohet në pikat e përbashkëta dhe besimet e njëjta. Bibla na urdhëron që të mos kemi vëllazërim me ata kristianë që nuk ecin drejt apo mësojnë doktrina të gabuara **2 Thesalonikasve 3:6,14** *“Dhe ju porosisim, o vëllezër, në emër të Zotit tonë Jezu Krisht, të tërhiqeni nga çdo vëlla që ecën i parregullt dhe jo sipas traditës që keni marrë prej nesh.”* *“¹⁴Dhe në qoftë se dikush nuk i bindet fjalës sonë në këtë letër, shënojeni atë dhe mos u shoqëroni me të, që ai të turpërohet.”* **Romakëve 16:17,18** *“¹⁷Tani unë ju bëj thirrje, o vëllezër, të ruheni nga ata që sjellin përçarje dhe skandale kundër doktrinës që keni mësuar dhe të largoheni nga ata; ¹⁸sepse të tillë nuk i shërbejnë Zotit tonë Jezu Krisht, por barkut të tyre, dhe me fjalë të ëmbla dhe të bukura gënjejnë zemrat e atyre që s’dinë ligësi.”*
- 1 Korintasve 5:11-13** *“¹¹Por tani ju shkrova të mos përziheni nëse dikush kërkon të quhet vëlla, duke qenë kurvar, ose lakmues ose idhujtar, o shpifës, o pijanec ose rrëmbyes; me një të tillë madje as të mos hani bashkë. ¹²Sepse*

ç'më duhet të gjykoj edhe të jashtmit? A nuk i gjykoni ju të brendshmit? ¹³Por ata të jashtmit Perëndia i gjykon. Prandaj nxirreni të ligun nga vetja juaj."

Pyetje bazë.

Po në qoftë se një kristian të ofendon?

Fatkeqësisht, kjo edhe mund të ndodhë nëse kaloni kohë me vëllezër dhe motra në Jezus Krishtin. Do të ketë ofendime, lëndime, dhe mosmarrëveshje brenda trupit të Krishtit, ashtu si në familjen tonë fizike. Në qoftë se dhe kur kjo të ndodhë, në qoftë se është vërtet serioze, Bibla na jep një parim zgjidhjeje për këtë çështje. Si duhet të veprosh në këtë rast?

1. Shko personalisht tek ata që të kanë ofenduar, dhe mundohuni që ta zgjidhni këtë çështje midis jush **Mateu 18:15** *"Por në qoftë se vëllai yt ka mëkatuar kundër teje, shko dhe qortoje vetëm për vetëm; në qoftë se të dëgjon, e fitove vëllanë tënd;"*
2. Në qoftë se çështja nuk zgjidhet midis jush, çojeni atë tek një udhëheqës i kishës për t'u përpjekur që të zgjidhë situatën. **Mateu 18:16** *"por në qoftë se nuk të dëgjon, merr me vete edhe një ose dy vetë, që çdo fjalë të vërtetohet nga goja e dy ose tre dëshmitarëve."*

1 Korintasve 6:1-5 *"¹A guxon ndonjë nga ju, kur ka ndonjë çështje kundër një tjetri, të gjykohet përpara të padrejtëve dhe jo përpara shenjtorëve? ²A nuk e dini ju se shenjtorët do të gjykojnë botën? Dhe, nëse bota do të gjykohet nga ju, a thua nuk jeni të aftë të gjykoni gjërat më të vogla? ³A nuk e dini ju se ne do të gjykojmë engjëj? Dhe aq më tepër mund të gjykojmë gjërat e kësaj jete! ⁴Pra, në qoftë se keni për të gjykuar gjëra të kësaj jete, vini gjykatës ata që çmohen më pak në kishë. ⁵Këtë e them për turpin tuaj. Kështu midis jush nuk paska asnjë të urtë, që mund të gjykojë midis vëllezërve të tij?"*

3. MOS SHKO tek njerëzit e pashpëtuar për të zgjidhur një problem brenda trupit të Krishtit **1 Korintasve 6:6** *"Por një vëlla hyn në gjyq me të vëllanë, dhe kjo përpara të pabesëve."*
4. Në qoftë se kjo çështje nuk zgjidhet përsëri:
 - a. Lëre situatën në dorën e Zotit Jezus Krisht. Ai do ta zgjidhë atë me drejtësi **1 Pjetrit 2:19-23** *"¹⁹sepse ky është hir, nëse dikush për ndërgjegje ndaj Perëndisë, duron hidhërimi, duke vuajtur padrejtësisht. ²⁰Sepse çfarë lavdie do të ishte po të duroni kur të rriheni për mëkate? Por po të duroni kur vuani për të mirën që bëni, kjo është hir para Perëndisë. ²¹Sepse për këtë u thirrët, sepse edhe Krishti vuajti për ne, duke na lënë një shembull, që të ndiqni gjurmët e tij. ²²«Ai nuk bëri asnjë mëkat dhe nuk u gjet asnjë mashtrim në gojën e tij». ²³Kur e fyenin, nuk e kthente fyerjen, kur vuante, nuk kërcënonte, po ia dorëzoi atij që gjykon drejtësisht."*
 - b. Fale vëllanë tënd - **Kolosianëve 3:13** *"duke duruar njëri-tjetrin dhe duke falur njëri-tjetrin, në qoftë se dikush ka ankesë kundër një tjetri; sikundër Krishti ju ka falur, ashtu bëni edhe ju."*
 - c. Lutu për vëllanë tënd **Mateu - 5:43-48** *"⁴³Ju keni dëgjuar se qe thënë: "Duaje të afërmin tënd dhe urreje armikun tënd". ⁴⁴Por unë po ju them: "Duajini armiqtë tuaj, bekojini ata që ju mallkojnë, u bëni të mirë atyre që ju urrejnë, dhe lutuni për ata që ju keqtrajtojnë dhe ju përndjekin, ⁴⁵që të bëheni bij të Atit tuaj, që është në qiej, sepse ai bën të lindë diellin e tij mbi të këqijtë dhe mbi të mirët, dhe bën të bjerë shi mbi të drejtët dhe të padrejtët. ⁴⁶Sepse, po të doni vetëm"*

*ata që ju duan, çfarë shpërblimi do të keni? A nuk bëjnë kështu edhe tagrambledhësit? ⁴⁷Dhe nëse përshëndetni vetëm vëllezërit tuaj, çfarë bëni të veçantë? A nuk bëjnë kështu edhe tagrambledhësit? ⁴⁸Jini, pra, të përsosur, ashtu siç është i përsosur Ati juaj, që është në qiej». **Romakëve 12:14** “Bekoni ata që ju përndjekin, bekoni dhe mos mallkoni.”*

Pyetje - Përgjigje:

1. Thoni dy aspektet e para të marrëdhënieve tuaja me kristianët e tjerë.
2. Thoni katër përgjegjësitë që ju keni ndaj kristianëve të tjerë, dhe jepni nga një varg nga Bibla për secilën prej tyre.
3. Thoni katër qëndrimet që ju duhet të keni ndaj kristianëve të tjerë, dhe jepni nga një varg nga Bibla për secilën prej tyre.
4. Çfarë do të thotë termi vëllazërim?
5. Elementet themelore të vëllazërimit të vërtetë biblik nuk janë çështje _____ por kanë të bëjnë me kërkesat _____ të _____ personal.
6. Thoni katër cilësi të nevojshme në jetën e një kristiani në mënyrë që të marrë pjesë në vëllazërim të vërtetë me besimtarë të tjerë.
7. Thoni katër fusha të vëllazërimit të vërtetë, dhe jepni një varg nga Bibla për secilën.
8. E vërtetë apo gabim?
_____ A. Vëllazërimi i vërtetë biblik bazohet në besimet e njëjta të doktrinës.
_____ B. Vëllazërimi i vërtetë biblik është i vërtetë me një të pashpëtuar.
_____ C. Duhet të kemi vëllazërim me Jezus Krishtin, para se të kemi vëllazërim të vërtetë me kristianë të tjerë.
9. Shpjegoni shkurtimisht qëllimin kryesor të këtij mësimi.

Vargje përmendsh:

Efesianëve 4:32 “Por jini të mirë dhe të përdëlyshëm njëri me tjetrin, duke e falur njëri-tjetrin, sikurse edhe Perëndia ju ka falur në Krishtin.”

1 Gjonit 3:14-15 “¹⁴Ne e dimë se kemi kaluar nga vdekja në jetë, sepse i duam vëllezërit; kush nuk e do vëllanë, mbetet në vdekje. ¹⁵Kushdo, që urren vëllanë e tij, është njeri-vrasës; dhe ju e dini se asnjë njeri-vrasës nuk ka jetë të përjetshme të qëndrueshme në vete.”

1 Gjonit 1:7 “por, po të ecim në dritë, sikurse ai është në dritë, kemi bashkësi me njëri-tjetrin, dhe gjaku i Jezu Krishtit, Birit të tij, na pastron nga çdo mëkat.”

MËSIMI 11 - TË DHËNIT

Të dhënit është një temë shumë e diskutueshme në kristianizëm sot, shumica si rezultat i kërkesave të ashpra mbi njerëzit e Perëndisë që të japin për çështje të ndryshme. Kjo është ndoshta një nga temat më të keqkuptuara në kristianizëm.

Ky mësim do të flasë për përgjegjësinë e kristianit në kujdestari të jetës së tij dhe të burimeve të tij.

Para se të kuptoni natyrën e të dhënit në Dhjatën e Re, duhet të kuptoni një fakt shumë qartë: Zoti nuk ka nevojë për paratë tuaja - **Psalmi 24:1** *"Zotit i përket toka dhe të gjitha gjërat që janë në të, bota dhe banorët e saj."*

Do të zbulojmë pse duhet të japim, qëllimin e të dhënit, sa do Zoti që unë të jap, dhe cili duhet të jetë qëndrimi ynë ndaj të dhënit.

I. Pse duhet të jap?

- A. Që të nderosh Zotin nëpërmjet bindjes - **Fjalët e Urta 3:9,10** *"⁹Ndero Zotin me pasurinë tënde dhe me prodhimet e para të çdo të ardhure që ke; ¹⁰hambarët e tu të grurit do të jenë plot e përplot dhe vozat e tua do të gufojnë me musht."*
- B. Ne duhet të japim sepse ne jemi mirënjohës për atë që Zoti ka bërë së pari për ne **2 Korintasve 9:15** *"Le ta falënderojmë Perëndinë për dhuratën e tij të papërshkrueshme."*
- C. Ne duhet të japim që të pranojmë se Perëndia zotëron gjithçka **Psalmi 50:10-12** *"¹⁰Të mia janë në fakt tërë kafshët e pyllit; imja është bagëtia që ndodhet me mijëra ndër male. ¹¹I njohim tërë zogjtë e maleve; dhe të gjitha ato që lëvizin në fushat janë të miat. ¹²Po të kisha uri, nuk do ta thoshja; sepse bota dhe sa ajo përmban janë të miat."* **Psalmi 104:24** *"Sa të shumta janë veprat e tua, o Zot! Ti i ke bërë të gjitha me dituri; toka është plot me pasuritë e tua."* **Psalmi 115:15,16** *"¹⁵Qofshin të bekuar nga Zoti, që ka bërë qiejt dhe tokën. ¹⁶Qiejt janë qiejt e Zotit, por tokën ai ua ka dhënë bijve të njerëzve."* **Jobi 41:11** *"Kush më ka bërë një shërbim i pari që unë duhet ta shpërblej? Çdo gjë nën qiejt është imja."*
- D. Të dhënit provon sinqeritetin e dashurisë tonë për Perëndinë. Përpara parave duhet të jemi të gatshëm të japim nga vetja jonë - **2 Korintasve 8:8** *"Këtë nuk e them si urdhër por që, me anë të zellit të të tjerëve, të vë në sprovë sinqeritetin e dashurisë suaj."*
- E. Të dhënit zhvillon brenda nesh një qëndrim të hirit - **2 Korintasve 8:6,7** *"⁶Kështu ne e këshilluam Titin që, ashtu si e nisi këtë vepër të hirit midis jush, ashtu edhe ta përfundojë. ⁷Por sikurse jeni të pasur në gjithçka, në besim, e fjalë e dituri, në çdo kujdes dhe në dashurinë tuaj ndaj nesh, ashtu të kapërderdheni edhe në këtë vepër të hirit."* **2 Korintasve 9:8** *"Dhe Perëndia mund të bëjë që gjithë hiri të teprojë ndaj jush, që të keni gjithnjë mjaft në çdo gjë dhe t'ju teprojë për çfarëdo vepër të mirë,"*
 1. Zhvillon brenda nesh një nga cilësitë e Perëndisë: **Të dhënit** - **Gjoni 3:16** *"Sepse Perëndia e deshi aq botën, sa dha Birin e tij të vetëmlindurin, që, kushdo që beson në të, të mos humbasë, por të ketë jetën e përjetshme."* **1 Gjonit 4:9** *"Në këtë është shfaqur dashuria e Perëndisë ndaj nesh, se Perëndia dërgoi Birin e tij të vetëmlindurin në botë që ne të rrojmë përmes tij."*
 2. Zhvillon brenda nesh një nga cilësitë e Perëndisë: **Hirin** - **1 Pietrit 4:10** *"Gjithsecili le ta vërë në shërbim të tjetrit dhuntinë që ka marrë, si administratorë të mirë të hirit të shumëfarshëm të Perëndisë."*

- F. Të dhënit na jep mundësinë të bëjmë investime të përjetshme - **Filipianëve 4:17** “Jo se unë kërkoj dhuratë, por kërkoj fryt që tepron për llogarinë tuaj.”
Mateu 6:19-21 “¹⁹Mos mblidhni për vete thesare mbi dhe, ku i brejnë tenja dhe ndryshku dhe ku vjedhësit shpërthejnë dhe vjedhin, ²⁰përkundrazi, mblidhni për vete thesare në qiell, ku as tenja as ndryshku nuk prishin dhe ku vjedhësit nuk shpërthejnë dhe nuk vjedhin. ²¹Sepse ku është thesari juaj, atje do të jetë edhe zemra juaj.” **Zbulesa 3:18** “Të këshilloj të blesh nga unë ar të kulluar në zjarr që të pasurohesh; edhe petka të bardha që të vishesh dhe të mos duket turpi i lakuriqësisë sate; edhe vajos sytë e tu me kolir, që të shohësh.”
- G. Të dhënit sjell bekimet e Perëndisë në buxhetin tonë personal. Ne nuk mund t'i japim Perëndisë më shumë sesa Ai na jep neve - **Luka 6:38** “Jepni dhe do t’ju jepet: një masë e mirë, e ngjeshur, e tundur, gufuese do t’ju jepet në prehër, sepse me atë masë që do të matni, do t’ju matet edhe juve përsëri.”
Malakia 3:10 “Sillni gjithë të dhjetat në shtëpinë e thesarit, që të ketë ushqim në shtëpinë time dhe pastaj më vini në provë për këtë gjë», thotë Zoti i ushtrive, «nëse unë nuk do t’i hap pragjet e qiellit dhe nuk do të derdh mbi ju aq shumë bekim, sa nuk do të keni vend të mjaftueshëm ku ta shtini.”

II. Cili është qëllimi i dhënies?

- A. Dhënia në mënyrë besnike e të shenjtëve nëpërmjet një kisha lokale, mbështet misionet. Jo çdo besimtar do të shkojë, por çdo besimtar mund të japë - **Filipianëve 4:15,16** “¹⁵Edhe ju, o filipianë, e dini se, në fillim të predikimit të ungjillit, kur u nisa nga Maqedonia, asnjë kishë nuk ndau me mua gjë për të dhënë a për të marrë, veç jush vetëm, ¹⁶sepse edhe në Thesaloniki, një herë e përsëri, kur isha në nevojë, më dërguat ndihmë.” **2 Korintasve 9:11** “dhe, duke u pasuruar në të gjitha, të jeni dorëdhënë në të gjitha, duke i sjellë, përmes nesh, falënderim Perëndisë.”
- B. Për ti dhënë ndihmë atyre brenda trupit të kishës që nuk mund të mbështesin vetveten.
1. Atyre që janë besnikë ndaj kishës - **Veprat e Apostujve 6:1** “Por në ato ditë, duke u shumuar numri i dishepujve, u bë një murmuritje nga ana e helenistëve kundër hebrejve, sepse vejushat e tyre po liheshin pas dore në shërbesën e përditshme.”
 2. Është detyrimi i familjes personale të ndihmojnë ata në situata të ndryshme **1 Timoteut 5:9,10,16** “⁹Një e ve të regjistrohesh në listën e vejushave, po të jetë jo më e re se gjashtëdhjetë vjeçe, të ketë qenë gruaja e një burri të vetëm, ¹⁰dhe të ketë dëshminë për vepra të mira: që ka rritur fëmijë, ka pritur të huajt, ua ka larë këmbët shenjtorëve, ka ndihmuar të shtypurit, i është kushtuar vazhdimisht çdo veprë të mirë.”
“Në qoftë se ndonjë besimtar ose besimtare ka vejusha, le t’i ndihmojë e të mos i bëhen barrë kishës, që të mund të ndihmojë ato që janë me të vërtetë të veja.”
- C. Të dhënit mbështet udhëheqësit e kishës lokale - **1 Timoteut 5:17-18** “¹⁷Pleqtë që qeverisin mirë, le të nderohen dyfish, sidomos ata që mundohen në fjalë e mësim. ¹⁸Sepse Shkrimi thotë: “Mos ia lidh gojën kaut që shin”, dhe: «Punëtori e ka hak pagën e tij». **1 Korintasve 9:7-14** “⁷Kush, vallë, shkon në luftë me shpenzimet e veta? Kush mbjell vresht dhe nuk ha nga fryti i tij? Ose kush kullot një tufë dhe nuk ha nga qumështi i tufës? ⁸Vallë a i them këto si njeri? A nuk i thotë këto edhe ligji? ⁹Sepse në ligjin e Moisiut është shkruar: «Mos ia

lidh gojën kaut që shin». Vallë, a kujdeset Perëndia për qetë? ¹⁰Apo e thotë këtë veçanërisht për ne? Sepse për ne u shkrua, se kush lëron duhet të lërojë me shpresë, dhe kush shin, duhet të shijë me shpresë, që të ketë pjesë në shpresën e tij. ¹¹Në qoftë se mbollëm ndër ju gjërat frymërore, a është gjë e madhe nëse korrim të mirat tuaja materiale? ¹²Në qoftë se të tjerë kanë pjesë në këtë të drejtë mbi ju, a nuk do ta kishim ne shumë më tepër? Po ne nuk e përdorëm këtë të drejtë; por durojmë çdo gjë, për të mos i vënë ndonjë pengesë ungjillit të Krishtit. ¹³Nuk e dini ju se ata që kryejnë shërbesën e shenjtë hanë nga gjërat e tempullit, dhe ata që shërbejnë pranë altarit marrin pjesë nga të mirat e altarit? ¹⁴Kështu edhe Zoti urdhëroi që ata, që shpallin ungjillin, nga ungjilli të rrojnë.”

- D. Të dhënit ndihmon për veprimet dhe nevojat kryesore të kishës lokale si: qeraja, ...
- E. Ju duhet të keni besim se si udhëheqësit e kishës merren me paratë e Perëndisë. Megjithëse nuk është e nevojshme, një politikë e hapur financiare, sipas së cilës çdo anëtar mund t'i drejtojë pyetje administratorit të buxhetit ose dhjakëve, do të ndihmonte në rritjen e besimit të anëtarëve. Në qoftë se jeni kuriozë ose në qoftë se keni arsye të fortë për të besuar se burimet e kishës nuk po përdoren sipas Shkrimit të Shenjtë, atëherë flisni me ata persona që kanë këtë lloj përgjegjësie - **2 Korintasve 8:20,21** ²⁰duke shmangur kështu sharjet e ndonjërit për këtë dhuratë bujare që administrohet prej nesh, ²¹sepse kujdesemi të veprojmë mirë jo vetëm përpara Zotit, por edhe përpara njerëzve.”

III. Çfarë duhet të jap?

Përpara se të merrni parasysh për të dhënë diçka, kujtoni se ne jemi blerë nga Perëndia me gjakun e Krishtit dhe i përkasim Atij **1 Korintasve 6:19,20** ¹⁹A nuk e dini se trupi juaj është tempulli i Frymës së Shenjtë që është në ju, të cilin e keni nga Perëndia, dhe se nuk i përkritni vetvetes? ²⁰Sepse u bletë me një çmim! Përlëvdoni Perëndinë, pra, me trupin tuaj dhe në frymën tuaj, që i përkasin Perëndisë.”

- A. Jepeni veten plotësisht ndaj gjërave të Perëndisë - **1 Timoteut 4:15** *“Kujdesu për këto gjëra dhe qëndro në to, që përparimi yt të jetë i dukshëm për të gjithë.”* **2 Korintasve 8:3-5** ³Sepse, sipas mundësive të tyre, (e dëshmoj këtë) edhe tej mundësive të tyre dhanë vullnetarisht, ⁴dhe na u lutën, pa na u ndarë, ta pranojmë dhuratën dhe pjesëmarrjen në ofertën për shenjtoret. ⁵Dhe jo vetëm vepruan ashtu si shpresonim, po ia dhanë veten më përpara Perëndisë dhe pastaj neve nëpërmjet vullnetit të Perëndisë.” **Romakëve 12:1** *“Ju lutem, pra, o vëllezër, nëpërmjet dhembshurisë së Perëndisë, t'i paraqitni trupat tuaj si fli të gjallë, të shenjtë, të pëlqyeshëm për Perëndinë, që është shërbesa juaj e mençur.”*
- B. Jepini vëmendje leximit të fjalës së Perëndisë - **1 Timoteut 4:13** *“Kushtojë leximit, nxitjes dhe dhënies së mësimin derisa të vij unë.”*
- C. Jepini vëmendje të sinqertë gjërave që keni degjuar - **Hebrenjve 12:1** *“Prandaj edhe ne, duke qenë të rrethuar nga një re kaq e madhe dëshmitarësh, duke hedhur tej çdo barrë dhe mëkatin që na qarkon kaq lehtë, le të rendim me durim në garën që është përpara nesh,”*
- D. Jepeni veten tuaj vazhdimisht për lutje - **Veprat e Apostujve 6:4** *“Kurse ne do të qëndrojmë duke iu kushtuar lutjes dhe shërbesës së fjalës».*
- E. Jepni falenderime për çdo gjë - **1 Thesalonikasve 5:18** *“Në gjithçka falënderoni sepse i tillë është vullneti i Perëndisë në Krishtin Jezus për ju.”*

- F. Jepni vullnetarisht nga të tre burimet që Zoti ju ka dhënë:
1. Kohë
 2. Talent
 3. Para

IV. *Sa duhet të jap?*

Më e rëndësishme se sasia që ne japim është mënyra se si japim, sepse Perëndia do një dhurues të gëzuar - **2 Korintasve 9:7** *“Secili le të japë si ka menduar në zemër, as me keqardhje, as me detyrim, sepse Perëndia do dhurues të gëzuar.”*

A. Jepni të dhjetën.

1. Përpara se ligji të vendosej, Abrahami jepte të dhjetën e të ardhurave të tij. **Zanafilla 14:20** *“Qoftë i bekuar Shumë i Larti Perëndi, që të ka dhënë në dorë armiq të tu!”*. Dhe Abrami i dha një të dhjetën e çdo gjëje.” **Hebrenjve 7:1-7** *“¹Sepse ky Melkisedeku, mbret i Salemit dhe prift i Më të Lartit Perëndi, i doli përpara Abrahamit, kur po kthehej nga mposhtja e mbretërve, dhe e bekoj; ²dhe Abrahami i dha atij të dhjetën e të gjithave; (atij që më së pari përkthehet “mbret i drejtësisë”, dhe pastaj edhe “mbret i Salemit”, domethënë “mbret i paqes”), ³pa atë, pa nënë, pa gjenealogji, pa pasur as fillim ditësh as fund jete, por i përngjashëm me Birin e Perëndisë), ai mbetet prift përgjithnjë. ⁴Por shikoni sa i madh është ky, të cilit edhe Abraham patriarku i dha të dhjetën e plaçkës. ⁵Edhe ata nga bijtë e Levit që marrin priftërinë kanë urdhërim të marrin sipas ligjit të dhjetën nga populli, domethënë nga vëllezërit e tyre, megjithëse kanë dalë nga mesi i Abrahamit; ⁶ndërsa ky, Melkisedeku, ndonëse nuk e kishte prejardhjen nga ata, mori të dhjetën nga Abrahami dhe bekoj atë që kishte premtimet. ⁷Por pa asnjë kundërshtim bekohet më i vogli nga më i madhi.”*
2. Nën ligj çdo person jepte të dhjetën - 10% të të ardhurave të tyre ia jepnin Perëndisë **Malakia 3:10-12** *“¹⁰Sillni gjithë të dhjetat në shtëpinë e thesarit, që të ketë ushqim në shtëpinë time dhe pastaj më vini në provë për këtë gjë», thotë Zoti i ushtrive, «nëse unë nuk do t’i hap pragjet e qiellit dhe nuk do të derdh mbi ju aq shumë bekim, sa nuk do të keni vend të mjaftueshëm ku ta shtini. ¹¹Përveç kësaj do të qortoj shumë për ju gllabëruesin, me qëllim që ai të mos shkatërrojë më frytin e tokës suaj, dhe vreshti juaj nuk do të reshtë të sjellë për ju fryt në fushë», thotë Zoti i ushtrive. ¹²«Të gjitha kombet do t’ju shpallin të lumtur, sepse ju do të jeni një vend kënaqësish», thotë Zoti i ushtrive.”*
3. E dhjeta, **Levitiku 27:30** *“Çdo e dhjetë e tokës, qoftë nga prodhimet e tokës, qoftë nga pemët e drurëve, i takon Zotit; është një gjë e shenjtëruar Zotit.”* ishte e shenjtë për Perëndinë dhe nuk i përkiste njeriut.
4. Ne nuk jemi të lidhur pas së dhjetës, ne duhet të shkojmë përtej kësaj **Mateu 5:17** *“Mos mendoni se erdha për të shfuqizuar ligjin ose profetët; nuk erdha për t’i shfuqizuar, po për t’i përmbushur.”*
5. Premtimi tek **Malakia 3** është se Perëndia do ta shtojë 90% e ngelur më shumë se 100% i fillimit - **Fjalët e Urta 11:24** *“Ka nga ata që shkapërderdhin bujari dhe bëhen më të pasur, dhe ka nga ata që kursejnë më tepër se duhet dhe bëhen gjithnjë e më të varfër.”*
Fjalët e Urta 13:7 *“Ka nga ata që sillen si një i pasur, por nuk kanë asgjë; përkundrazi ka nga ata që sillen si një i varfër, por kanë shumë pasuri.”* **Mateu 6:19,20** *“¹⁹Mos mblidhni për vete thesare mbi dhe, ku i*

brejnë tenja dhe ndryshku dhe ku vjedhësit shpërthejnë dhe vjedhin, ²⁰përkundrazi, mblidhni për vete thesare në qiell, ku as tenja as ndryshku nuk prishin dhe ku vjedhësit nuk shpërthejnë dhe nuk vjedhin.”

- B. Jepini të tjerëve.
1. Zoti siguron për ne edhe nëpërmjet njerëzve të tjerë - **Luka 6:38** *“Jepni dhe do t’ju jepet: një masë e mirë, e ngjeshur, e tundur, gufuese do t’ju jepet në prehër, sepse me atë masë që do të matni, do t’ju matet edhe juve përsëri».*
 2. Bollëku i një njeriu është nevoja e një njeriu tjetër. Lejojeni Perëndinë që t’ju përdorë, për të përmbushur nevojat e njerëzve të tjerë. Tek **1 Korintasve 16 :1-3** *“¹Sa për të mbledhurit e ndihmave për shenjtorët, bëni edhe ju ashtu si i urdhërova kishat e Galatisë. ²Të parën ditë të çdo jave, secili nga ju le të vërë mënjanë, dhe të mbledhë aq sa mundet, që, kur të vij, të mos bëhen atëherë mbledhje ndihmash. ³Por, kur të vij, ata që ju do të miratoni, me letra do t’i dërgoj, që të çojnë në Jerusalem dhuratën tuaj.”* Pali e përmend veçanërisht marrjen e ofrimeve për të tjerët. *“... të mbledhurit e ndihmave për shenjtorët...”*
 3. Megjithëse paratë tuaja mund të mos i shkojnë kishës, ndihma juaj për të tjerët është përsëri për Perëndinë. Jezusi tha tek **Mateu 25:45** *“Atëherë do t’u përgjigjet atyre duke thënë: “Në të vërtetë ju them: për aq sa nuk ia keni bërë këtë ndonjërit prej këtyre më të vegjëlve, nuk ma keni bërë as mua”.*

V. Si duhet të jap?

- A. **Besnikërisht** - **1 Korintasve 16:2** *“Të parën ditë të çdo jave, secili nga ju le të vërë mënjanë, dhe të mbledhë aq sa mundet, që, kur të vij, të mos bëhen atëherë mbledhje ndihmash.”* Perëndia do ta shpërblejë sinqeritetin dhe besnikërinë tuaj.
- B. **Me gëzim** - **2 Korintasve 9:7** *“Oh, përsëri kutia e dhurimit!. Përsëri duhet të dhuroj?”* Ne duhet ta konsiderojmë një privilegj dhe gëzim të madh, mundësinë për t’i kthyer sado pak Atij që dha kaq shumë për ne. Ndërsa çdo njeri rritet në besim tek Perëndia, qëndrimi i tij rreth dhënies do të ndjekë gjithmonë e më shumë parimet e përmbledhura tek - **2 Korintasve 9:7** *“Secili le të japë si ka menduar në zemër, as me keqardhje, as me detyrim, sepse Perëndia do dhurues të gëzuar.”*
- C. **Me dëshirë** - **2 Korintasve 8:3-5,11,12** *“³Sepse, sipas mundësive të tyre, (e dëshmoj këtë) edhe tej mundësive të tyre dhanë vullnetarisht, ⁴dhe na u lutën, pa na u ndarë, ta pranojmë dhuratën dhe pjesëmarrjen në ofertën për shenjtorët. ⁵Dhe jo vetëm vepruan ashtu si shpresonim, po ia dhanë veten më përpara Perëndisë dhe pastaj neve nëpërmjet vullnetit të Perëndisë.” ¹¹Por tani përfundojeni edhe bërjen që, ashtu si qe gatishmëria për të dëshiruar, kështu të jetë edhe përfundimi, sipas mundësive që keni. ¹²Sepse, nëse është gatishmëria për të dhënë, ai është i mirëpritur sipas asaj që ka dhe jo sipas asaj që nuk ka.”*
- D. **Individualisht** - **1 Korintasve 16:2** *“Të parën ditë të çdo jave, secili nga ju le të vërë mënjanë, dhe të mbledhë aq sa mundet, që, kur të vij, të mos bëhen atëherë mbledhje ndihmash.”* Jo vetëm kreu i familjes por edhe nëna dhe fëmijët. Të dhënit nuk është vetëm për të pasurit. Është edhe për të varfërit.

VI. Konkluzioni

Parimi i Perëndisë për çdo investim: qoftë për një familje, qoftë për fitimin e jetëve ose për shërbim, sa më shumë që të investoj, aq më shumë do të më kthehet - **2 Korintasve 9:6** *“Por ju them këtë: Ai që mbjell me kursim, do të korrë po me kursim; dhe ai që mbjell me bujari edhe do të korrë me bujari.”*

Pyetje - Përgjigje:

1. Thoni një arsye nga studimet tuaja të Biblës, pse Zoti nuk ka nevojë për paratë tuaja.
2. Thoni shtatë arsye pse Perëndia na udhëzon neve që të japim.
3. Cilat janë katër arsyet kryesore të të dhënit.
4. Përpara se të merrni parasysh për të dhënë para për punën e Perëndisë, duhet të jeni të gatshëm të jepni edhe gjëra të tjera. Thoni cilat janë ato.
5. Shpjegoni shkurtimisht katër fushat e dhënies.
6. Thoni katër mënyrat se si ne duhet të japim.
7. Cili është parimi kryesor i të dhënit?
8. A po i jepni ju Perëndisë atë që Ai do dhe meriton?

Vargje përmendsh:

2 Korintasve 8:9 *“Sepse ju e njihni hirin e Zotit tonë Jezu Krisht, që, duke qenë i pasur, u bë i varfër për ju, që ju të bëheni të pasur me anë të varfërisë së tij.”*

2 Korintasve 9:7 *“Secili le të japë si ka menduar në zemër, as me keqardhje, as me detyrim, sepse Perëndia do dhurues të gëzuar.”*

Mateu 6:21 *“Sepse ku është thesari juaj, atje do të jetë edhe zemra juaj.”*

MËSIMI 12 - PARAJA DHE ZOTËRIMET

Një nga tundimet më të mëdha që ne kemi si kristianë është materializmi mjaft i fuqishëm. Shpesh mendojmë se sukcesi matet me madhësinë e pasurisë materiale, kur në realitet, sukcesi i një njeriu matet me përmbushjen e planit të Perëndisë për jetën e tij. Bibla flet shumë për qëndrimin që ne duhet të kemi ndaj pasurive fizike. Tema e këtij mësimi është për të përcaktuar se si Zoti do që ne të merremi me këtë çështje, duke u bazuar në dritën e parimeve biblike.

Cili duhet të jetë qëndrimi im ndaj parasë dhe zotërimeve?“

I. *Nuk duhet që ti të jesh i varfër që të kënaqësh Perëndinë!*

- A. Kjo është shumë e rëndësishme për tu kuptuar. Sipas shkrimit të shenjtë shërbimi ndaj Perëndisë nuk varet nga bollëku apo mungesa e të mirave materiale. Në asnjë vend në Bibël nuk përmendet ndonjë rast që Zoti të dënojë veçanërisht ndonjë njeri thjesht për faktin se ka para. Në vend të kësaj Ai merret me qëndrimin e njerëzve.
- B. Bibla nuk thotë se paraja është rrënja e çdo të keqe. Ajo thotë **1 Timoteut 6:10** *“Sepse lakmia për para është rrënja e të gjitha të këqijave dhe, duke e lakmuar atë fort, disa u larguan nga besimi dhe e tejshpojnë veten e tyre me shumë dhimbje.”*
- C. Shumë nga personazhet e perëndishëm të Biblës ishin të pasur.
 1. Solomoni ishte njeriu më i pasur në histori, por vini re konkluzionin e kësaj çështjeje tek - **Predikuesi 12:13-14** *“¹³Të dëgjojmë, pra, përfundimin e gjithë ligjëratës: «Ki frikë nga Perëndia dhe respekto urdhërimet e tij, sepse kjo është tërësia e njeriut». ¹⁴Sepse Perëndia do të vërë të gjykohet çdo vepër, edhe çdo gjë që është fshehur, qoftë e mirë apo e keqe.”*
 2. Jobi ishte njeriu më i pasur në kohën e tij (**Jobi 1:3** *“Veç kësaj zotëronte shtatë mijë dele, tri mijë deve, pesëqind pendë qe, pesëqind gomarë dhe një numër shumë të madh shërbëtorësh. Kështu ky njeri ishte më i madhi ndër të gjithë njerëzit e Lindjes.”*), dhe megjithatë vini re qëndrimin e tij kur ai e humbi të gjithë pasurinë **Jobi 1: 20-22** *“²⁰Atëherë Jobi u ngrit, grisi mantelin e tij dhe rroi kokën; pastaj ra përmbys dhe adhurroi, ²¹dhe tha: «Lakuriq dola nga barku i nënës sime dhe lakuriq do të kthehem. Zoti ka dhënë dhe Zoti ka marrë. Qoftë i bekuar emri i Zotit». ²²Në të gjitha këto Jobi nuk mëkatoi dhe nuk paditi Perëndinë për ndonjë padrejtësi.”*
 3. Edhe Zoti Jezus Krisht u shoqërua nga një grup grash të pasura që siguronin për të materialisht - **Luka 8:1-3** *“¹Dhe pas kësaj ndodhi që ai shkante nëpër qytete dhe fshatra, duke predikuar dhe duke shpallur lajmin e mirë të mbretërisë së Perëndisë; dhe me të ishin të Dymbëdhjetët, ²edhe disa gra, të cilat ishin shëruar nga frymërat e liga dhe nga sëmundjet: Maria, e quajtur Magdalenë, prej së cilës patën dalë shtatë demonë, ³dhe Joana, gruaja e Kuzës, administratorit të Herodit, dhe Suzana dhe shumë të tjera të cilat i shërbyen atij me gjithë ç’kishin.”*

II. *Kur ndërhyjnë paraja në marrëdhëniet e mia me Perëndinë?*

- A. Kur ti i beson asaj më shumë se Perëndisë - **Marku 10:23-27** *“²³Atëherë Jezusi, mbasi e hodhi vështrimin përreth, u tha dishepujve të vet: «Sa vështirë është për ata që kanë pasuri të hyjnë në mbretërinë e Perëndisë!». ²⁴Dishepujt u shtangën nga fjalët e tij. Por Jezusi foli përsëri dhe u tha atyre: «O bij, sa e*

vështirë është që të hyjnë në mbretërinë e Perëndisë ata që mbështeten te pasuria. ²⁵Është më e lehtë që një deve të hyjë nëpër vrimën e gjilpërës, sesa të hyjë një i pasur në mbretërinë e Perëndisë». ²⁶Dhe ata u habitën edhe më tepër dhe i thoshin njëri-tjetrit: «Atëherë kush vallë mund të shpëtohet?». ²⁷Por Jezusi, duke i ngulur sytë mbi ta, u tha: «Kjo për njerëzit është e pamundur, por jo për Perëndinë, sepse për Perëndinë gjithçka është e mundshme». **Fjalët e Urta 11:4,28** ²⁴«Pasuritë nuk sjellin dobi ditën e zemërimit, por drejtësia të shpëton nga vdekja.» ²⁸«Kush ka besim në pasuritë e tij do të rrëzohet, por të drejtët do të çelin si gjethe.»

- B. Kur përkushtimi dhe dëshirat e tua janë në gjërat e botës në vend të gjërave qiellore **Mateu 6:19-21** ¹⁹«Mos mblidhni për vete thesare mbi dhe, ku i brejnë tenja dhe ndryshku dhe ku vjedhësit shpërthejnë dhe vjedhin, ²⁰përkundrazi, mblidhni për vete thesare në qiell, ku as tenja as ndryshku nuk prishin dhe ku vjedhësit nuk shpërthejnë dhe nuk vjedhin. ²¹Sepse ku është thesari juaj, atje do të jetë edhe zemra juaj.» **Kolosianëve 3:1-4** ¹«Në qoftë se, pra, u ringjallët me Krishtin, kërkonte ato gjëra që janë lart, ku Krishti është ulur në të djathtë të Perëndisë. ²Kini në mend ato që janë lart, jo ato që janë mbi tokë, ³sepse keni vdekur dhe jeta juaj është fshehur bashkë me Krishtin në Perëndinë. ⁴Kur të shfaqet Krishti, jeta jonë, atëherë edhe ju do të shfaqeni në lavdi bashkë me të.»
- C. Kur mendon se jeta jote shpirtërore ose e dikujt tjetër, ose bekimet e Perëndisë mund të maten nga zotërimet materiale - **Luka 12:15** «Pastaj u tha atyre: «Kini kujdes dhe ruhuni nga lakmia, sepse jeta e njeriut nuk qëndron në mbushullinë e gjërave që zotëron». **1 Samuelit 16:7** «Por Zoti i tha Samuelit: «Mos ia shiko as pamjen as shtatgjatësinë, sepse unë e kam refuzuar, sepse Zoti nuk shikon si shikon njeriu, njeriu shikon pamjen, kurse Zoti shikon zemrën».
- D. Kur synimi yt në jetë bëhet për të fituar sa më shumë para që të jetë e mundur **Fjalët e Urta 23:4** «Mos u lodh për t'u pasuruar, hiq dorë nga qëllimi yt.» **Predikuesi 5:10-12** ¹⁰«Kush është i dhënë pas parasë, nuk ngopet kurrë me para, dhe kush dëshiron pasuritë nxjerr përfitim prej tyre. Edhe kjo është kotësi. ¹¹Kur rritet pasuria, shtohen edhe ata që e përpijnë; dhe çfarë përfitimi kanë prej saj pronarët, veç asaj që e shohin me sytë e tyre? ¹²I ëmbël është gjumi i punonjësit, qoftë edhe kur ha pak ose shumë; por velitja e të pasurit nuk e lë atë të flerë.»
- E. Kur ju mendoni se nevojat tuaja i siguroni vet dhe jo Perëndia - **Filipianëve 4:19** «Dhe Perëndia im do të plotësojë të gjitha nevojat tuaja sipas pasurisë së tij në lavdi, në Krishtin Jezus.» **Ligji i Përtërirë 8:10-18** ¹⁰«Do të hash, pra, dhe do të ngopesh, dhe do të bekosh, Zotin Perëndinë tënd, për shkak të vendit të bukur që të ka dhënë. ¹¹Ruhu mirë të mos harrosh Zotin, Perëndinë tënd, duke shtuar për të mos zbatuar urdhërimet e tij, dekretet e tij, statutet e tij që sot do të të japë; ¹²e të mos ndodhë që, pasi të kesh ngrënë derisa të ngopesh dhe të kesh ndërtuar dhe banuar në shtëpi të bukura, ¹³pasi të kesh parë të shtohet bagëtia jote e trashë dhe e imët, të shtohet argjendi dhe ari yt, dhe të rriten tërë të mirat e tua, ¹⁴zemra jote të lartohet dhe ti të harrosh Zotin, Perëndinë tënd, që të nxori nga vendi i Egjiptit, nga shtëpia e skllavërisë; ¹⁵që të ka sjellë nëpër këtë shkretëtirë të madhe dhe të tmerrshme, vend gjarprinjshtak dhe akrepash, tokë e thatë pa ujë; që nxori ujë për ty nga shkëmbijtë shumë të fortë; ¹⁶dhe që në shkretëtirë të ka ushqyer me manë të cilën etërit e tu nuk e njihnin, për të të përlurur dhe për të të vënë në provë dhe së fundi për të të bërë të mirë. ¹⁷Ruhu, pra, të thuash në zemrën tënde:

“Forca ime dhe fuqia e dorës sime m’i kanë siguruar këto pasuri”. ¹⁸Por kujto Zotin, Perëndinë tënd, sepse ai të jep forcën për të fituar pasuri, për të ruajtur besëlidhjen për të cilën Ai iu betua etërve të tu, ashtu siç është në fuqi sot.”

III. Cili duhet të jetë qëndrimi që unë duhet të mbaj ndaj zotërimeve fizike?

- A. E para dhe më e rëndësishmja, gëzohuni me atë që keni. Kuptoni - që të jesh i gëzuar nuk do të thotë që ta nënshtrosh veten jashtë vullnetit tënd për të pranuar gjendjen tuaj, por do të thotë të kënaqeni me gjërat që Zoti ka siguruar, duke e kuptuar se çdo gjë që ju është dhënë është një bekim.
1. Duhet të kënaqemi me gjërat që zotërojmë - **Hebrenjve 13:5** *“Sjellja juaj të jetë pa lakmi paraje dhe kënaquni me atë që keni, sepse vetë Perëndia ka thënë: «Nuk do të të lë, as nuk do të të braktis». **1 Timoteut 6:8** “por, kur kemi ushqim dhe mbulesa, të jemi të kënaqur me kaq.”*
 2. Duhet të jemi të kënaqur në çfarëdo gjendje që të jemi, duke u mbështetur në Zotin Jezus Krisht - **Filipianëve 4:11,12** ¹¹*Nuk e them këtë se jam në nevojë, sepse unë jam mësuar të kënaqem në gjendjen që jam. ¹²Unë di edhe të jem i përulur dhe di edhe të jetoj në bollëk; në çdo gjë dhe për çdo gjë jam mësuar të ngijem dhe të kem uri, të kem me tepri dhe të jem ngushtë.”* - Vini re se Pali i shkroi këto fjalë kur ai ishte në burg!
- B. Kuptoni se ka shumë gjëra të tjera më të rëndësishme se paraja, të cilat paraja nuk mund t’i blejë.
1. Mënçuri - **Fjalët e Urta 16:16** *“Është më mirë të fitosh dituri sesa ar, dhe të fitosh mençuri sesa argjend.”*
 2. Një jetë të drejtë - **Fjalët e Urta 28:6** *“Më i mirë është i varfri që ecën në ndershmëri nga njeriu i paqëndrueshëm që ndjek rrugën dredha-dredha, edhe kur është i pasur.”* **Fjalët e Urta 16:8** *“Më mirë të kesh pak me drejtësi, sesa të ardhura të mëdha pa drejtësi.”* **Psalmi 37:16** *“Vlen më tepër e pakta e të drejtit sesa bollëku i shumë të pabesëve.”*
 3. Një natë të qetë me gjumë - **Predikuesi 5:12** *“I ëmbël është gjumi i punonjësit, qoftë edhe kur ha pak ose shumë; por velitja e të pasurit nuk e lë atë të flerë.”*
 4. Fjalën e Perëndisë - **Psalmi 119:14,72,127** ¹⁴*Gëzohem duke ndjekur porosinë e tua, ashtu sikur të zotëroja tërë pasuritë.”* ⁷²*Ligji i gojës sate për mua është më i çmuar se mijëra monedha ari dhe argjendi.”* ¹²⁷*Për këtë arsye unë i dua urdhërimet e tua më tepër se ari; po, më tepër se ari i kulluar.”*
 5. Shëndet të mirë - **Luka 8:43** *“Dhe një grua që kishte një rrjedhje gjaku prej dymbëdhjetë vjetësh dhe kishte shpenzuar ndër mjekë gjithçka ajo kishte, pa mundur që të shërohej nga asnjeri,”*
 6. Qetësinë dhe paqen - **Predikuesi 4:6** *“Vlen më tepër një grusht me pushim sesa dy grushte me mundim, duke u përpjekur të kapësh erën.”* **Fjalët e Urta 15:16** *“Më mirë pak me frikën e Zotit, sesa një thesar i madh me shqetësime.”* **Fjalët e Urta 17:1** *“Është më mirë një copë bukë thatë me paqe sesa një shtëpi plot me kafshë të vrara me grindje.”*
- C. Edhe kur Zoti ju bekon fizikisht mos e harroni Atë.
- Ligji i Përtërirë 6:10-12** ¹⁰*Kur pastaj Zoti, Perëndia yt, do të të fusë në vendin për të cilin iu betua etërve të tu, Abrahamit, Isakut dhe Jakobit, të të japë*

qytete të mëdha dhe të bukura që ti nuk i ke ndërtuar, ¹¹dhe shtëpi plot me të mira që ti nuk i ke mbushur, puse të çelura që ti nuk i ke gërmuar, vreshta dhe ullishte që ti nuk i ke mbjellë; kur të kesh ngrënë dhe të jesh ngopur, ¹²ki kujdes të mos harrosh Zotin që të nxori nga vendi i Egjiptit, nga shtëpia e skllavërisë.”

Fjalët e Urta 30:7-9 ⁷Unë të kërkova dy gjëra; mos m’i moho para se të vdes: ⁸largo nga unë falsitetin dhe gënjeshtëri; mos më jep as varfëri as pasuri, më ushqe me bukën e nevojshme, ⁹me qëllim që, pasi të jem ngopur, të mos të të mohoj dhe të them: «Kush është Zoti?», ose, pasi të jem bërë i varfër, të mos vjedh dhe të përdhos emrin e Perëndisë tim.” **Zbulesa 3:17** “Sepse ti thua: “Jam i pasur, dhe jam pasuruar dhe s’kam nevojë për asgjë”; edhe nuk e di se ti je qyqar dhe mjeran, dhe i varfër dhe i verbër dhe i zhveshur.”

- D. Kuptoni që në qoftë se Perëndia jua heq të tërë pasurinë, kjo nuk duhet të ndikojë në marrëdhëniet e tua me Të - **Jobi 1:20-22** ²⁰Atëherë Jobi u ngrit, grisi mantelin e tij dhe rroi kokën; pastaj ra përmbys dhe adhuroi, ²¹dhe tha: «Lakuriq dola nga barku i nënës sime dhe lakuriq do të kthehem. Zoti ka dhënë dhe Zoti ka marrë. Qoftë i bekuar emri i Zotit». ²²Në të gjitha këto Jobi nuk mëkatoi dhe nuk paditi Perëndinë për ndonjë padrejtësi.”
- E. Mos lakmo pasurinë e dikujt tjetër - **Psalmi 49:16-17** ¹⁶Mos ki frikë kur dikush pasurohet, kur lavdia e shtëpisë së tij rritet, ¹⁷sepse kur do të vdesë, nuk do të marrë asgjë me vete; lavdia e tij nuk do të zbresë pas tij.” **Eksodi 20:17** “Mos dëshiro shtëpinë e të afërmit tënd; mos dëshiro gruan e të afërmit tënd, as shërbëtorin e tij, as shërbëtoren e tij, as lopën e tij, as gomarin e tij, as asgjë tjetër që është e të afërmit tënd.”
- F. Largohu skemave “Bëhu i pasur shpejt” - **Fjalët e Urta 20:21** “Trashëgimia e fituar me nxitim në fillim, nuk do të bekohet në fund.” **Fjalët e Urta 28:20,22** ²⁰Njeriu besnik do të mbushet me bekime, por ai që nxiton të pasurohet nuk do të jetë pa faj.” ²²Njeriu me sy të keq dëshiron të pasurohet shpejt, por nuk e kupton se do ta pllakosë varfëria.”
- G. Së fundi kuptoni që kultura jonë, nëpërmjet medias (televizionit, radios, shtypit) dhe reklamimeve, ka një ndikim materialist negativ të madh tek ju. Ruajeni veten tuaj. Sigurohuni që dëshirat tuaja kryesore të jenë shpirtërore dhe jo fizike.

IV. Ju duhet të gjeni një ekuilibër të drejtë në qëndrimin tuaj kundrejt parasë dhe gjërave që zotëroni.

A. **Fjalët e Urta 11:1** thotë, “Peshorja e pasaktë është e neveritshme për Zotin, por peshimi i saktë i pëlqen.”

1. E njëjta Bibël që thotë mos u shqetësoni për nevojat tuaja fizike tek **Mateu 6:25-34** ²⁵Prandaj po ju them: mos u shqetësoni për jetën tuaj, për atë që do të hani dhe do të pini, as për trupin tuaj, për atë që do të vishni. A nuk është vallë jeta më shumë se ushqimi dhe trupi se veshja? ²⁶Vini re zogjtë e qiellit: nuk mbjellin, nuk korrin dhe nuk mbledhin në hambare; dhe Ati juaj qiellor i ushqen. A nuk vleni ju shumë më tepër sesa ata? ²⁷Dhe cili nga ju, me gjithë shqetësimin e tij, mund t’i shtojë shtatit të tij qoftë një kubit? ²⁸Pse shqetësoheni për veshjen tuaj? Vini re si rriten zambakët e fushës: nuk lodhen dhe nuk tjerrin; ²⁹dhe po ju them se as Salomoni, me gjithë lavdinë e tij, nuk ishte veshur si një nga ata. ³⁰Por nëse Perëndia e vesh kështu barin e fushës, që sot është dhe nesër hidhet në furrë, a nuk do t’ju veshë shumë më tepër ju, njerëz besimpakë? ³¹Mos u shqetësoni, pra, duke thënë: “Çfarë do të hamë

ose çfarë do të pimë, ose me çfarë do të vishemi?”. ³²Sepse paganët kërkojnë të gjitha këto; Ati juaj qiellor, pra, e di mirë se ju keni nevojë për këto të gjitha. ³³Por para së gjithash kërkonti mbretërinë e Perëndisë dhe drejtësinë e tij dhe të gjitha këto do t’ju shtohen. ³⁴Mos u shqetësoni, pra, për të nesërmen, sepse e nesërmja do të shqetësohet vetë për vete. Secilës ditë i mjafton e keqja e vet».

thotë gjithashtu se nëse një njeri nuk siguron për familjen e tij ai është më keq se një i pafe -**1 Timoteut 5:8** “Por në qoftë se dikush nuk kujdeset për të vetët, dhe më tepër për ata të shtëpisë, ai e ka mohuar besimin dhe është më i keq se një jobesimtar.”

2. E njëjta Bibël që thotë “Sepse **lakmia për para është rrënja e të gjitha të këqijave** dhe, duke e lakmuar atë fort, disa u larguan nga besimi dhe e tejshpojnë veten e tyre me shumë dhimbje.” **1 Timoteut 6:10**

thotë gjithashtu ¹⁷Pleqtë që qeverisin mirë, le të nderohen dyfish, sidomos ata që mundohen në fjalë e mësim. ¹⁸Sepse Shkrimi thotë: “Mos ia lidh gojën kaut që shin”, dhe: «**Punëtori e ka hak pagën e tij**». **1 Timoteut 5:17-18**

- B. Këto nuk janë thënie që kundërshtojnë njëra-tjetrën, por parime të ekuilibrit për t’ju treguar ju se si duhet të merreni me zotërimet fizike.

Pyetje bazë.

Çfarë do të sigurojë Zoti për mua?

1. Zoti premton të sigurojë nevojat e tua - **Filipianëve 4:19** “Dhe Perëndia im do të plotësojë të gjitha nevojat tuaja sipas pasurisë së tij në lavdi, në Krishtin Jezus.” **Mateu 6:25-34** “²⁵Prandaj po ju them: mos u shqetësoni për jetën tuaj, për atë që do të hani dhe do të pini, as për trupin tuaj, për atë që do të vishni. A nuk është vallë jeta më shumë se ushqimi dhe trupi se veshja? ²⁶Vini re zogjtë e qiellit: nuk mbjellin, nuk korrin dhe nuk mbledhin në hambare; dhe Ati juaj qiellor i ushqen. A nuk vleni ju shumë më tepër sesa ata? ²⁷Dhe cili nga ju, me gjithë shqetësimin e tij, mund t’i shtojë shtatit të tij qoftë një kubit? ²⁸Pse shqetësoheni për veshjen tuaj? Vini re si rriten zambakët e fushës: nuk lodhen dhe nuk tjerrin; ²⁹dhe po ju them se as Salomoni, me gjithë lavdinë e tij, nuk ishte veshur si një nga ata. ³⁰Por nëse Perëndia e vesh kështu barin e fushës, që sot është dhe nesër hidhet në furrë, a nuk do t’ju veshë shumë më tepër ju, njerëz besimpakë? ³¹Mos u shqetësoni, pra, duke thënë: “Çfarë do të hamë ose çfarë do të pimë, ose me çfarë do të vishemi?”. ³²Sepse paganët kërkojnë të gjitha këto; Ati juaj qiellor, pra, e di mirë se ju keni nevojë për këto të gjitha. ³³Por para së gjithash kërkonti mbretërinë e Perëndisë dhe drejtësinë e tij dhe të gjitha këto do t’ju shtohen. ³⁴Mos u shqetësoni, pra, për të nesërmen, sepse e nesërmja do të shqetësohet vetë për vete. Secilës ditë i mjafton e keqja e vet».
2. Këto nevoja do të jenë fizike dhe shpirtore.
3. Duhet të bëni dallimin midis gjërave që na nevojiten dhe gjërave që i dëshirojmë. Kjo është një gjë e vështirë për t’u bërë. Krahasoni vargjet e mëposhtme për nevojat dhe dëshirat.

- a. Nevojat - **Jakobi 2:15-16** ¹⁵*Dhe në qoftë se një vëlla ose një motër janë të zhveshur dhe u mungon ushqimi i përditshëm, ¹⁶edhe dikush nga ju u thotë atyre: «Shkoni në paqe! Ngrohuni dhe ngopuni», dhe nuk u jepni atyre gjërat e nevojshme për trupin, ç'dobi ka?»*
Hebrenjve 4:15-16 ¹⁵*Sepse ne nuk kemi kryepriфт që nuk mund të vuajë bashkë me dobësitë tona, por që u tundua në të gjitha njësoj si ne, por pa mëkat. ¹⁶Le t'i afrohem, pra, me guxim fronit të hirit, që të marrim mëshirë e të gjejmë hir, për të pasur ndihmë në kohën e duhur.* **Marku 2:25** *«Dhe ai u tha atyre: «A nuk keni lexuar vallë ç'bëri Davidi, kur pati nevojë dhe kishte uri, ai dhe ç'genë me të?»».*
- b. Dëshirat - **Psalmi 23:1** *«Zoti është bariu im, asgjë nuk do të më mungojë.»* **Fjalët e Urta 13:25** *«I drejti ha sa të ngopet, por barku i të pabesëve vuan nga uria.»*
Filipianëve 4:19 *«Dhe Perëndia im do të plotësojë të gjitha nevojat tuaja sipas pasurisë së tij në lavdi, në Krishtin Jezus.»*

Pyetje - Përgjigje:

1. A e përcakton sasia e pasurisë që keni nëse Zoti është i kënaqur me ju apo jo? _____
2. Çfarë mund të mësojmë ne për njerëzit dhe paranë tek -1 Timoteut 6:10?
3. Dy njerëz në Bibël që ishin shumë të pasur kishin një qëndrim të ndryshëm nga të tjerët. Cili ishte ndryshimi i qëndrimit të tyre rreth pasurisë? A. Solomoni B. Jobi
4. Thoni pesë qëndrime të gabuara ndaj parasë që do të ndërhyjnë në marrëdhëniet e tua me Zotin. Thoni nga një varg nga Bibla që ju ndihmon të kuptoni secilin qëndrim të gabuar.
5. Cili është qëndrimi më i rëndësishëm që duhet të keni kundrejt pasurisë fizike?
6. Çfarë na mëson apostulli Pal nëpërmjet qëndrimit të këtyre vargjeve:
A. Hebrenjve 13:5; B. 1 Timoteut 6:8; C. Filipianëve 4:19.
7. Thoni gjashtë gjëra të rëndësishme që nuk mund t'i bleni me para dhe vetëm Zoti mund t'ju japë.
8. Thoni pesë qëndrime të tjera që ju duhet të keni kundrejt parasë dhe zotërimeve.
9. Zoti premton të sigurojë për nevojat tuaja, jo domosdoshmërisht _____ tuaja. Nevojat tuaja janë _____ dhe _____. Thoni disa nevoja dhe dëshira. Përdorni vargjet e mësimi dhe të studimeve tuaja.
10. Shpjegoni shkurtimisht qëllimin kryesor të këtij mësimi.

Vargje përmendsh:

Filipianëve 4:11 *“Nuk e them këtë se jam në nevojë, sepse unë jam mësuar të kënaqem në gjendjen që jam.”*

Filipianëve 4:19 *“Dhe Perëndia im do të plotësojë të gjitha nevojat tuaja sipas pasurisë së tij në lavdi, në Krishtin Jezus.”*

Kolosianëve 3:2 *“Kini në mend ato që janë lart, jo ato që janë mbi tokë,”*

MËSIMI 13 - LIDHUR ME MËKATIN

Si e përballoj unë mëkatin në jetën time?

Siç e pamë shumë shkurt në mësimin I, kur ti shpëtohesh, ti ke dy natyra. Si njeri i vjetër në shëmbëlltyrën e Adamit ke natyrën mëkatore dhe si njeri i ri në Jezus Krishtin ke shëmbëlltyrën e Perëndisë. Ky mësim synon të ndihmojë që ti, të luftosh natyrën mëkatore të njeriut të vjetër.

I. Çfarë është mëkati?

- A. Mëkati është thyerje e ligjit të Zotit. **1 Gjonit 3:4** “Kush bën mëkat, bën edhe shkelje të ligjit; dhe mëkati është shkelja e ligjit.”
- B. Mëkati është çdo padrejtësi që bëhet. **1 Gjonit 5:17** “Çdo paudhësi është mëkat; por ka mëkat, që nuk çon në vdekje.”
- C. Mëkati është çdo gjë e bërë jashtë besimit. **Romakëve 14:23** “Por ai që dyshon, kur ha, është i dënuar, sepse nuk ha me besim; dhe gjithçka që nuk bëhet me besim, është mëkat.”

II. Pse bëj unë mëkat?

- A. Ti bën mëkate sepse trashëgove një natyrë mëkatore nga Adami. **Romakëve 5:12** “Prandaj, ashtu si me anë të një njeriu të vetëm mëkati hyri në botë dhe me anë të mëkatit vdekja, po ashtu vdekja i arriti të gjithë njerëzit, sepse të gjithë mëkatuan;” **1 Korintasve 15:45-49** “⁴⁵Kështu edhe është shkruar: «Njeriu i parë, Adami, u bë shpirt i gjallë; Adami i fundit frymë, që jep jetë. ⁴⁶Por nuk është frymërori i pari, por tokësori; pastaj frymërori. ⁴⁷Njeriu i parë i bërë prej dheu, është tokësor; njeriu i dytë është Zoti nga qielli. ⁴⁸Siç është tokësori ashtu janë dhe tokësorët; dhe siç është qiellori, ashtu do të jenë edhe qiellorët. ⁴⁹Dhe sikurse mbartëm shëmbëllimin e tokësorit, do të mbartim edhe shëmbëllimin e qiellorit.”
- B. Ti bën mëkate sepse natyra jote e vjetër të tërheq ty në mëkate. **Romakëve 7:14-25** “¹⁴Sepse ne e dimë se ligji është frymëror, por unë jam mishëror, i shitur nën mëkatin. ¹⁵Sepse unë nuk kuptoj atë që bëj, sepse nuk bëj atë që dua, por bëj atë që urrej. ¹⁶Edhe, nëse bëj atë që nuk dua, unë jam në një zë me ligjin se është i mirë. ¹⁷Por tani nuk jam më unë që veproj, por mëkati që banon në mua. ¹⁸Sepse unë e di se në mua, domethënë në mishin tim, nuk banon asgjë e mirë, sepse dëshira ndodhet tek unë, por të bëj të mirën nuk e gjej. ¹⁹Në fakt të mirën që unë e dua nuk e bëj; por të keqen që s’dua, atë bëj. ²⁰Edhe, në qoftë se bëj atë që nuk dua, s’jam më vetë ai që e bëj, por është mëkati që rri në mua. ²¹Gjej, pra, këtë ligj, se kur unë dua të bëj të mirën, e keqja ndodhet në mua. ²²Sepse unë gjej kënaqësi në ligjin e Perëndisë sipas njeriut të brendshëm, ²³por shoh një ligj tjetër në gjymtyrët e mia, që lufton kundër ligjit të mendjes sime dhe që më bën rob të ligjit të mëkatit që është në gjymtyrët e mia. ²⁴Oh, i mjeri njeri që jam! Kush do të më çlirojë nga ky trup i vdekjes? ²⁵I falem nderit Perëndisë, me anë të Jezu Krishtit, Zotit tonë. Unë vetë, pra, me mendjen, i shërbej ligjit të Perëndisë, por, me mishin ligjit të mëkatit.” **Jakobi 1:13-14** “¹³Askush, kur tundohet të mos thotë: «Tundohem nga Perëndia», sepse Perëndia nuk mund të tundohet për të keqen, dhe ai vetë nuk tundon asnjeri. ¹⁴Por secili tundohet i tërhequr dhe i ndjellur nga dëshirimi i vet.”

- C. Ti bën mëkate si rezultat i tundimit në tri fusha kryesore. **1 Gjonit 2:15-16**
“¹⁵Mos e doni botën, as gjërat që janë në botë. Në qoftë se ndokush do botën, dashuria e Atit nuk është në të, ¹⁶sepse gjithçka, që është në botë, dëshirimi i mishit, dëshirimi i syve dhe fodullëku i jetës, nuk është nga Ati, por është nga bota.”

Jezusi u tundua gjithashtu në këto tri fusha, por pa mëkatuar. **Hebrenjve 4:15**
“Sepse ne nuk kemi kryepriфт që nuk mund të vuajë bashkë me dobësitë tona, por që u tundua në të gjitha njësoj si ne, por pa mëkat.”

1. Lakmia e mishit -- Eva u tundua në këtë pikë tek **Zanafilla 3:6** *“Dhe gruaja pa që pema ishte e mirë për t’u ngrënë, që ishte e këndshme për sytë dhe që pema ishte e dëshirueshme për ta bërë të zgjuar dikë; dhe ajo mori nga fruti i saj, e hëngri dhe i dha edhe burrit të saj që ishte me të, dhe hëngri edhe ai.”* kur ajo pa që pema ishte *“e mirë për t’u ngrënë”*. Jezusi u tundua në këtë pikë tek **Mateu 4:3** *“Atëherë tunduesi, pasi iu afrua, i tha: «Në qoftë se je Biri i Perëndisë, thuaj që këta gurë të bëhen bukë».* kur djalli u përpoq ta bënte Atë që t’i kthente gurët në bukë.
2. Lakmia e syve -- Eva u tundua këtu kur ajo pa që pema ishte e *“këndshme për sytë”*. Jezusi u tundua kur djalli i tregoi Atij të gjitha mbretëritë e botës dhe i premtoi t’ia jepte Atij në rast se do ta adhuronte.
3. Krenaria e jetës -- Eva ra në tundim sepse dëshironte *“të bëhej e zgjuar”* **Zanafilla 3:6** *“Dhe gruaja pa që pema ishte e mirë për t’u ngrënë, që ishte e këndshme për sytë dhe që pema ishte e dëshirueshme për ta bërë të zgjuar dikë; dhe ajo mori nga fruti i saj, e hëngri dhe i dha edhe burrit të saj që ishte me të, dhe hëngri edhe ai.”* Jezusi fitoi mbi tundimin **Mateu 4:1-11** *“¹Atëherë Jezusi u çua prej Frymës në shkretëtirë, që djalli ta tundonte. ²Dhe, mbasi agjëroi dyzet ditë e dyzet net, në fund e mori uria. ³Atëherë tunduesi, pasi iu afrua, i tha: «Në qoftë se je Biri i Perëndisë, thuaj që këta gurë të bëhen bukë». ⁴Por ai, duke iu përgjigjur, tha: «Është shkruar: “Njeriu nuk rron vetëm me bukë, por me çdo fjalë që del nga goja e Perëndisë”. ⁵Atëherë djalli e çoi në qytetin e shenjtë dhe e vendosi në majë të tempullit ⁶dhe i tha: «Nëse je Biri i Perëndisë, hidhu poshtë, sepse është shkruar: “Ai do t’u japë urdhër engjëjve të tij për ty; edhe do të të mbajnë mbi duart e tyre që të mos ndeshësh me këmbën tënde ndonjë gur”». ⁷Jezusi i tha: «Është shkruar gjithashtu: “Mos e tundo Zotin, Perëndinë tënd”. ⁸Djalli e çoi sërish mbi një mal shumë të lartë dhe i tregoi të gjitha mbretëritë e botës dhe lavdinë e tyre, ⁹dhe i tha: «Të gjitha këto do të t’i jap, nëse ti bie përmbys dhe më adhuron». ¹⁰Atëherë Jezusi i tha: «Shporru, satan, sepse është shkruar: “Adhuro Zotin, Perëndinë tënd, dhe shërbeji vetëm atij”». ¹¹Atëherë djalli e la; dhe ja, u afruan engjëjt dhe i shërbenin.”*

III. Si i shikon Zoti mëkatet e mia?

- A. Mëkati yt u gjykua nga Zoti në Kalvar (kodër jashtë Jeruzalemit ku u kryqëzua Krishti). **Romakëve 5:8-9** *“⁸Por Perëndia e tregon dashurinë e tij ndaj nesh në atë që, kur ende ishim mëkatarë, Krishti vdiq për ne. ⁹Shumë më tepër, pra, duke qenë tani të drejtësuar nëpërmjet gjakut të tij, do të shpëtohem nga zemërimi me anë të tij.”*

2 Korintasve 5:21 “Sepse atë, që nuk njihte mëkat, e bëri mëkat për ne, që ne të bëhemi drejtësia e Perëndisë në të.”

- B. N.q.s ti vazhdon të mëkatosh, Zoti do të të ndëshkojë ashtu sikurse babai ndëshkon djalin e vet. **Hebrenjve 12:5-11** “⁵dhe keni harruar këshillën, që ju drejtohet juve porsi bijve: «Biri im, mos e përçmo ndreqjen e Zotit dhe mos e humb zemrën, kur ai të qorton, ⁶sepse Zoti ndreq atë që do; dhe fshikullon çdo bir që ai pranon». ⁷Në qoftë se ju duroni ndreqjen, Perëndia sillet me ju si me bij; sepse cili është ai bir të cilin s’e ndreq i ati? ⁸Por, po të jeni pa ndreqje, në të cilën të gjithë u bënë pjesëtarë, atëherë jeni kopila dhe jo bij. ⁹Pastaj etërit tanë sipas mishit i kishim ndreqës dhe i respektonim ata; a nuk do t’i nënshtrohemi edhe më tepër Atit të frymërave, për të jetuar? ¹⁰Sepse ata na ndreqën për pak ditë, ashtu siç u dukej më mirë, kurse ai për të mirën tonë, që të bëhemi pjesëtarë të shenjtërisë së tij. ¹¹Por çdo ndreqje aty për aty, nuk duket se sjell gëzim, po hidhërim; por më pas u kthen një fryt të paqshëm drejtësie atyre që janë ushtruar me anë të saj.”
- C. Zoti do të të lejojë ty të korrësh për aq sa ti ke mbjellë. **Galatasve 6:7-8** “⁷Mos u gënjeni: Perëndia nuk vihet në lojë, sepse ç’të mbjellë njeriu, atë edhe do të korrë. ⁸Sepse ai që mbjell në mish të tij, do të korrë nga mishi i tij prishje, por ai që mbjell në Frymë, do të korrë nga Fryma jetë të përjetshme.”

IV. Çfarë gjërash mund të bëj unë për të kapërcyer mëkatin?

- A. Ti duhet të pranosh përgjegjësinë për mëkatin tënd. **Fjalët e Urta 28:13** “Kush i fsheh shkeljet e tij nuk do të ketë mbarësi; por ai që i rrëfen dhe i braktis ato, ka për të fituar mëshirën.”
- B. Mos lejo që mendimet mëkatore të të kontrollojnë mendjen. **2 Korintasve 10:5** “që të shkatërrojmë mendimet dhe çdo lartësi që ngrihet kundër njohjes së Perëndisë dhe të bëjmë rob çdo mendim që t’i bindet Krishtit,”
- C. Mos bëj parapërgatitje për dëshirë trupore. **Romakëve 13:14** “Por vishni Zotin Jezus Krisht dhe mos u kujdesni për mishin, që t’i plotësoni epshet.”
- D. Kupto që je i vdekur për mëkatin në Jezus Krishtin. **Romakëve 6:6-13** “⁶duke ditur këtë: se njeriu ynë i vjetër u kryqëzua me të, që trupi i mëkatit të shfuqizohet, që ne të mos i shërbejmë më mëkatit. ⁷Sepse, ai që ka vdekur është shfajësuar nga mëkati. ⁸Por nëse vdiqëm me Krishtin, ne besojmë që edhe do të jetojmë me të, ⁹duke ditur se Krishti, që u ringjall prej së vdekurish, nuk vdes më; vdekja nuk zotëron më mbi të. ¹⁰Sepse në atë që vdiq, vdiq për mëkatin një herë e përgjithmonë; por në atë që jeton, jeton për Perëndinë. ¹¹Kështu edhe ju, llogariteni veten të vdekur për mëkatin, por të gjallë për Perëndinë, në Krishtin Jezus, Zotin tonë. ¹²Le të mos mbretërojnë, pra, mëkati në trupin tuaj të vdekshëm, që t’i bindeni atij në epshet e veta. ¹³As mos ia paraqitni gjymtyrët tuaja mëkatit si mjete padrejtësie, por i paraqisni veten tuaj Perëndisë, si të gjallë prej së vdekurish, dhe gjymtyrët tuaja si mjete drejtësie Perëndisë.”
- Kolosianëve 3:1-10** “¹Në qoftë se, pra, u ringjallët me Krishtin, kërkonte ato gjëra që janë lart, ku Krishti është ulur në të djathtë të Perëndisë. ²Kini në mend ato që janë lart, jo ato që janë mbi tokë, ³sepse keni vdekur dhe jeta juaj është fshehur bashkë me Krishtin në Perëndinë. ⁴Kur të shfaqet Krishti, jeta jonë, atëherë edhe ju do të shfaqeni në lavdi bashkë me të. ⁵Vrisni, pra, gjymtyrët tuaja që janë mbi tokë: kurvërinë, papastërtinë, pasionet, dëshirat e këqija dhe lakminë, që është idhujtari; ⁶për shkak të këtyre zemërimi i Perëndisë vjen përmbi bijtë e mosbindjes, ⁷midis të cilëve dikur ecët edhe ju,

kur rronit në to. ⁸Por tani hiqni edhe ju të gjitha këto gjëra: zemërimin, inatin, mbrapshtinë, sharjen, të folurit e pandershëm prej gojës suaj. ⁹Mos gënjeni njëri-tjetrin, sepse ju e zhveshët njeriun e vjetër me veprat e tij, ¹⁰edhe veshët njeriun e ri, që përtërihet në njohurinë, sipas shembullit të atij që e krijoi,”

- E. Gjyko mëkatën tënd. **1 Korintasve 11:31-32** ³¹Sepse, po të gjykonim veten tonë, nuk do të gjykoheshim. ³²Por kur gjykohemi, ndëshkohemi nga Zoti, që të mos dënohemi bashkë me botën.”
- F. Rrëfeja mëkatet e tua Zotit. **1 Gjonit 1:9** “Po t’i rrëfejmë mëkatet tona, ai është besnik dhe i drejtë që të na falë mëkatet dhe të na pastrojë nga çdo paudhësi.”
- G. Ruaje Fjalën e Zotit të fshehur në zemrën tënde për të luftuar mëkatën.
1. Tek **1 Korintasve 10:13** “Asnjë tundim nuk ju ka gjetur ju, përveçse tundimi njerëzor; por Perëndia është besnik dhe nuk do të lejojë që të tundoheni përtej fuqive tuaja, por me tundimin do t’ju japë dhe rrugë dalje, që ju të mund ta përballoni.”
Perëndia thotë se ka një rrugë se si mund ta përballojmë tundimin dhe kjo rrugë gjendet tek **Psalmi 119:9-11** ⁹Si mundet një i ri të bëjë rrugën e tij të pastër? Duke e ruajtur me fjalën tënde. ¹⁰Të kam kërkuar me gjithë zemër; mos më lër të devijoj nga urdhërimet e tua. ¹¹E kam ruajtur fjalën tënde në zemrën time, që të mos mëkatoj kundër teje.”
 2. Jezusi fitoi mbi tundimin duke cituar Shkrimet.
 3. E vetmja rrugë e sigurt për të mos mëkatuar në jetën tënde është nëpërmjet fuqisë së Fjalës së Perëndisë kur ti e ruan atë në zemër dhe e zbaton në jetën tënde.
- H. Beso premtimet e Zotit për të pastruar veten dhe për të luftuar në betejë për veten tënde. **2 Korintasve 7:1** “Duke i pasur këto premtime, o të dashur, le ta pastrojmë veten nga çdo ndotje e mishit dhe e frymës dhe ta përfundojmë shenjtërimin tonë në druajtjen e Perëndisë.” **Hebrenjve 4:15-16** ¹⁵Sepse ne nuk kemi kryepriest që nuk mund të vuajë bashkë me dobësitë tona, por që u tundua në të gjitha njësoj si ne, por pa mëkat. ¹⁶Le t’i afrohem, pra, me guxim fronit të hirit, që të marrim mëshirë e të gjejmë hir, për të pasur ndihmë në kohën e duhur.”
- I. Ec në fuqinë e Frymës së Shenjtë. **Galatasve 5:16-25** ¹⁶Por po them: Ecni në Frymë dhe nuk do të përmbushni dëshirat e mishit, ¹⁷sepse mishi ka dëshira kundër Frymës, dhe Fryma ka dëshira kundër mishit; dhe këto i kundërvihen njëra-tjetrës, që të mos bëni ato që doni. ¹⁸Por në qoftë se udhëhiqeni nga Fryma, nuk jeni nën ligj. ¹⁹Por veprat e mishit janë të shfaqura dhe janë: kurorëshkelja, kurvëria, papastërtia, shturja, ²⁰idhujtaria, magjia, armiqësia, grindja, xhelozia, zemërimi, rivaliteti, përçarjet, tarafet, ²¹smira, vrasjet, të dehurit, grykësia dhe të tjera të ngjashme me to, për të cilat po ju paralajmëroj, sikurse ju thashë edhe më parë, se ata që i bëjnë këto gjëra nuk do të trashëgojnë mbretërinë e Perëndisë. ²²Por fryti i Frymës është: dashuria, gëzimi, paqja, zemërgjerësia, mirëdashja, mirësia, besimi, zemërbutësia, vetëpërmbajtja. ²³Kundër tyre nuk ka ligj. ²⁴Por ata që janë të Krishtit e kanë kryqëzuar mishin bashkë me pasionet dhe epshet. ²⁵Në qoftë se rrojmë në Frymë, në Frymë edhe le të ecim.” **Romakëve 8:1-8** ¹Tani, pra, nuk ka asnjë dënim për ata që janë në Krishtin Jezus, që nuk ecin sipas mishit, por sipas Frymës, ²sepse ligji i Frymës së jetës në Krishtin Jezus më çliroi nga ligji i mëkatit dhe i vdekjes. ³Sepse atë që ishte e pamundur për ligjin, sepse ishte pa forcë për shkak të mishit, Perëndia, duke dërguar birin e tij në shëmbëllim

mishi mëkatar, edhe për mëkat, e dënoi mëkatin në mish, ⁴që të përmbushet kërkesa e drejtë e ligjit në ne, që nuk ecim sipas mishit, por sipas Frymës. ⁵Sepse ata, që jetojnë sipas mishit, e çojnë mendjen në gjërat e mishit, por ata që jetojnë sipas Frymës, në gjërat e Frymës. ⁶Sepse mendja e mishit është vdekje, por mendja e Frymës është jetë dhe paqe. ⁷Sepse mendja e mishit është armiqësi ndaj Perëndisë, sepse nuk i nënshtrohet ligjit të Perëndisë dhe as nuk mundet. ⁸Prandaj ata që janë në mish nuk mund t'i pëlqejnë Perëndisë.”

Pyetje bazë.

- A. Si mbrohem unë për të mos u ndikuar nga influencat e botës mëkatore?
1. Mos e përziej veten me aktivitetet mëkatore. Sigurisht ti duhet të lidhesh me njerëzit e pashpëtuar në mënyrë që të përpiqesh t'i fitosh ata, por mos u përfshi në mëkatet e tyre. **Efesianëve 5:5-12** *“⁵Sepse këtë e dini, që asnjë kurvar, ose i papastër ose lakmitar, i cili është idhujtar, nuk ka ndonjë trashëgim në mbretërinë e Krishtit dhe të Perëndisë. ⁶Askush të mos ju mashtrojë me fjalë të kota, sepse, për shkak të këtyre gjërave, vjen zemërimi i Perëndisë mbi bijtë e mosbindjes. ⁷Mos jini, pra, shokë me ta. ⁸Sepse dikur ishit errësirë, por tani jeni dritë në Zotin; ecni, pra, si bij të dritës, ⁹sepse fryti i Frymës qëndron në çdo mirësi, drejtësi dhe të vërtetë, ¹⁰duke provuar çfarë është e pëlqyeshme për Zotin. ¹¹Dhe mos kini bashkësi me veprat e pafrytshme të errësirës, por më tepër t'i qortoni, ¹²sepse ato, që bëhen prej tyre në fshehtësi, edhe të thuhën është turp.”*
 2. Veçoje veten nga rrugët e botës dhe ndiq rrugën e Zotit Jezus Krisht. **2 Korintasve 6:14-18** *“¹⁴Mos hyni në një zgjedhë bashkë me jobesimtarët, sepse ç'lidhje ka drejtësia me paudhësinë? Dhe çfarë bashkësie ka drita me errësirën? ¹⁵Dhe ç'harmonia ka Krishti me Belialin? Ose ç'pjesë ka besimtari me jobesimtarin? ¹⁶Dhe çfarë marrëveshje ka tempulli i Perëndisë me idhujt? Sepse ju jeni tempulli i Perëndisë së gjallë, sikurse tha Perëndia: «Unë do të banoj në mes tyre, dhe do të eci ndër ta; do të jem Perëndia i tyre dhe ata do të jenë populli im». ¹⁷Prandaj «dilni nga mesi i tyre dhe ndahuni prej tyre, thotë Zoti, dhe mos prekni asgjë të papastër, dhe unë do t'ju pranoj, ¹⁸dhe do të jem Atë për ju, dhe ju do të jeni për mua bij e bija, thotë Zoti i Gjithpushtetshëm». **Jakobi 4:4** “O shkelës dhe shkelëse të kurorës, a nuk e dini se miqësia me botën është armiqësi me Perëndinë? Ai, pra, që do të jetë mik i botës bëhet armik i Perëndisë.”*
 3. Kupto që “veçimi” është gjithashtu një gjë pozitive. Jo vetëm që duhet të jesh i veçuar nga bota, por duhet ta veçosh veten për ungjillin. **Romakëve 1:1** *“Pali, shërbëtor i Jezu Krishtit, i thirrur apostull, i veçuar për ungjillin e Perëndisë,”*

Pyetje - Përgjigje:

1. Jep tri përkufizimet e mëkatit.
 - A.
 - B.
 - C.

2. Pse duhet që ne ta luftojmë mëkatin?

- A.
- B.

3. Shpjegoni shkurtimisht me fjalët tuaja çfarë po komunikon me ne apostulli Pal tek **Romakëve 7:14-25** ¹⁴*Sepse ne e dimë se ligji është frymëror, por unë jam mishëror, i shitur nën mëkatin.* ¹⁵*Sepse unë nuk kuptoj atë që bëj, sepse nuk bëj atë që dua, por bëj atë që urrej.* ¹⁶*Edhe, nëse bëj atë që nuk dua, unë jam në një zë me ligjin se është i mirë.* ¹⁷*Por tani nuk jam më unë që veproj, por mëkati që banon në mua.* ¹⁸*Sepse unë e di se në mua, domethënë në mishin tim, nuk banon asgjë e mirë, sepse dëshira ndodhet tek unë, por të bëj të mirën nuk e gjej.* ¹⁹*Në fakt të mirën që unë e dua nuk e bëj; por të keqen që s'dua, atë bëj.* ²⁰*Edhe, në qoftë se bëj atë që nuk dua, s'jam më vetë ai që e bëj, por është mëkati që rri në mua.* ²¹*Gjej, pra, këtë ligj, se kur unë dua të bëj të mirën, e keqja ndodhet në mua.* ²²*Sepse unë gjej kënaqësi në ligjin e Perëndisë sipas njeriut të brendshëm,* ²³*por shoh një ligj tjetër në gjymtyrët e mia, që lufton kundër ligjit të mendjes sime dhe që më bën rob të ligjit të mëkatis që është në gjymtyrët e mia.* ²⁴*Oh, i mjeri njeri që jam! Kush do të më çlirojë nga ky trup i vdekjes?* ²⁵*I falem nderit Perëndisë, me anë të Jezu Krishtit, Zotit tonë. Unë vetë, pra, me mendjen, i shërbej ligjit të Perëndisë, por, me mishin ligjit të mëkatis.*"

4. Jep tri kategoritë prej të cilave e kanë origjinën të gjitha mëkatet sipas 1 Gjonit 2:16.

- A.
- B.
- C.

5. Jep tri mënyra se si Perëndia e shikon mëkatin tënd.

- A.
- B.
- C.

6. Pse duhet ta pranosh përgjegjësinë për mëkatin tënd?

7. Shpjego shkurtimisht udhëzimin që na jepet ne në vargjet që vijojnë.

A. **Romakëve 13:14** *"Por vishni Zotin Jezu Krisht dhe mos u kujdesni për mishin, që t'i plotësoni epshet."*

B. **1 Korintasve 11:31-32** ³¹*Sepse, po të gjykonim veten tonë, nuk do të gjykoheshim.* ³²*Por kur gjykohemi, ndëshkohemi nga Zoti, që të mos dënohemi bashkë me botën."*

C. **2 Korintasve 7:1** *"Duke i pasur këto premtime, o të dashur, le ta pastrojmë veten nga çdo ndotje e mishit dhe e frymës dhe ta përfundojmë shenjtërimin tonë në druajtjen e Perëndisë."*

8. Si mund të përballojmë tundimet në mënyrë që të mos mëkatojmë? Jep dy referenca.

9. Jep tri mënyrat se si mund të mbrohesh nga influenca e botës mëkatare.

- A.
- B.
- C.

10. Shpjego shkurtimisht qëllimin kryesor të këtij mësimi.

Vargje përmendsh:

Psalmi 119:9-11 *⁹Si mundet një i ri të bëjë rrugën e tij të pastër? Duke e ruajtur me fjalën tënde. ¹⁰Të kam kërkuar me gjithë zemër; mos më lër të devijoj nga urdhërimet e tua. ¹¹E kam ruajtur fjalën tënde në zemrën time, që të mos mëkatoj kundër teje.*

Hebrenjve 4:15 *“Sepse ne nuk kemi kryepriфт që nuk mund të vuajë bashkë me dobësitë tona, por që u tundua në të gjitha njësoj si ne, por pa mëkat.”*

Romakëve 6:11 *“Kështu edhe ju, llogariteni veten të vdekur për mëkatin, por të gjallë për Perëndinë, në Krishtin Jezus, Zotin tonë.”*

MËSIMI 14 - LIRIA TEK KRISHTI

Përderisa të gjitha mëkatet e mia më falen, a jam i lirë të bëj siç dua vetë?

Testamenti i Ri e thotë qartë se ne si njerëz të shpëtuar, nuk jemi të detyruar nga ndonjë ligj që t'i bëjmë qejfin Zotit, por ne rrojmë nën hirin e Tij. Megjithatë shumë njerëz e marrin këtë liri si një rast për të mëkatuar, dhe menduar se ata janë të lirë të bëjnë ç'të duan.

I. *A jam i lirë të bëj çfarë të dua?*

- A. Ti je i lirë të bësh vetë zgjedhjet e tua. **Gjoni 8:36** *“Pra, nëse Biri do t’ju bëjë të lirë, do të jeni me të vërtetë të lirë».* **Romakëve 14:22** *“Ti a ke besim? Kije për veten tënde përpara Perëndisë; lum ai që nuk dënon veten e tij në atë që miraton.”* **Titi 1:15** *“Gjithçka është e pastër për ata që janë të pastër, por asgjë nuk është e pastër për të ndoturit dhe për ata që nuk besojnë; madje edhe mendja, edhe ndërgjegjja e tyre janë të ndotura.”*
- B. Ti je përjetë i siguruar tek Jezus Krishti. **Efesianëve 2:8-9** *“⁸Sepse, me anë të hirit jeni të shpëtuar, nëpërmjet besimit; dhe kjo jo prej jush, por është dhurata e Perëndisë, ⁹jo prej veprave, që askush të mos mburret.”* **Galatasve 2:16** *“duke ditur se njeriu nuk drejtësohet prej veprave të ligjit, por përmes besimit në Jezu Krishtin, besuam edhe ne në Jezu Krishtin, që të drejtësoheshim prej besimit në Krishtin dhe jo prej veprave të ligjit, sepse asnjë mish nuk do të drejtësohet prej veprave të ligjit.”*
- C. Ti nuk je i lidhur nga asnjë ligj. **Romakëve 8:2** *“sepse ligji i Frymës së jetës në Krishtin Jezus më çliroi nga ligji i mëkatit dhe i vdekjes.”* **Galatasve 3:24-25** *“²⁴Kështu ligji që mësuesi ynë për te Krishti, që ne të drejtësohemi prej besimit. ²⁵Por, mbasi erdhi besimi, nuk jemi më nën mësues,”*

II. SIDOQOFTË - *Liria jonë nuk është një patentë për të mëkatuar.*

- A. Liria që ti ke tek Jezus Krishti të jep të drejtën të bësh atë që është e drejtë. **Galatasve 5:13** *“Sepse ju, o vëllezër, u thirrët në liri; por mos e përdorni këtë liri si një rast për mishin por, përmes dashurisë, t’i shërbeni njëri-tjetrit.”*
- B. Liria jote nuk është që ti të ushqesh mishin tënd mëkatar. **Romakëve 6:12-18** *“¹²Le të mos mbretërojë, pra, mëkati në trupin tuaj të vdekshëm, që t’i bindeni atij në epshet e veta. ¹³As mos ia paraqitni gjymtyrët tuaja mëkatit si mjete padrejtësie, por i paraqisni veten tuaj Perëndisë, si të gjallë prej së vdekurish, dhe gjymtyrët tuaja si mjete drejtësie Perëndisë. ¹⁴Sepse mëkati nuk do të zotërojë më mbi ju, sepse nuk jeni nën ligj, por nën hir. ¹⁵Atëherë, çfarë? Të mëkatojmë sepse nuk jemi nën ligj, por nën hir? Kurrë mos qoftë! ¹⁶A nuk e dini se, nëse e paraqitni veten tuaj shërbëtorë të atij që i bindeni, jeni shërbëtorë të atij që i bindeni, qoftë mëkatit për vdekje, qoftë bindjes për drejtësi? ¹⁷Por qoftë falënderuar Perëndia, sepse ishit shërbëtorë të mëkatit, por iu bindët me zemër formës së mësimit që iu është dhënë. ¹⁸Dhe, mbasi u çliruat nga mëkati, u bëtë shërbëtorë të drejtësisë.”*
- C. Liria jote është e tillë për t’i shërbyer Zotit. **1 Pjetrit 2:16** *“Silluni si njerëz të lirë, por jo duke përdorur lirinë si një petk për të mbuluar ligësinë, por si shërbëtorë të Perëndisë.».*

III. *Si influencon liria ime në personin tim?*

- A. Ti je i lirë të zgjedhësh vetë, por nëse zgjedh të bësh mëkate, ti duhet të mbash parasysh edhe pasojat.

1. Ti nuk do të jesh frytdhënës. **Gjoni 15:1-8** *“¹Unë jam hardhia e vërtetë dhe Ati im është vreshtari. ²Çdo shermend në mua, që nuk jep fryt ai e heq; kurse çdo shermend që jep fryt, ai e krasit që të japë edhe më shumë fryt. ³Ju tashmë jeni të pastër, për shkak të fjalës që ju kumtova. ⁴Qëndroni në mua dhe unë në ju; sikurse shermendi nuk mund të japë fryt nga vetja, po qe se nuk qëndron në hardhi, kështu as ju, nëse nuk qëndroni në mua. ⁵Unë jam hardhia, ju jeni shermendet; kush qëndron në mua dhe unë në të, ai jep shumë fryt, sepse pa mua nuk mund të bëni asgjë. ⁶Në qoftë se ndokush nuk qëndron në mua, hidhet jashtë si shermendi dhe thahet; pastaj i mbledhin, dhe i hedhin në zjarr dhe digjen. ⁷Në qoftë se qëndroni në mua dhe fjalët e mia qëndrojnë në ju, kërkoni çfarë të doni dhe do t’ju bëhet. ⁸Në këtë është përlëvduar Ati im, që të jepni shumë fryt, dhe të bëheni dishepujt e mi.”*
 2. Zoti do të të ndëshkojë si djalin e Tij. **Hebrenjve 12:5-11** *“⁵dhe keni harruar këshillën, që ju drejtohet juve porsì bijve: «Biri im, mos e përçmo ndreqjen e Zotit dhe mos e humb zemrën, kur ai të qorton, ⁶sepse Zoti ndreq atë që do; dhe fshikullon çdo bir që ai pranon». ⁷Në qoftë se ju duroni ndreqjen, Perëndia sillet me ju si me bij; sepse cili është ai bir të cilin s’e ndreq i ati? ⁸Por, po të jeni pa ndreqje, në të cilën të gjithë u bënë pjesëtarë, atëherë jeni kopila dhe jo bij. ⁹Pastaj etërit tanë sipas mishit i kishim ndreqës dhe i respektonim ata; a nuk do t’i nënshtrohemi edhe më tepër Atit të frymërave, për të jetuar? ¹⁰Sepse ata na ndreqën për pak ditë, ashtu siç u dukej më mirë, kurse ai për të mirën tonë, që të bëhemi pjesëtarë të shenjtërisë së tij. ¹¹Por çdo ndreqje aty për aty, nuk duket se sjell gëzim, po hidhërim; por më pas u kthen një fryt të paqshëm drejtësisë atyre që janë ushtruar me anë të saj.”*
 3. Zoti do të të lërë të korrësh atë çfarë ke mbjellë. **Galatasve 6:7-8** *“Mos u gënjeni: Perëndia nuk vihet në lojë, sepse ç’të mbjellë njeriu, atë edhe do të korrë. ⁸Sepse ai që mbjell në mish të tij, do të korrë nga mishi i tij prishje, por ai që mbjell në Frymë, do të korrë nga Fryma jetë të përjetshme.”*
- B. Zoti do të të heq lavdinë nga jeta jote në një mënyrë apo tjetër. Vetë e ke në dorë të zgjedhësh. **2 Timoteut 2:20-21** *“²⁰Në një shtëpi të madhe nuk ka vetëm enë prej ari dhe argjendi, por edhe prej druri dhe balte; disa për të nderuar, të tjerat për të çnderuar. ²¹Pra, në qoftë se dikush pastrohet nga këto gjëra, do të jetë një enë nderi, e shenjtëruar dhe e dobishme për të zotin, e përgatitur për çdo vepër të mirë.”*
- IV. *Si influencon liria ime tek njerëzit përreth meje?*
- A. Jeta jote do të jetë një dëshmi për mirë ose për keq, do apo nuk do ti. **Romakëve 14:7** *“Sepse asnjë nga ne nuk jeton për veten e tij dhe askush nuk vdes për veten e tij,”*
 - B. Ti duhet të evitosh gjërat që mund të shkaktojnë që një i krishterë i dobët të bjerë në besimin e tij. **Romakëve 14:13-15** *“¹³Prandaj të mos e gjykojmë më njëri-tjetrin, por më tepër gjykoni këtë: mos i vini gur pengese ose skandal vëllait. ¹⁴E di dhe jam i bindur në Zotin Jezus, se asgjë nuk është e ndyrë në vetvete, por për atë që çmon se diçka është e ndyrë, për atë është e ndyrë. ¹⁵Por nëse vëllai yt trishtohet për shkak të një ushqimi, ti nuk ecën më sipas dashurisë; mos e bëj atë të humbasë me ushqimin tënd, atë për të cilin Krishti*

vdiq.” **1 Korintasve 8:9-13** ⁹Por kini kujdes se mos kjo liria juaj bëhet pengesë për të dobëtit. ¹⁰Sepse, në qoftë se dikush të sheh ty, që ke njohuri, të ulur në tryezë në një tempull idhujsh, ndërgjegjja e tij, që është e dobët, a nuk do të inkurajohet që ai të hajë mish të flijuar për idhujt? ¹¹Edhe kështu, për shkak të njohurisë sate, do të humbasë vëllai i dobët, për të cilin vdiq Krishti. ¹²Por kështu, kur mëkatoni kundër vëllezërve, duke plagosur ndërgjegjen e tyre të dobët, ju mëkatoni kundër Krishtit. ¹³Prandaj, në qoftë se një ushqim skandalizon vëllanë tim, unë nuk do të ha më kurrë mish, që të mos e skandalizoj vëllanë tim.”

- C. Ti duhet të evitosh gjërat që duken të gabuara edhe nëse ato mund të mos jenë të gabuara. **Romakëve 14:16** “Le të mos shahet, pra, e mira juaj,” **1 Thesalonikasve 5:22** “Hiqni dorë nga çdo pamje e ligë.”
- D. Ti duhet të kesh një dëshmi të mirë si ndaj të shpëtuarit, ashtu dhe ndaj të pashpëtuarit. **Romakëve 14:18** “Sepse ai që i shërben Krishtit në këto, është i pëlqyer nga Perëndia dhe i miratuar nga njerëzit.”
1. Ndaj të shpëtuarve. **Veprat e Apostujve 6:1-3** ¹Por në ato ditë, duke u shumuar numri i dishepujve, u bë një murmuritje nga ana e helenistëve kundër hebrenjve, sepse vejushat e tyre po lireshin pas dore në shërbesën e përditshme. ²Atëherë të Dymbëdhjetët, pasi mblodhën numrin e madh të dishepujve, thanë: «Nuk është mirë për ne të lëmë fjalën e Perëndisë për të shërbyer nëpër tryeza. ³Prandaj, vëllezër, kërkonim midis jush shtatë burra, me dëshmi të mirë, të mbushur me Frymën e Shenjtë dhe me urtësi, të cilët do t’i vendosim në këtë detyrë.” **Veprat e Apostujve 16:1-2** ¹Dhe arriti në Derbë dhe në Listra; dhe ja atje ishte një dishepull me emër Timote, biri i një gruaje judease besimtare dhe i një ati grek, ²për të cilin jepnin dëshmi të mirë vëllezërit e Listrës dhe të Ikonit.”
 2. Ndaj të pashpëtuarve. **Kolosianëve 4:5** “Ecni me urtësi ndaj të jashtëmëve duke shfrytëzuar kohën.” **1 Timoteut 3:7** “Por duhet që ai të ketë dëshmi të mirë edhe ndër të jashtëmit, që të mos bjerë në turp dhe grackën e djallit.”
 3. Qëllimi i kësaj është t’i ndikosh ata për mirë në Zotin Jezus Krisht. **Veprat e Apostujve 11:22-24** ²²Lajmi për ta arriti në vesh të kishës në Jerusalem; dhe dërguan Barnabën, që të shkonte deri në Antioki. ²³Kur ai arriti, pa hirin e Perëndisë, u gëzua dhe i nxiti të gjithë t’i qëndrojnë besnikë Zotit, me dëshirën e zemrës ²⁴sepse ishte burrë i mirë, dhe plot me Frymën e Shenjtë e besim. Dhe një numër i madh personash iu shtua Zotit.” **1 Korintasve 9:19-23** ¹⁹Sepse, ndonëse jam i lirë nga të gjithë, e bëra veten time shërbëtor të të gjithëve që të fitoj sa më shumë njerëz. ²⁰Dhe iu bëra judenjve si jude që të fitoj judenjët; atyre nën ligj, si nën ligj, që të fitoj ata, që janë nën ligj; ²¹atyre që janë pa ligj, si një që është pa ligj, por jo duke qenë pa ligjin e Perëndisë por nën ligjin e Krishtit, që të fitoj ata që janë pa ligj; ²²iu bëra të dobtëve, si një i dobët, që të fitoj të dobëtit; të gjithëve u bëra gjithçka, që me çdo mënyrë të shpëtoj disa. ²³Por këtë e bëj për shkak të ungjillit që të bëhem pjesëtar i tij.”

V. Cilët janë kufijtë e lirisë time?

Ka disa “fusha gri” në jetë, për të cilat nuk di nëse mund të përfshihesh në to ose jo. Atëherë në këto raste bëji vetes disa pyetje:

- A. A vthem unë nën pushtetin e diçkaje që mund të kontrollojë jetën time? **1 Korintasve 6:12** “Gjithçka më lejohet, por jo gjithçka është e dobishme; gjithçka më lejohet, por unë nuk do të lë të pushtohem nga asgjë.”
- B. A po mësoj veten apo të tjerët? **1 Korintasve 10:23** “Gjithçka më lejohet, por jo gjithçka është e dobishme; gjithçka më lejohet, por jo çdo gjë ndërton.”
- C. A mund t’i kërkoj Zotit ta bekojë atë me një ndërgjegje të pastër? **Kolosianëve 3:17** “Dhe çdo gjë që të bëni, me fjalë a me vepër, t’i bëni në emër të Zotit Jezus, duke e falënderuar nëpërmjet tij Perëndinë Atë.” **Vepat e Apostujve 24:16** “Prandaj unë ushtrova të kem vazhdimisht një ndërgjegje të paqortueshme përpara Perëndisë dhe përpara njerëzve.”
- D. Në qoftë se Zoti do të kthehej në këtë moment, a do të ndjehesha i turpëruar? **1 Korintasve 1:8** “i cili edhe do t’ju vërtetojë deri në fund, që të jeni të paqortueshëm në ditën e Zotit tonë Jezu Krisht.” **1 Thesalonikasve 5:23** “Por ai vetë, Perëndia i paqes, ju shenjtëroftë tërësisht; dhe gjithë fryma juaj, shpirt e trup, të ruhet pa të metë për ardhjen e Zotit tonë, Jezu Krisht.”
- E. A do ta bënte (dëshmia ime) një vëlla të gabonte? **Romakëve 14:13-15** “¹³Prandaj të mos e gjykojmë më njëri-tjetrin, por më tepër gjykoni këtë: mos i vini gur pengese ose skandal vëllait. ¹⁴E di dhe jam i bindur në Zotin Jezus, se asgjë nuk është e ndyrë në vetvete, por për atë që çmon se diçka është e ndyrë, për atë është e ndyrë. ¹⁵Por nëse vëllai yt trishtohet për shkak të një ushqimi, ti nuk ecën më sipas dashurisë; mos e bëj atë të humbasë me ushqimin tënd, atë për të cilin Krishti vdiq.” **Romakëve 15:1-2** “¹Edhe ne, që jemi të fortë, duhet të mbajmë dobësitë e atyre që janë të dobët dhe jo t’i pëlqejmë vetes sonë. ²Secili, pra, nga ne le t’i pëlqejë të afërmit për të mirë, për ndërtim,”
- F. A do të ishte kjo një shkak për një person të pashpëtuar të mos pranonte Zotin Jezus Krisht si Shpëtimtar? **1 Korintasve 10:29-31** “²⁹Dhe them ndërgjegje, por jo tënden, por të tjetrit. Sepse përse të gjykohet liria ime nga ndërgjegjja e tjetrit? ³⁰Në qoftë se unë marr pjesë me falenderim, pse të shahem për atë gjë, për të cilën unë falënderoj? ³¹Pra, nëse hani, nëse pini, nëse bëni ndonjë gjë tjetër, të gjitha t’i bëni për lavdinë e Perëndisë.”
- G. A më dënon ndërgjegjja ime për këtë? **1 Pietrit 3:16** “duke pasur ndërgjegje të mirë, që, në atë, që ju përflasin si keqbërës, të turpërohen ata që fyejnë sjelljen tuaj të mirë në Krishtin.” **Hebrenjve 13:18** “Lutuni për ne, sepse ne jemi të bindur se kemi ndërgjegje të mirë, duke dashur të sillemi mirë në çdo gjë.” **1 Timoteut 1:5** “Por qëllimi përfundimtar i kësaj porosie është dashuri, prej zemre të pastër, prej ndërgjegjeje të pastër dhe prej besimi pa hipokrizi.”

Pyetje bazë.

- A. Si e realizoj unë ekuilibrin midis lirive të mia dhe nevojave të njerëzve të tjerë?
 VETËM nëpërmjet fuqisë së Frymës së Shenjtë ndërsa jam duke ecur me të.
1 Korintasve 3:6, 17 “⁶Unë mbolla, Apoli ujiti, por Perëndia i rriti.” “¹⁷Në qoftë se dikush e prish tempullin e Perëndisë, Perëndia do ta prishë atë, sepse tempulli i Perëndisë, i cili jeni ju, është i shenjtë.”
Romakëve 7:6 “por tani u liruam nga ligji, duke qenë të vdekur në atë që na mbante të lidhur, që të shërbejmë në risinë e frymës dhe jo në vjetërsinë e shkronjës.”

Pyetje - Përgjigje:

1. Si një kristian, a je i lirë të bësh çfarë të duash? Shpjego shkurtimisht.
2. Fjala e Perëndisë ka disa kufij në lirinë tonë. Shpjego këto kufij me anë të vargjeve që vijojnë:
 - A. **Galatasve 5:13** *“Sepse ju, o vëllezër, u thirrët në liri; por mos e përdorni këtë liri si një rast për mishin por, përmes dashurisë, t’i shërbeni njëri-tjetrit.”*
 - B. **Romakëve 6:18** *“Dhe, mbasi u çliruat nga mëkati, u bëtë shërbëtorë të drejtësisë.”*
 - C. **1 Pjetrit 2:16** *“Silluni si njerëz të lirë, por jo duke përdorur lirinë si një petk për të mbuluar ligësinë, por si shërbëtorë të Perëndisë.”*
3. Kur ju zgjidhni që të mëkatoni, cilat janë pasojat e zgjedhjes suaj?
 - A.
 - B.
 - C.
4. Jep katër rrugë se si liria jote mund të ndikojë njerëzit përreth teje.
 - A.
 - B.
 - C.
 - D.
5. Ti duhet të kesh një dëshmi të mirë edhe ndaj të shpëtuarve edhe ndaj të pashpëtuarëve. Jep arsye për këtë.
6. Cili është roli i Frymës së Shenjtë në lidhje me lirinë tënde personale?
7. N.q.s. ka disa fusha “gri” në jetën tënd dhe ti nuk e di se si duhet të veprosh për t’u përfshirë në to ose jo. Rendit disa pyetje që duhet t’i bësh vetes nëse mund të konsiderosh vendosjen e kufijëve në lirinë tënde personale.
 - A.
 - B.
 - C.
 - D.
 - E.
 - F.
 - G.
8. Shpjego shkurtimisht qëllimin kryesor të këtij mësimi.

Vargje përmendsh:

Galatasve 5:13 *“Sepse ju, o vëllezër, u thirrët në liri; por mos e përdorni këtë liri si një rast për mishin por, përmes dashurisë, t’i shërbeni njëri--tjetrit.”*

Romakëve 15:1 *“Edhe ne, që jemi të fortë, duhet të mbajmë dobësitë e atyre që janë të dobët dhe jo t’i pëlqejmë vetes sonë.”*

1 Korintasve 10:31 *“Pra, nëse hani, nëse pini, nëse bëni ndonjë gjë tjetër, të gjitha t’i bëni për lavdinë e Perëndisë.”*

MËSIMI 15 - UNGJILLIZIMI PERSONAL

Cilat janë përgjegjësitë e mia për të çuar ungjillin në botën e pashpëtuar?

Kur ju u shpëtuat dikush duhet të merrte kohë për të sjellë lajmin e mirë tek ju. Ky mësim përcakton përgjegjësinë tënde për të çuar të njëjtin ungjill në botën e pashpëtuar rreth teje në mënyrë që të tjerët të shpëtohen.

Qëllimi i këtij mësimi është i dyfishtë. Së pari, që t'ju tregojë vargjet që mund të përdorni për të drejtuar dikë tek Krishti; së dyti, për të treguar rrugët praktike që mund të përdorni në mënyrë që mesazhi juaj të kuptohet qartë.

I. Puna e Perëndisë.

A. Në qoftë se është e nevojshme mund të përsëritni mësimin mbi Frymën e Shenjtë, por është e rëndësishme të kuptoni se ju vetë nuk mund të shpëtoni shpirtin e një njeriu tjetër, as mund ta sillni një njeri me fuqinë tuaj në pikën e shpëtimit.

1. Fryma e Shenjtë duhet t'i bindë ata për mëkatet e tyre - **Gjoni 16:8,9** *"Dhe kur të ketë ardhur, ai do ta bindë botën për mëkat, për drejtësi dhe për gjyq. ⁹Për mëkat, sepse nuk besojnë në mua;"*
2. Ati duhet t'i sjellë ata në pikën e shpëtimit - **Gjoni 6:44** *"Askush nuk mund të vijë tek unë, po qe se Ati që më ka dërguar nuk e tërheq dhe unë do ta ringjall atë në ditën e fundit."*
3. Duhet flijimi i Birit në mënyrë që të paguheshin mëkatet e tyre - **2 Korintasve 5:21** *"Sepse atë, që nuk njihnte mëkat, e bëri mëkat për ne, që ne të bëhemi drejtësia e Perëndisë në të."*

II. Puna e kristianit.

A. Ndërkohë që veprimi i mbinatyreshëm i shpëtimit mund të bëhet nga Perëndia dhe vetëm nga Ai, është kristiani që Perëndia përdor si veglën e Tij që të sjellë shpëtim.

1. Ne jemi fermerë që duhet të mbjellim farën - **Mateu 13:3-8** *"³Dhe u foli shumë gjëra në shëmbëlltyrë, duke thënë: «Ja, mbjellësi doli të mbjellë. ⁴Ndërsa ai po mbillte, një pjesë e farës ra përgjatë rrugës; dhe zogjtë erdhën dhe e hëngrën. ⁵Por një pjesë tjetër ra në gurishte, ku nuk kishte shumë dhe, dhe mbiu menjëherë sepse dheu nuk ishte i thellë; ⁶por kur doli dielli u fishk dhe u tha sepse s'kishte rrënjë. ⁷Dhe një pjesë tjetër ra midis ferrave dhe ferrat u rritën dhe ia zunë frymën. ⁸Por një tjetër ra në dhe të mirë dhe dha fryt, njëra njëqindfish, tjetra gjashtëdhjetëfish dhe tjetra tridhjetëfish."*
2. Ne jemi predikues që duhet të shpallim fjalën - **Romakëve 10:13-15** *"¹³Sepse kushdo, që do ta thërrasë emrin e Zotit, do të shpëtohet. ¹⁴Si do ta thërrasin, pra, atë, të cilit nuk i besuan? Dhe si do të besojnë tek ai për të cilin nuk kanë dëgjuar? Dhe si do të dëgjojnë, pa predikues? ¹⁵Dhe si do të predikojnë pa qenë dërguar? Siç është shkruar: «Sa të bukura janë këmbët e atyre që shpallin ungjillin e paqes, që shpallin ungjillin e së mirës!».*
3. Ne jemi ambasadorë që duhet të pajtojmë njerëzit me Krishtin - **2 Korintasve 5:17-20** *"¹⁷Prandaj nëse dikush është në Krishtin, është një krijesë e re; të vjetrat shkuan; ja, të gjitha u bënë të reja. ¹⁸Por të gjitha janë nga Perëndia që na pajtoi me veten e tij përmes Jezu Krishtit dhe na dha shërbimin e pajtimit, ¹⁹sepse Perëndia ishte në Krishtin duke pajtuar*

botën me veten e tij, pa ua llogaritur atyre fajet e tyre dhe vuri ndër ne, si shërbesë, fjalën e paqtimimit. ²⁰Jemi, pra, ambasadorë të Krishtit, sikur Perëndia t'ju lutej nëpërmjet nesh; ju lutemi në vend të Krishtit: Pajtohuni me Perëndinë!"

III. Urdhëresa për të ungjillizuar.

A. Pse duhet të ungjillizojmë?

1. Sepse si një urdhëresë ne duhet ta çojmë lajmin e mirë në të gjithë botën. **Mateu 28:19,20** *"¹⁹Shkoni, pra, dhe bëni dishepuj të gjithë kombet duke i pagëzuar në emër të Atit e të Birit e të Frymës së Shenjtë, ²⁰duke i mësuar të mbajnë të gjitha sa ju kam urdhëruar. Dhe ja, unë jam me ju gjithë ditët, deri në mbarim të botës. Amen».*

Veprat e Apostujve 1:8 *"Por do të merrni fuqi kur Fryma e Shenjtë do të vijë mbi ju dhe do të më bëheni dëshmitarë në Jerusalem dhe në gjithë Judenë dhe Samarinë dhe deri në skajin e dheut».*

2. Ne duhet të flasim fjalët e jetës - **Veprat e Apostujve 5:20** *"Shkoni, paraqituni në tempull dhe i flisni popullit të gjitha fjalët e kësaj jete».*
3. Dashuria jonë për Zotin Jezus Krisht na motivon për të ndarë ungjillin me të tjerët - **2 Korintasve 5:14,15** *"¹⁴Sepse dashuria e Krishtit na shtrëngon, sepse kemi arritur në përfundimin se, në qoftë se një ka vdekur për të gjithë, të gjithë, pra, kanë vdekur; ¹⁵dhe vdiq për të gjithë, me qëllim që ata të cilët jetojnë, të mos jetojnë më për veten e tyre, po për atë që vdiq e u ringjall për ta."*
4. Gjithashtu ka shpërblime për një shërbim besnik. Pali tha se ishte e nevojshme që ai të predikonte ungjillin, sepse ai do të merrte një shpërblim meqë e bënte këtë me vullnet të lirë - **1 Korintasve 9:16,17** *"¹⁶Sepse, në qoftë se unë shpall ungjillin, s'ka pse të mburrem, sepse kjo është një nevojë që më është ngarkuar; por mjerë unë, po nuk shpalla ungjillin! ¹⁷Sepse nëse e bëj këtë me dëshirë, kam një pagë; por nëse e bëj pa dëshirë, mbetet përsëri një detyrë që më është besuar."*
5. Shembulli i Jezusit është padyshim më i miri në këtë drejtim. Ai ishte misionari më i madh që ka jetuar ndonjëherë - **Gjoni 3:17** *"Sepse Perëndia nuk e dërgoi Birin e vet në botë që ta gjykojë botën, por që bota të shpëtohet me anë të tij."* **Luka 19:10** *"Sepse Biri i njeriut erdhi të kërkojë dhe të shpëtojë atë që kishte humbur».* **1 Gjonit 2:2** *"Ai është shlyesi për mëkatet tona; dhe jo vetëm për tonat, por edhe për ato të të gjithë botës. **1 Gjonit 4:4** "Ju jeni prej Perëndisë, o djema, dhe i keni mundur ata, sepse ai në ju është më i madh se ai në botë."*

B. Jezusi i kaloi dishepujt e Tij në katër shkallë rritjeje, prej të cilave ungjillizimi ishte i pari.

1. Ungjillizim - "Jezusi erdhi në Galile duke predikuar ungjillin e mbretërisë së Perëndisë..." **Marku 1:14,15** *"¹⁴Por pasi u burgos Gjoni, Jezusi erdhi në Galile duke predikuar ungjillin e mbretërisë së Perëndisë, ¹⁵dhe duke thënë: «U mbush koha dhe mbretëria e Perëndisë është afër. Pendohuni dhe besoni në ungjillin».* Ne duhet t'jua shpallim ungjillin njerëzve që nuk e njohin Atë, duke përdorur çdo mjet të përshtatshëm.
2. Dishepullizim - Jezusi mori 12 burra *"...që të rrinin me Të (për të mësuar) dhe t'i dërgonte të predikojnë"* **Marku 3:14** *"Dhe ai caktoi dymbëdhjetë që të rrinin me të dhe t'i dërgonte të predikojnë,"*
3. Partneriteti - Duke e ditur që Ai nuk do të ishte me ata përgjithmonë mbi tokë, hapi tjetër i Jezusit ishte të vinte dishepujt e Tij për të punuar

si partnerë me Të. Ata bënë ashtu si bëri Ai dhe të gjithë u gëzuan së bashku - **Marku 6:7, 12, 30** *“Pastaj ai i thirri pranë vetes të Dymbëdhjetët dhe filloi t’i dërgojë dy nga dy; dhe u dha pushtet mbi frymërat e ndyra.”* ¹²*Dhe kështu ata shkuan dhe u predikonin njerëzve që të pendoheshin;”* ³⁰*Dhe apostujt u mblodhën te Jezusi dhe i treguan të gjitha sa kishin bërë dhe sa mësim kishin dhënë.”*

4. Përgjegjësi e plotë - Koha erdhi kur Mësuesi e vuri përgjegjësinë e shërbimit të Tij në duart e dishepujve të Tij. Ai vazhdoi të punojë me ata nëpërmjet Frymës së Shenjtë, por ata u bënë përgjegjës për punën që Ai kishte filluar - **Marku 16:14-20** *“¹⁴Në fund iu shfaq të njëmbëdhjetëve kur ishin në tryezë dhe i qortoi për mosbesimin e tyre dhe për ngurtësinë e zemrës, sepse nuk u kishin besuar atyre që e kishin parë të ringjallur. ¹⁵Dhe u tha atyre: «Shkoni në mbarë botën dhe i predikoni ungjillin çdo krijese ¹⁶ai që beson dhe pagëzohet do të shpëtohet; por ai që nuk beson, do të dënohet. ¹⁷Dhe këto janë shenjat që do t’i përcjellin ata që do të besojnë: në emrin tim ata do t’i dëbojnë demonët, do të flasin gjuhë të reja; ¹⁸do t’i kapin me dorë gjarprinjtë, edhe nëse do të pinë diçka që shkakton vdekjen, nuk do t’i dëmtojë; do t’i vënë duart mbi të sëmurët dhe ata do të shërohen».* ¹⁹*Zoti, pra, mbasi u foli atyre, u mor në qiell dhe u ul në të djathtë të Perëndisë. ²⁰Pastaj ata dolën dhe predikuan kudo, ndërsa Zoti bashkëvepronte dhe e vërtetonte fjalën me shenjat që e shoqëronin. Amen.”*

IV. Prezantimi i ungjillit.

1. Një njeri duhet të kuptojë që është një mëkatar - **Romakëve 3:10,23** *“¹⁰siç është shkruar: «Nuk ka asnjë të drejtë, as edhe një.”* ²³*sepse të gjithë kanë mëkatuar dhe nuk e arrijnë lavdinë e Perëndisë,”*
2. Ai duhet të kuptojë që Zoti vdiq për të ndërsa ai ishte akoma mëkatar, jo pasi ai e kishte pastruar jetën e tij - **Romakëve 5:6-8** *“⁶Sepse, ndërsa ishim ende të dobët, Krishti vdiq në kohën e tij për të pabesët. ⁷Vështirë, në fakt, se vdes dikush për një të drejtë; mbase ndonjë do të guxonte të vdiste për një njeri të mirë. ⁸Por Perëndia e tregon dashurinë e tij ndaj nesh në atë që, kur ende ishim mëkatarë, Krishti vdiq për ne.”*
Mateu 12:43-45 *“⁴³Por fryma e ndyrë kur ka dalë nga njeriu, shkon nëpër vende të thata, duke kërkuar prehje, edhe nuk e gjen. ⁴⁴Atëherë thotë: “Do të kthehem në shtëpinë time, nga kam dalë”; dhe kur vjen e gjen të zbrazët, të pastruar dhe të zbukuruar; ⁴⁵atëherë shkon e merr me vete shtatë frymëra të tjera më të liga se ai vetë, të cilët hyjnë dhe banojnë aty; kështu gjendja e fundit e këtij njeriu bëhet më e keqe nga e mëparshmeja. Kështu do t’i ndodhë edhe këtij brezi të mbrapshtë».*
3. Ai duhet të vijë para Zotit me sinqeritet dhe duke u penduar - **Romakëve 2:4** *“Apo i përçmon pasuritë e mirësisë së tij, të durimit dhe zemërgjerësisë së tij, duke mos ditur që mirësia e Perëndisë të prin në pendim?”* **Veprat e Apostujve 20:21** *“duke u dëshmuar judenjve dhe grekëve pendimin te Perëndia dhe besimin në Zotin tonë, Jezu Krisht.”* **2 Korintasve 7:10** *“Sepse trishtimi sipas Perëndisë, sjell pendim për shpëtim, për të cilin njeriut nuk i vjen keq, por trishtimi i botës sjell vdekje.”*
4. Ai duhet ta kuptojë që mund t’i falen të tëra mëkatet vetëm nëpërmjet gjakut të Krishtit - **Romakëve 5:9** *“Shumë më tepër, pra, duke qenë tani të drejtësuar nëpërmjet gjakut të tij, do të shpëtohem nga zemërimi me*

anë të tij.” **1 Pjetrit 1:18,19** ¹⁸“duke ditur se jo me anë gjërash që prishen, si argjendi ose ari, jeni shpënuar nga sjellja e kotë të dorëzuar nga etërit, ¹⁹por me anë të gjakut të çmuar të Krishtit, si të Qengjit të patëmetë dhe të panjollë,”

5. Ai mbi të gjitha duhet të kuptojë, se është besimi i tij tek gjaku i Krishtit pa shtuar asnjë vepër, që e shpëton atë nga ferri - **Romakëve 3:28** “Ne, pra, konkludojmë se njeriu është i drejtësuar nëpërmjet besimit, ndarë nga veprat e ligjit.”
6. Ai duhet të thërrasë në emër të Zotit për shpëtim - **Romakëve 10:9-13** ⁹sepse, po të rrëfesh me gojën tënde Zotin Jezus, dhe po të besosh në zemrën tënde se Perëndia e ngjalli prej së vdekurish, do të shpëtohesh. ¹⁰Sepse me zemër, njeriu beson në drejtësi dhe me gojë bëhet rrëfim për shpëtim, ¹¹sepse Shkrimi thotë: «Kushdo që beson në të, nuk do të turpërohet». ¹²Sepse nuk ka dallim në mes judeut dhe grekut, sepse i njëjti Zot është i të gjithëve, i pasur për të gjithë ata që e thërrasin. ¹³Sepse kushdo, që do ta thërrasë emrin e Zotit, do të shpëtohet.”

Pyetje - Përgjigje:

1. Çfarë pjese luan Ati, Biri dhe Fryma e Shenjtë në ungjillizim?
2. Çfarë vegle përdor Perëndia për të bërë punën e tij të ungjillizimit?
3. Kë përdori Perëndia për t’ju drejtuar ju tek Krishti?
4. Cilët janë tre shembujt që shpjegojnë punën e një ungjilltari?
5. Pse duhet të ungjillizojmë?
6. Shpjegoni katër shkallët në të cilat Jezusi i kaloi dishepujt e tij.
7. Mësoni prezantimin e thjeshtë të lajmit të mirë siç është thënë në mësim dhe pastaj shkruani të gjashtë pikat pa parë në shënimet tuaja.

Vargje përmendsh:

Romakëve 3:10,23 ¹⁰siç është shkruar: «Nuk ka asnjë të drejtë, as edhe një.» ²³sepse të gjithë kanë mëkatuar dhe nuk e arrijnë lavdinë e Perëndisë,”

Romakëve 5:8,9 ⁸Por Perëndia e tregon dashurinë e tij ndaj nesh në atë që, kur ende ishim mëkatarë, Krishti vdiq për ne. ⁹Shumë më tepër, pra, duke qenë tani të drejtësuar nëpërmjet gjakut të tij, do të shpëtohem nga zemërimi me anë të tij.”

Romakëve 3:28 “Ne, pra, konkludojmë se njeriu është i drejtësuar nëpërmjet besimit, ndarë nga veprat e ligjit.”

Romakëve 10:9,13 ⁹sepse, po të rrëfesh me gojën tënde Zotin Jezus, dhe po të besosh në zemrën tënde se Perëndia e ngjalli prej së vdekurish, do të shpëtohesh. ¹³Sepse kushdo, që do ta thërrasë emrin e Zotit, do të shpëtohet.”

MËSIMI 16 - PUNA DHE PUNËDHËNËSI IM

Bibla flet shumë se si duhet të sillesh dhe veprosh në punën tënde. Duke qënë se të rriturit kalojnë një të katërtën e jetës së tyre në punë, është themelore të mësojmë se si Zoti Jezus Krisht do që ju të dukeni në këtë fushë përgjegjësish. Në qoftë se ti synon që të jesh një shërbëtor efektiv për Perëndinë, duhet të bësh kështu me gjithë jetën tënde dhe jo me tre të katërtat e saj.

Ky mësim është bërë që t'ju ndihmojë ju që të bëheni ai lloj punëtori ose drejtuesi që Zoti do që ju të bëheni. Cili duhet të jetë qëndrimi im ndaj punës dhe ndaj punëdhënësit tim?

- I. *Të gjithë njerëzit e shpëtuar janë thirrur në "shërbim kristian me kohë të plotë".*
- A. **Efesianëve 4:1** *"Unë, pra, i burgosuri për Zotin, ju bëj thirrje që të ecni denjësisht ndaj thirrjes që u thirrët,"* thotë se thirja jote është t'i shërbesh Jezus Krishtit.
- B. Bibla është shumë e qartë se çdo njeri i shpëtuar është një pjesë e veçantë e trupit të Krishtit dhe kontributi i çdo anëtari është i rëndësishëm. Perëndia pret prej çdo kristiani që të përfshihet në punën e Zotit - **1 Korintasve 12:12-27** *"¹²Sepse ashtu si trupi është një, dhe ka shumë gjymtyrë, edhe të gjitha gjymtyrët e të njëjtit trup, megjithëse janë shumë, janë një trup i vetëm, kështu është edhe Krishti. ¹³Sepse të gjithë ne jemi pagëzuar në një Frymë të vetëm në një trup, qofshin hebrej apo grekë, skllëvër a të lirë, dhe të gjithë jemi ujitur në një Frymë. ¹⁴Sepse edhe trupi nuk është një gjymtyrë e vetme, por shumë. ¹⁵Sikur të thoshte këmba: «Mbasi nuk jam dorë, unë nuk jam pjesë e trupit», mos për këtë nuk është pjesë e trupit? ¹⁶Dhe sikur veshi të thoshte: «Mbasi nuk jam sy, unë nuk jam pjesë e trupit», mos për këtë nuk është pjesë e trupit? ¹⁷Po të ishte gjithë trupi sy, ku do të ishte dëgjimi? Po të ishte gjithë dëgjim, ku do të ishte të nuhaturit? ¹⁸Por tani Perëndia ka vënë çdo gjymtyrë të trupit ashtu si deshi. ¹⁹Po të ishin të gjitha gjymtyrët një gjymtyrë e vetme, ku do të ishte trupi? ²⁰Tani, pra, janë shumë gjymtyrë, por një trup i vetëm. ²¹Dhe syri nuk mund t'i thotë dorës: «Unë nuk kam nevojë për ty»; dhe po ashtu koka nuk mund t'u thotë këmbëve: «Unë nuk kam nevojë për ju». ²²Madje, shumë më tepër ato gjymtyrë të trupit që duken se janë të dobëta, janë të nevojshme; ²³dhe ato që ne na duken më pak të nderuara të trupit, pikërisht ato rrethojmë me më shumë nderim; dhe të pahijshmet tona kanë më tepër hijeshi. ²⁴Por gjymtyrët tona të hijshme nuk kanë nevojë. Por Perëndia e ndërtoi trupin duke i dhënë më tepër nder asaj pjese që e kishte mangut, ²⁵që të mos kishte përçarje në trup, por të gjitha gjymtyrët të kenë të njëjtin kujdes për njëra tjetrën. ²⁶Dhe nëse vuan një gjymtyrë, të gjitha gjymtyrët vuajnë bashkë; kurse po të nderohet një gjymtyrë, të gjitha gjymtyrët gëzohen bashkë me të. ²⁷Dhe ju jeni trupi i Krishtit dhe gjymtyrët e tij, veç e veç." **Efesianëve 4:11-16** *"¹¹Dhe ai dha disa si apostuj, të tjerë si profetë, të tjerë si ungjilltarë, të tjerë si barinj e mësues, ¹²për ndreqjen e shenjtoreve, për veprën e shërbimit dhe për ndërtimin e trupit të Krishtit, ¹³derisa të arrijmë të gjithë tek uniteti i besimit dhe i njohjes së Birit të Perëndisë, te një burrë i përsosur, në masën e moshës së plotësisë së Krishtit, ¹⁴që të mos jemi më foshnja, të hedhur andej-këndej dhe të çuar aty-këtu nga çdo erë e doktrinës, nëpërmjet mashtrimit të njerëzve dhe dinakërisë së tyre që me dredhi çojnë në gabim, ¹⁵por, duke thënë të vërtetën me dashuri, të rritemi në çdo gjë drejt atij që është kreu, Krishti. ¹⁶Prej të cilit gjithë trupi i bashkuar dhe i lidhur mirë, me anë të bashkimit të ndihmesës sipas masës së**

veprueshmërisë të çdo pjese të veçantë, shkakton rritjen e trupit, për ndërtimin e vetes së tij në dashuri.”

- C. Shërbesa juaj për Perëndinë duhet të jetë në çdo kohë dhe jo vetëm kur shkoni në kishë - **1 Pietrit 3:15** *“madje shenjtëroni Zotin, Perëndinë në zemrat tuaja, por jini gjithnjë gati për mbrojtje ndaj kujtudo që ju kërkon fjalë për shpresën që është në ju, por me butësi e me druajtje,”* **2 Timoteut 4:2** *“prediko fjalën, ngul këmbë me kohë e pa kohë, bind dhe qorto, këshillo me çdo zemërgjerësi e mësim.”*

II. Qëllimi kryesor i punës suaj është për të mbështetur shërbimin tuaj.

- A. Padyshim shërbimi yt i parë është për familjen tuaj - **1 Timoteut 3:5; 5:8** *“(por në qoftë se dikush nuk di ta qeverisë familjen e vet, si do të kujdeset për kishën e Perëndisë?).” “Por në qoftë se dikush nuk kujdeset për të vetët, dhe më tepër për ata të shtëpisë, ai e ka mohuar besimin dhe është më i keq se një jobesimtar.”*
- B. Shërbimi yt i dytë është për familjen e Kishës - **Galatasve 6:10** *“Prandaj, pra, si të kemi kohë, le t’u bëjmë të mirën të gjithëve, por më shumë atyre që janë pjesëtar të shtëpisë së besimit.”*
- C. Shërbimi yt i tretë është për të fituar të pashpëtuarit - **2 Korintasve 5:20** *“Jemi, pra, ambasadorë të Krishtit, sikur Perëndia t’ju lutej nëpërmjet nesh; ju lutemi në vend të Krishtit: Pajtohuni me Perëndinë!”*
- D. Siç e pamë në mësimet e mëparshme, burimet e tua duhet të prodhojnë për shërbimin e Perëndisë. Këto burime duhet të përdoren për t’i dhënë lavdi Zotit nëpërmjet tre fushave të mësipërme.

III. Cili duhet të jetë qëndrimi që unë duhet të kem ndaj punës sime?

Duhet ta shikosh punën si një shërbim, mundësi dhe jo thjesht si një punë.

- A. Për shumicën e kristianëve, shokët e punës janë ekspozimi më i madh që kanë ndaj njerëzve të pashpëtuar.
- B. Jeta juaj mund të jetë dëshmia e vetme e Zotit Jezus Krisht që ata mund të shohin.
1. Ti je një dritë që përfaqëson Zotin Jezus Krisht - **Mateu 5:14-16** *“¹⁴Ju jeni drita e botës; një qytet i ngritur sipër mbi mal nuk mund të fshihet. ¹⁵As nuk ndizet një qiri për ta vënë nën babunë, por mbi shandan, dhe t’u ndriçojë të gjithë atyre që janë në shtëpi. ¹⁶Ashtu le të shndritë drita juaj para njerëzve, që të shohin veprat tuaja të mira dhe ta lëvdojnë Atin tuaj që është në qiej.”*
 2. Jeta jote duhet të pasqyrojë Biblën - **2 Korintasve 3:2** *“Ju jeni letra jonë, e shkruar brenda në zemrat tona, e njohur dhe e lexuar nga të gjithë njerëzit,”*
- C. Ti do të kesh një ndikim më të madh në ata njerëz me të cilët kalon më shumë kohë. Padyshim të panjohurit janë një mundësi e mirë për tu dëshmuar, por ata që shohin një dëshmi të vazhdueshme të jetës së një kristiani, janë më të lehtë për t’u fituar.

IV. Çfarë qëndrimi duhet të kem ndaj drejtorit dhe shoqërisë për të cilën punoj?

- A. Shërbe sikur Zoti Jezus Krisht të ishte punëdhënësi yt - **Efesianëve 6:5-8** *“⁵Ju, shërbëtorë, bindjuni zotërinjve tuaj sipas mishit me frikë dhe dridhje, në thjeshtësinë e zemrës suaj, porsì Krishtit, ⁶duke mos shërbyer përpara syve, si ata që duan t’u pëlqejnë njerëzve, por si shërbëtorë të Krishtit, duke bërë vullnetin e Perëndisë me shpirt, ⁷duke i shërbyer me dashamirësi Zotit dhe jo*

njerëzve, ⁸duke ditur se çdo të mirë që të bëjë gjithsecili, atë edhe do të marrë nga Zoti, qoftë shërbëtor, qoftë i lirë.” **Kolosianëve 3:22-24** ²²“Ju shërbëtorë, bindjuni në çdo gjë zotërinjve tuaj sipas mishit, duke u shërbyer jo përpara syve, si ata që duan t’u pëlqejnë njerëzve, por me thjeshtësinë e zemrës, duke druajtur Perëndinë. ²³Dhe çdo gjë që të bëni, bëjeni prej shpirtit, si për Zotin dhe jo për njerëzit, ²⁴duke ditur se nga Zoti do të merrni shpërblimin e trashëgimisë, sepse ju i shërbeni Zotit Krisht.”

- B. Respekto pushtetin e pozitës së tyre. Pa dyshim asnjë punëdhënës nuk do të jetë i drejtë në çdo pikë. Mund edhe të mos bini dakort me ta. Megjithatë duhet t’i nënshtrohemi drejtimit të tyre për t’i treguar atyre një dëshmi të Zotit Jezus Krisht - **Titi 2:9-10** ⁹“Shërbëtorët t’u nënshtrohen zotërinjve të tyre, t’u pëlqejnë atyre në çdo gjë, pa u folur kundër, ¹⁰të mos përvetësojnë gjënë e huaj, por të tregojnë çdo besnikëri të mirë, që në çdo gjë të stolisin doktrinën e Perëndisë, Shpëtimtarit tonë.”
- C. Respekto pasurinë e shoqërisë. Ajo nuk të përket ty - **Ligji i Përtërirë 19:14** “Nuk do të lëvizësh kufijtë e të afërmit tënd, të vendosura nga pasardhësit në trashëgiminë që do të gëzosh në vendin që Zoti, Perëndia yt, të jep në zotërim.”
- D. Respekto kohën e shoqërisë tënde. Puno tetë orë për tetë orë pagesë **2 Korintasve 8:21** “sepse kujdesemi të veprojmë mirë jo vetëm përpara Zotit, por edhe përpara njerëzve.” **Kolosianëve 3:22** “Ju shërbëtorë, bindjuni në çdo gjë zotërinjve tuaj sipas mishit, duke u shërbyer jo përpara syve, si ata që duan t’u pëlqejnë njerëzve, por me thjeshtësinë e zemrës, duke druajtur Perëndinë.”
- E. Duhet të përqesh shumë që ta ndihmosh shoqërinë të dalë me sukses dhe punëdhënësin tënd që të duket mirë - **Romakëve 12:11** “Mos jini të përtuar në zell; jini të zjarrtë në frymë, duke i shërbyer Zotit,” **1 Korintasve 10:24** “Askush të mos kërkojë interesin e vet, por çdonjëri atë të tjetrit.” **Fjalët e Urta 10:4** “Kush punon me dorë përtace varfërohet, por dora e njerëzve të zellshëm të bën të pasurohesh.” **Fjalët e Urta 18:9** “Edhe ai që është përtac në punën e tij është vëlla i planprishësit.” **Fjalët e Urta 21:25** “Dëshirat e përtacit e vrasin atë, sepse duart e tij nuk pranojnë të punojnë.” **Fjalët e Urta 22:29** “A ke parë një njeri të papërtueshëm në punën e tij? Ai do të qëndrojë në prani të mbretit dhe nuk do të qëndrojë para njerëzve të humbur.”
- Jozefi është shembulli më i mirë në Bibël për këtë tek - **Zanafilla 39-50**
- F. Shiko punën tënde dhe mos lejo që përtacia e dikujt të ndikojë mbi ty - **1 Thesalonikasve 4:11** “dhe ta kini për nder të jetoni qetë, dhe të merreni me gjërat tuaja dhe të punoni me duart tuaja, ashtu si ju kemi urdhëruar,” **2 Thesalonikasve 3:10-13** ¹⁰“Në fakt, edhe kur ishim te ju, ju porosisim këtë: se po qe se ndonjë nuk do të punojë, as të mos hajë. ¹¹Sepse dëgjojmë se disa prej jush ecin në mënyrë të parregullt, nuk punojnë fare dhe merren me gjëra të kota. ¹²Këta i porosisim dhe i nxisim, përmes Zotit tonë Jezu Krisht, që të hanë bukën e tyre duke punuar shtruar. ¹³Por ju, o vëllezër, mos u ligështoni së bëri mirë.”

V. *Bibla gjithashtu i tregon punëdhënësve ose mbikëqyrësve si t’i trajtojnë vartësit e tyre.*

- A. A i trajtoj njerëzit me drejtësi dhe barazi? A vendos rregulla për ata që refuzoj t’i mbaj vetë? - **Kolosianëve 4:1** “Zotërinj, jepuni shërbëtorëve ç’është e drejtë dhe sa u takon, duke ditur se edhe ju keni një Zot në qiej.” **Efesianëve 6:9** “Dhe

ju, zotërinj, bëni po kështu ndaj tyre, duke i lënë kërcënimet; duke ditur se edhe ju vetë keni një Zot në qiell dhe tek ai nuk ka asnjë anësi.”

- B. A po merrem vetëm me interesat e mia pa marrë parasysh nevojat e të tjerëve? **Filipianëve 2:2-3** *“atëherë e bëni të plotë gëzimin tim, duke pasur të njëjtin mendim, të njëjtën dashuri, një unanimitet dhe një mendje të vetme. ³Mos bëni asgjë për rivalitet as për lavdi të kotë, por me përulësi, secili ta çmojë tjetrin më shumë se vetveten.”*
- C. A po përpiqem që të jem një drejtues mbi shumë gjëra? Mbani mend të merrni parasysh pikat e mëposhtme kurdoherë që ju paraqitet një mundësi transferimi:
1. Një parim i rëndësishëm biblik është: (**Luka 16:10** *“Kush është besnik në të voglat, është besnik edhe në të mëdhatë; dhe kush është i padrejtë në të voglat, është i padrejtë edhe në të mëdhatë.”*). Sigurohu që je në gjendje t’ia dalësh mbanë me këtë pozitë që ke.
 2. Sa më shumë përgjegjësi të kesh, aq më e mundur është që të rriten problemet **Jakobi 3:1** *“Vëllezër të mi, mos u bëni shumë mësues, duke ditur se do të marrim një gjykim më të ashpër,”* **Predikuesi 8:9** *“E pashë tërë këtë gjë dhe vura mend për të gjitha gjërat që bëhen nën diell; ka një kohë kur një njeri sundon mbi një tjetër për ta dëmtuar.”*
 3. Sa më shumë përgjegjësi të kesh aq më shumë kohë dhe energji do të duhet. Sigurohu që përgjegjësitë e reja nuk do të pengojnë për t’i shërbyer Zotit **2 Timoteut 2:2-7** *“dhe ato që dëgjove nga unë përpara shumë dëshmitarëve, besojua njerëzve besnikë, që do të jenë të aftë të mësojnë edhe të tjerë. ³Ti, pra, hiq keq, si një ushtar i mirë i Jezu Krishtit. ⁴Asnjë nga ata që shkojnë ushtarë nuk ngatërrohet me punërat e jetës, që t’i pëlqejë atij që e mori ushtar. ⁵Po ashtu, nëse dikush merr pjesë në gara, nuk kurorëzohet po të mos ketë luftuar sipas rregullave. ⁶Bujku që mundohet duhet ta marrë i pari pjesën e fryteve. ⁷Mendoji ato që të them, dhe Zoti të dhëntë mend për të gjitha.”*
- D. Edhe në një pozitë drejtuesi duhet gjithmonë të ruash qëndrimin e një shërbëtori **Marku 10:42-45** *“⁴²Por Jezusi i thirri pranë vetes dhe u tha: «Ju e dini që ata që konsiderohen sundues të kombeve i sundojnë ato dhe të mëdhenjtë e tyre ushtrojnë mbi to pushtetin e tyre; ⁴³por kjo s’duhet të ndodhë midis jush; madje, ai nga ju që do të dojë të bëhet i madh, të jetë shërbënjësi juaj; ⁴⁴dhe kushdo nga ju që do të dojë të jetë i pari, të jetë shërbëtori i të gjithëve. ⁴⁵Sepse edhe Biri i njeriut nuk erdhi që t’i shërbejë, por për të shërbyer dhe për të dhënë jetën e tij si shpërblësë për shpengimin e shumë vetave».*

Pyetje bazë.

- A. Po sikur puna ime të kundërshtojë çështjet shpirtërore?
1. Gjithmonë do të ketë konflikte të prioriteteve midis aktiviteteve të kishës dhe orarit të punës. Ti nuk mund ta ndërpresësh punën ose të largohesh prej saj vetëm për disa konflikte të vogla. Mbani mend se puna juaj është një mundësi shërbimi. Megjithatë nuk duhet ta përdorësh punën si një justifikim për tju shmangur përgjegjësi të kishës. Duhet të ruash një ekuilibër në këtë fushë.
 2. Kur përgjegjësitë e punës janë në kundërshtim me parimet e Biblës, atëherë duhet të merrni një vendim:
 - a. Refuzoni të gënjeni, ose vidhni nga punëdhënësi juaj ose të thyeni çdo urdhërim të qartë të Perëndisë.

- b. Ruhuni nga tundimet në punën tuaj.
 - c. Mos u ndikoni nga aktivitete mëkatore rrotull jush.
- B. Si ta përballoj “persekutimin” në punë?
1. Në qoftë se po “persekutoheni”, kjo vjen prej një nga dy arsye: Sjellja juaj është e pahijshme, ose dëshmia juaj është një fyerje për dikë - **1 Pjetrit 3:16-17** *“¹⁶duke pasur ndërgjegje të mirë, që, në atë, që ju përflasin si keqbërës, të turpërohen ata që fyejnë sjelljen tuaj të mirë në Krishtin. ¹⁷Sepse është më mirë, nëse është i tillë vullneti i Perëndisë, të vuani duke bërë mirë, sesa duke bërë keq,”*
 2. Prisni një farë kundërshtimi nga bota nëse vërtet po i shërbeni Jezus Krishtit **2 Timoteut 3:12** *“Por edhe të gjithë ata që duan të rrojnë me perëndishmëri në Krishtin Jezus, do të përndiqen,”*
 3. Mësoni si t’ja përkushtoni Zotit këtë kundërshtim që keni - **1 Pjetrit 2:18:23** *“¹⁸Ju, shërbëtorë, nënshtroni në çdo druajtje zotërinjve tuaj, jo vetëm të mirëve dhe të butëve, por edhe tekanjozëve, ¹⁹sepse ky është hir, nëse dikush për ndërgjegje ndaj Perëndisë, duron hidhërimet, duke vuajtur padrejtësisht. ²⁰Sepse çfarë lavdie do të ishte po të duroni kur të rriheni për mëkatet? Por po të duroni kur vuani për të mirën që bëni, kjo është hir para Perëndisë. ²¹Sepse për këtë u thirrët, sepse edhe Krishti vuajti për ne, duke na lënë një shembull, që të ndiqni gjurmët e tij. ²²«Ai nuk bëri asnjë mëkat dhe nuk u gjet asnjë mashtrim në gojën e tij». ²³Kur e fyenin, nuk e kthente fyerjen, kur vuante, nuk kërcënonte, po ia dorëzoi atij që gjykon drejtësisht.”*
- C. Çfarë duhet të marr parasysh kur kërkoj punë?
1. A e keni çuar këtë çështje para Zotit në lutje? - **Jakobi 1:5** *“Por në qoftë se ndonjërit nga ju i mungon urtësia, le të kërkojë nga Perëndia, që u jep të gjithëve pa kursim, pa qortuar, edhe atij do t’i jepet.”* **Filipianëve 4:6-7** *“⁶Mos u shqetësoni për asgjë, por, në çdo gjë, ia parashtroni kërkesat tuaja Perëndisë me anë lutjesh dhe përgjërimesh, me falënderim. ⁷Dhe paqja e Perëndisë, që ia tejkalon çdo zgjuarsie, do të ruajë zemrat tuaja dhe mendjet tuaja në Krishtin Jezus.”*
 2. A do të prishë përgjegjësia e re atë që Zoti po mundohet të ndërtojë në jetën tënde? Kjo është një pyetje e plotë. Mos kini frikë të kërkonit këshillim për zgjuarësi në këtë fushë nga një vëlla në Krisht, që ju e respektoni.
 3. Në qoftë se ju kërkohet që të lëvizni në një qytet tjetër, a ka ndonjë kishë atje që të vazhdojë të sigurojë nevojat tuaja shpirtërore? Kjo është një çështje e rëndësishme.
 4. Në kërkim të ndryshimit të punës, a po largoheni prej diçkaje që duhet të përballoni dhe po përpiqeni ta korrigjoni?

Pyetje - Përgjigje:

1. Pse të gjithë kristianët janë thirrur në “shërbimin kristian me kohë të plotë”. Jepni nga një varg nga Bibla për çdo rast.
2. Qëllimi kryesor i punës suaj është për të mbështetur shërbimin tuaj. Thoni tre shërbimet që duhet t’i mbështetni.
3. Pse duhet ta shikoni punën tuaj si një mundësi për shërbim?

4. Cilat janë qëndrimet që ju duhet të keni ndaj shoqërisë dhe/ose mbikëqyrësit tuaj.
5. Thoni disa parime që ju vini re në jetën e Jozefit të cilat patën një ndikim në jetën e zotërisë së tij, nga **Zanafilla 39:1-6** *“¹Ndërkaq Jozefi u çua në Egjipt; dhe Potifari, oficeri i Faraonit dhe kapiten i rojeve, një egjiptas, e bleu nga ismaelitët që e kishin sjellë atje. ²Zoti që me Jozefin, dhe ky kishte mbarësi dhe banonte në shtëpinë e zotërisë së tij, egjiptasit. ³Dhe zotëria e tij e pa që Zoti që me të dhe që Zoti e sillte mbarë në duart e tij gjithçka bënte. ⁴Kështu Jozefi fitoi hir në sytë e atij dhe hyri në shërbimin personal të Potifarit, që e emëroi kryeadministrator të shtëpisë së tij dhe i la në dorë gjithçka zotëronte. ⁵Nga çasti, që e bëri kryeadministrator të shtëpisë së tij dhe për gjithçka, që zotëronte, Zoti e bekoi shtëpinë e egjiptasit për shkak të Jozefit; dhe bekimi i Zotit përfshiu gjithçka ai kishte në shtëpi dhe në fushë. ⁶Kështu Potifari la gjithçka kishte në dorë të Jozefit dhe nuk shqetësohej më për asgjë, përveç ushqimit të vet. Dhe Jozefi ishte i bukur nga forma dhe kishte një pamje tërheqëse.”*
6. Si një punëdhënës, cilat janë disa nga pyetjet që duhet ti bëni vetes rreth qëndrimit tuaj ndaj njerëzve që punojnë për ju?
7. Thoni katër pika për t’u marrë parasysh kur duhet të vendosni për t’u rritur në pozitë apo jo.
8. Çfarë duhet të bëni kur orari i punës nuk ju lejon për t’u përfshirë në aktivitetet e kishës?
9. Puna, ndonjëherë, mund të mbajë përgjegjësi që kundërshtojnë parimet biblike. Thoni tre fusha që dini.
10. Çfarë duhet të merrni parasysh në qoftë se një njeri në punë po ju krijon probleme për besimin tuaj kristian?
11. Çfarë duhet të merrni parasysh kur kërkoni një punë të re?
12. Shpjegoni shkurtimisht qëllimin kryesor të këtij mësimi.

Vargje përmendsh:

2 Timoteut 2:4 *“Asnjë nga ata që shkojnë ushtarë nuk ngatërrohet me punërat e jetës, që t’i pëlqejë atij që e mori ushtar.”*

Marku 10:44-45 *“⁴⁴dhe kushdo nga ju që do të dojë të jetë i pari, të jetë shërbëtori i të gjithëve. ⁴⁵Sepse edhe Biri i njeriut nuk erdhi që t’i shërbejnë, por për të shërbyer dhe për të dhënë jetën e tij si shpërblese për shpengimin e shumë vetave.”*

Kolosianëve 3:23 *“Dhe çdo gjë që të bëni, bëjeni prej shpirtit, si për Zotin dhe jo për njerëzit,”*

MËSIMI 17 - BOTA E PASHPËTUAR

“Si një kristian, si duhet të sillem me botën e pashpëtuar?”

Bibla është e qartë se sistemi i tanishëm i botës, është kundër qëllimit të përjetshëm të Perëndisë. Fjala e Zotit i udhëron bijtë e Tij që të ndahen nga sistemi i kësaj bote; por edhe që të fitojmë për Jezus Krishtin njerëzit e humbur që jetojnë në këtë botë. Ky mësim është ndërtuar për t'i treguar kristianëve si të jetojnë një jetë të ekuilibruar të vazhdueshme që të ndikojnë tek njerëzit për Zotin Jezus Krisht, pa ndikuar bota për keq tek ata.

I. *Duhet ta kuptosh që në qoftë se ti jeton për Jezus Krishtin do të përjetosh kundërshtime nga bota.*

- A. Ti do të kundërshtohesh, sepse Jezus Krishtin e kundërshtuan - **Gjoni 15:18-21** *“¹⁸Nëse bota ju urren, ta dini se më ka urreyer mua para jush. ¹⁹Po të ishit nga bota, bota do të donte të vetët; por sepse nuk jeni nga bota, por unë ju zgjodha nga bota, prandaj bota ju urren. ²⁰Kujtoni fjalën që unë ju thashë: “Shërbëtori nuk është më i madh se zoti i tij”. Nëse më kanë përndjekur mua, do t’ju përndjekin edhe ju; nëse kanë zbatuar fjalën time, do të zbatojnë edhe tuajën. ²¹Por të gjitha këto gjëra do t’ju bëjnë për shkak të emrit tim, sepse nuk e njohin atë, që më ka dërguar.”*
- B. Ti do të kundërshtohesh vetëm në qoftë se jeton për Të. Në qoftë se jeton si bota ata nuk do të kundërshtojnë ty - **2 Timoteut 3:12** *“Por edhe të gjithë ata që duan të rrojnë me perëndishmëri në Krishtin Jezus, do të përndiqen,”*

II. *Në cilat fusha do të vijë kundërshtimi?*

- A. Kundërshtimi kryesor do t’ju vijë nga ata njerëz që janë më afër jush dhe që ju i njihni më mirë - shokët, familja, shokët e punës, të njohurit - **Mateu 10:35-36** *“³⁵Sepse erdha ta ndaj njeriun nga ati i tij, dhe bijën nga nëna e saj, dhe nusen nga vjehrra e saj, ³⁶dhe armiqtë e njeriut do të jenë ata të shtëpisë së tij.”* **Gjoni 1:11** *“Erdhi te të vetët dhe të vetët nuk e pranuan,”* **Marku 6:4** *“Por Jezusi u tha atyre: «Asnjë profet s’është i përbuzur veçse në vendlindjen e tij, në faretisin e vet dhe në shtëpinë e vet».*
- B. Nga njerëzit e pashpëtuar në përgjithësi. Dy familjet shpirtërore asnjëherë nuk kanë shkuar dhe nuk do të shkojnë mirë me njëra-tjetrën - **Galatasve 4:29** *“Po, sikurse atëherë ai që lindi sipas mishit përndiqte atë, që kishte lindur sipas Frymës, kështu është edhe tani.”*
- C. Nga shoqëria në përgjithësi. Kursi i sistemit të botës së sotme është kundër Zotit. Ky kundërshtim komunikohet nëpërmjet medias (literaturës, televizionit, radios etj). Ju duhet t’i gjykoni këto gjëra sipas Fjalës së Perëndisë - **1 Gjonit 2:15-17** *“¹⁵Mos e doni botën, as gjërat që janë në botë. Në qoftë se ndokush do botën, dashuria e Atit nuk është në të, ¹⁶sepse gjithçka, që është në botë, dëshirimi i mishit, dëshirimi i syve dhe fodullëku i jetës, nuk është nga Ati, por është nga bota. ¹⁷Dhe bota kalon dhe dëshirimi i saj; por ai që bën vullnetin e Perëndisë mbetet në përjetësi.”* **Jakobi 4:4** *“O shkelës dhe shkelëse të kurorës, a nuk e dini se miqësia me botën është armiqësi me Perëndinë? Ai, pra, që do të jetë mik i botës bëhet armik i Perëndisë.”*
- D. Sigurisht mendja që qëndron prapa këtij kundërshtimi është djalli.
1. Ai është armiku juaj - **1 Pjetrit 5:8** *“Jini të kthjellët, vigjiloni; sepse kundërshtari juaj, djalli, sillet rreth e qark si një luan vrumbullues, duke kërkuar cilin mund të përpijë.”*

2. Ai punon vazhdimisht me njerëzit e pashpëtuar - **Efesianëve 2:2** “në të cilat keni ecur dikur, sipas ecjes së kësaj bote, sipas prijësit të pushtetit të ajrit, sipas frymës që vepron tani në bijtë e mosbindjes,”

III. Si mund ta mposht një kundërshtim të tillë?

- A. Përgjigju qetësisht. Shmang zënie kur është e mundur - **Fjalët e Urta 15:1** “Përgjigjja e ëmbël e fashit zemërimin, por fjala therëse e nxit zemërimin.” **Romakëve 12:18** “Po të jetë e mundur dhe aq sa varet prej jush, jetoni në paqe me të gjithë njerëzit.”
- B. Kënaqe Perëndinë me jetën tënde - **Fjalët e Urta 16:7** “Kur Zotit i pëlqejnë rrugët e një njeriu, ai bën që edhe armiqtë e tij të bëjnë paqe me të.”
- C. Ki besim tek Perëndia – **Fjalët e Urta 3:5,6** “⁵Ki besim tek Zoti me gjithë zemër dhe mos u mbështet në gjykimin tënd; ⁶pranoje në të gjitha rrugët e tua, dhe ai do të drejtojë shtigjet e tua.”
- D. Duaji armiqtë e tu dhe ndihmoji ata. Jezus Krishti i deshi armiqtë e tij aq shumë sa që vdiq për ta, kur nuk duhej që të bënte atë. Bota nuk mund ta kuptojë këtë lloj dashurie, por atyre që e kërkojnë të vërtetën do t’u shfaqet kjo - **Romakëve 12:14, 20-21** “¹⁴Bekoni ata që ju përndjekin, bekoni dhe mos mallkoni.” “²⁰Nëse armiku yt, pra, ka uri, jepi të hajë; në pastë etje, jepi të pijë; sepse, duke bërë këtë, do të grumbullosh mbi krye të tij thëngjij të ndezur.” ²¹Mos u mund nga e keqja, por munde të keqen me të mirën.”
- E. Lutu për armiqtë e tu dhe lutu me motive të pastra - **Mateu 5:44** “Por unë po ju them: “Duajini armiqtë tuaj, bekojini ata që ju mallkojnë, u bëni të mirë atyre që ju urrejnë, dhe lutuni për ata që ju keqtrajtojnë dhe ju përndjekin,”
- F. Zgjidh një shoqëri të mirë. Shoqërohu me njerëz që e duan Zotin dhe duan t’i shërbejnë Atij.- **Fjalët e Urta 13:20** “Kush shkon me të urtët bëhet i urtë, por shoku i budallenjve do të bëhet i keq.” **1 Korintasve 15:33** “Mos u gënjeni; shoqëritë e këqija prishin zakonet e mira.”
- G. Zhyteni veten tuaj në Fjalën e Perëndisë dhe ndiqni vullnetin e Tij - **Romakëve 12:1-2** “¹Ju lutem, pra, o vëllezër, nëpërmjet dhembshurisë së Perëndisë, t’i paraqitni trupat tuaj si fli të gjallë, të shenjtë, të pëlqyeshëm për Perëndinë, që është shërbesa juaj e mençur. ²Dhe mos u konformoni me këtë botë, por transformohuni me anë të ripërtëritjes së mendjes suaj, që të provoni cili është i miri, i pëlqyeri dhe i përsosuri vullnet i Perëndisë.”

IV. Si duhet të më shikojë bota e pashpëtuar mua si një kristian?

- A. Ata duhet ta dinë që ti e do Perëndinë - jo aq shumë me gojë sesa me jetën tënde **1 Korintasve 8:3** “Por në qoftë se dikush e do Perëndinë, ai është i njohur prej tij.”
- B. Stili i jetës tënde duhet të të ndajë ty nga bota, dhe sjellja jote duhet të jetë e veçantë sipas shkrimit të shenjtë për ty - **2 Korintasve 6: 14-18** “¹⁴Mos hyni në një zgjedhë bashkë me jobesimtarët, sepse ç’lidhje ka drejtësia me paudhësinë? Dhe çfarë bashkësie ka drita me errësirën? ¹⁵Dhe ç’harmoni ka Krishti me Belialin? Ose ç’pjesë ka besimtari me jobesimtarin? ¹⁶Dhe çfarë marrëveshje ka tempulli i Perëndisë me idhujt? Sepse ju jeni tempulli i Perëndisë së gjallë, sikurse tha Perëndia: «Unë do të banoj në mes tyre, dhe do të eci ndër ta; do të jem Perëndia i tyre dhe ata do të jenë populli im». ¹⁷Prandaj «dilni nga mesi i tyre dhe ndahuni prej tyre, thotë Zoti, dhe mos prekni asgjë të papastër, dhe unë do t’ju pranoj, ¹⁸dhe do të jem Atë për ju, dhe ju do të jeni për mua bij e bija, thotë Zoti i Gjithpushtetshëm». **1 Pjetrit 2:9** “Por ju jeni fis i zgjedhur, priftëri

mbretërore, komb i shenjtë, popull i fituar nga Perëndia, që të shpallni lavdinë e atij, që ju thirri nga terri në dritën e tij të mrekullueshme;"

- C. Megjithatë nuk duhet të jesh i veçantë nga pamja e jashtme sa të humbasësh ndikimin tënd. Njerëzit e pashpëtuar duhet të të shohin ty si një njeri të thjeshtë në çështjet fizike **Filipianëve 4:5** "Butësia juaj le të njihet nga të gjithë njerëzit; Zoti është afër." **1 Korintasve 9:22** "iu bëra të dobtëve, si një i dobët, që të fitoj të dobëtit; të gjithëve u bëra gjithçka, që me çdo mënyrë të shpëtoj disa."
- D. Ata duhet të të shohin ty si një njeri të hapur dhe të sinqertë në të gjitha çështjet **2 Korintasve 8:21** "sepse kujdesemi të veprojmë mirë jo vetëm përpara Zotit, por edhe përpara njerëzve." **Romakëve 12:17** "Mos ia ktheni kurrkujt të keqen me të keqe, kujdesuni të bëni të mira përpara të gjithë njerëzve."
- E. Ata duhet të shohin një dëshmi të gjallë të hirit të Perëndisë - **Filipianëve 2:14-15** "¹⁴Bëni gjithçka pa murmuritje dhe pa mëdyshje, ¹⁵që të jeni të paqortueshëm dhe të pastër, bij të Perëndisë të patëmetë në mes të një brezi dredharak dhe të çoroditur, në mes të të cilit ju ndriçoni si pishtarë në botë, duke e mbajtur lart fjalën e jetës,"
- F. Në përgjithësi ju duhet të jeni një dëshmi e mirë – **1 Timoteut 3:7** "Por duhet që ai të ketë dëshmi të mirë edhe ndër të jashtëmit, që të mos bjerë në turp dhe grackën e djallit." **Kolosianëve 4:5-6** "⁵Ecni me urtësi ndaj të jashtëmëve duke shfrytëzuar kohën. ⁶Fjala juaj të jetë gjithnjë me hir, e ndrequr me kripë, që të dini si duhet t'i përgjigjeni gjithsecilit."

V. Si duhet ta shikoj unë botën?

- A. Ju jeni një shtegtar në një tokë të huaj - **Hebrenjve 11:13** "Të gjithë ata vdiqën në besim, pa marrë premtimet, por i panë ato për së largu dhe u bindën dhe i përshëndetën ato, duke rrëfyer se janë të huaj dhe shtegtarë mbi dhe." **1 Pietrit 2:11** "Të dashur, po ju nxis, si të huaj dhe shtegtarë, të hiqni dorë nga lakmitë e mishit, që luftojnë kundër shpirtit."
- B. Shtëpia juaj është në Parajsë - **Efesianëve 2:6** "edhe na ringjalli bashkë me të dhe na vuri të ulemi bashkë me të në vendet qiellore në Krishtin Jezus," **Filipianëve 3:20** "Sepse qytetaria jonë është në qiejt, prej nga edhe presim me durim Shpëtimtarin, Zotin Jezu Krisht,"
- C. Kjo botë është mundësi për të fituar të pashpëtuarit për Jezus Krishtin - **Veprat e Apostujve 1:8** "Por do të merrni fuqi kur Fryma e Shenjtë do të vijë mbi ju dhe do të më bëheni dëshmitarë në Jerusalem dhe në gjithë Judenë dhe Samarinë dhe deri në skajin e dheut". **Mateu 28:18-20** "¹⁸Dhe Jezusi u afrua dhe u foli atyre duke thënë: «Mua më është dhënë çdo pushtet në qiell e në tokë. ¹⁹Shkoni, pra, dhe bëni dishepuj të gjithë kombet duke i pagëzuar në emër të Atit e të Birit e të Frymës së Shenjtë, ²⁰duke i mësuar të mbajnë të gjitha sa ju kam urdhëruar. Dhe ja, unë jam me ju gjithë ditët, deri në mbarim të botës. Amen».

Pyetje - Përgjigje:

1. Si kristianë ju do të përjetoni kundërshtime nga bota. Pse ndodh kjo?
2. Thoni burimet e kundërshtimeve që do të hasni.

3. Ka disa mënyra se si kristianët merren me kundërshtimet nga bota. Shpjegoni shkurtimisht se si këto vargje mund t'ju ndihmojnë - **Fjalët e Urta 13:20** *"Kush shkon me të urtët bëhet i urtë, por shoku i budallenjve do të bëhet i keq."* **Fjalët e Urta 15:1** *"Përgjigjja e ëmbël e fashit zemërimin, por fjala therëse e nxit zemërimin."* **Fjalët e Urta 16:7** *"Kur Zotit i pëlqejnë rrugët e një njeriu, ai bën që edhe armiqtë e tij të bëjnë paqe me të."* **Mateu 5:44** *"Por unë po ju them: "Duajini armiqtë tuaj, bekojini ata që ju mallkojnë, u bëni të mirë atyre që ju urrejnë, dhe lutuni për ata që ju keqtrajtojnë dhe ju përndjekin,"* **1 Gjonit 5:4-5** *"⁴Sepse gjithçka që ka lindur prej Perëndisë e mund botën; dhe kjo është fitorja, që e mundi botën: besimi ynë. ⁵Cili është ai, që e mund botën, veçse ai, që beson se Jezusi është Biri i Perëndisë?"* **Romakëve 12:20-21** *"²⁰Nëse armiku yt, pra, ka uri, jepi të hajë; në pastë etje, jepi të pijë; sepse, duke bërë këtë, do të grumbullosh mbi krye të tij thëngjij të ndezur». ²¹Mos u mund nga e keqja, por munde të keqen me të mirën."* **Romakëve 12:2** *"Dhe mos u konformoni me këtë botë, por transformohuni me anë të ripërtëritjes së mendjes suaj, që të provoni cili është i miri, i pëlqyeri dhe i përsosuri vullnet i Perëndisë."*
4. Kur njerëzit e pashpëtuar vëzhgojnë jetën tuaj, çfarë duhet të shohin ata?
5. Ndërsa ti shikon botën e pashpëtuar, cili është pozicioni yt?

Vargje përmendsh:

- 2 Timoteut 3:12** *"Por edhe të gjithë ata që duan të rrojnë me perëndishmëri në Krishtin Jezus, do të përndiqen,"*
- 1 Gjonit 2:15-16** *"¹⁵Mos e doni botën, as gjërat që janë në botë. Në qoftë se ndokush do botën, dashuria e Atit nuk është në të ¹⁶sepse gjithçka, që është në botë, dëshirimi i mishit, dëshirimi i syve dhe fodullëku i jetës, nuk është nga Ati, por është nga bota."*
- 1 Korintasve 8:3** *"Por në qoftë se dikush e do Perëndinë, ai është i njohur prej tij."*

MËSIMI 18 - VENDI I GJYKIMIT TË KRISHTIT

"A ka një ditë gjykimi për të Krishterët, dhe për çfarë do të jem përgjegjës unë?"

Bibla thotë se rrugët e Zotit nuk janë rrugët tona sepse njeriu shikon anët e jashtme fizike të gjërave, ndërsa Zoti shikon qëndrimin e zemrës dhe vepron në anën shpirtërore. Nëse ti, do t'i shërbesh aktivisht Zotit, duhet ta largosh përqëndrimin tënd nga gjërat fizike dhe të përqëndrohesh në ato shpirtërore. Jeta jote do të ketë kuptim dhe qëllime me vlerë në qoftë se do të jetosh në botën shpirtërore, duke u përqëndruar në gjërat e përjetshme.

I. Cili është "Vendi i gjykimit të Krishtit"?

- A. Zoti do të gjykojë çdo qenie njerëzore që ka jetuar ndonjëherë.
Fjalët e Urta 29:26 *"Të shumtë janë ata që kërkojnë favorin e princit, por drejtësia për çdo njeri vjen nga Zoti."* **Hebrenjve 9:27** *"Dhe, duke qenë se është caktuar që njerëzit të vdesin një herë, dhe më pas vjen gjyqi,"*
- B. Zoti gjykoi mëkatën e Botës në Kalvar. Duke vendosur besimin në Jezus Krishtin nuk do të gjykoheni për mëkatet, sepse Ai mori gjykimin mbi vetveten.
Romakëve 5:8 *"Por Perëndia e tregon dashurinë e tij ndaj nesh në atë që, kur ende ishim mëkatarë, Krishti vdiq për ne."* **2 Korintasve 5:21** *"Sepse atë, që nuk njihje mëkat, e bëri mëkat për ne, që ne të bëhemi drejtësia e Perëndisë në të."* **Galatasve 3:13** *"Krishti na shpengoi nga mallkimi i ligjit, sepse u bë mallkim për ne (sepse është shkruar: «I mallkuar është kushdo që varet në dru»),"* **1 Pietrit 2:24** *"Ai vetë i barti mëkatet tona në trupin e tij mbi drurin e kryqit që ne, të vdekur për mëkate, të rrojmë për drejtësi; dhe me vurratat e tij ju u shëruat."*
- C. Gjykimi juaj do të jetë për shërbimin tuaj ndaj Zotit Jezus Krisht pas shpëtimit. Kjo ngjarje quhet: "Vendi i Gjykimit të Krishtit".
Romakëve 14:10 *"Por ti, përse e gjykon vëllanë tënd? Ose edhe ti përse e përbuz vëllanë tënd? Sepse të gjithë, do të paraqitemi përpara fronit të gjykatës së Krishtit."* **2 Korintasve 5:10** *"Sepse ne të gjithë duhet të shfaqemi para selisë së gjykatës së Krishtit, që secili të marrë shpëtimin e gjërave që ka bërë me anë të trupit, në bazë të asaj që ka bërë, qoftë në të mirë apo në të keqe."*

II. Përse do të gjykohem unë tek Vendi i Gjykimit të Krishtit?

- A. Ti do të gjykohesh për punën tënde si një shërbëtor i Jezus Krishtit.
1 Korintasve 3:11-15 *"¹¹sepse askush nuk mund të hedhë themel tjetër përveç atij që është hedhur, i cili është Jezu Krishti. ¹²Dhe, në qoftë se dikush ndërton mbi këtë themel ar, argjend, gurë të çmuar, dru, sanë, kashtë, ¹³vepra e secilit do të shfaqet, sepse dita do ta tregojë; sepse do të zbulohet në zjarr, dhe zjarri do të provojë veprën e secilit e ç'illoji është. ¹⁴Në qoftë se vepra që dikush ka ndërtuar mbi themelin qëndron, ai do të marrë pagë, ¹⁵në qoftë se vepra e dikujt digjet, do të pësojë humbje, por ai vetë do të shpëtohet, por, si përmes zjarrit."* **1 Korintasve 13:1-3** *"¹Po të flisja gjuhët e njerëzve dhe të engjëjve, dhe të mos kisha dashuri, do të bëhesha si një bronza që kumbon ose si cimballi që tingëllon. ²Edhe po të kisha dhuntinë e profecisë, edhe të dija të gjitha misteret dhe mbarë shkencën dhe po të kisha gjithë besimin sa të luaja nga vendi malet, por të mos kisha dashuri, nuk do të isha asgjë. ³Edhe po të ndaja gjithë ç'kam timen që të ushqeja të varfrit dhe po ta*

jepja trupin tim që të digjej, e të mos kisha dashuri, nuk do të më vlente asgjë!”

III. Cilat janë pasojat negative të këtij gjykimi?

- A. I turpëruar që s'ke jetuar për Zotin Jezus Krisht. **1 Gjonit 2:28** “Edhe tani, djema, qëndroni në të që, kur të shfaqet ai, ne të mund të kemi besim, dhe në ardhjen e tij të mos turpërohemi para Tij.”
- B. Vuajtjen e humbjes, sepse veprat e tyre ishin të përkohëshme dhe jo të përjetshme. **1 Korintasve 3:15** “në qoftë se vepra e dikujt digjet, do të pësojë humbje, por ai vetë do të shpëtohet, por, si përmes zjarrit.”
- C. Humbje të shpërblimit sepse ata jetuan në mëkate dhe jo për Jezus Krishtin. **2 Korintasve 5:10** “Sepse ne të gjithë duhet të shfaqemi para selisë së gjykatës së Krishtit, që secili të marrë shpëtimin e gjërave që ka bërë me anë të trupit, në bazë të asaj që ka bërë, qoftë në të mirë apo në të keqe.”
- Galatasve 6:7** “Mos u gënjeni: Perëndia nuk vihet në lojë, sepse ç’të mbjellë njeriu, atë edhe do të korrë.”
1. Mos u gënje nga dukjet e jashtme në jetën tënde dhe në jetën e të tjerëve. Shumë njerëz vetëm sa duken se janë shërbëtorë të Zotit. **Luka 16:15** “Dhe ai u tha atyre: «Ju jeni ata që e nxirrni veten të drejtë përpara njerëzve, por Perëndia i njeh zemrat tuaja; sepse ç’është e lartë ndër njerëzit, është e neveritshme para Perëndisë.” **1 Korintasve 1:27-31** “²⁷por Perëndia ka zgjedhur gjërat e marra të botës për të turpëruar të urtët; dhe Perëndia ka zgjedhur gjërat e dobëta të botës për të turpëruar gjërat e forta; ²⁸dhe Perëndia ka zgjedhur gjërat jo fisnike të botës dhe gjërat e përçmuara, edhe gjërat që nuk janë, për të asgjësuar ato që janë, ²⁹që asnjë mish të mos mburret përpara tij. ³⁰Edhe prej tij ju jeni në Krishtin Jezus, i cili u bë për ne urtësi prej Perëndisë, drejtësi edhe shenjtërim edhe shpengim; ³¹që, sikurse është shkruar: «Ai që mburret, le të mburret në Zotin». **2 Korintasve 11:13-15** “¹³Sepse të tillë janë apostuj të rremë, punëtorë hileqarë, që shndërrohen në apostuj të Krishtit. ¹⁴Dhe nuk është për t’u çuditur, sepse satani vetë shndërrohet në engjëll drite. ¹⁵Nuk është, pra, gjë e madhe, nëse edhe shërbyesit e tij shndërrohen në shërbyes të drejtësisë, fundi i të cilëve do të jetë sipas veprave të tyre.”
 2. Sigurohu që të investosh për shpërblimet qiellore në vend të shpërblimeve tokësore. Shërbëtorët e vërtetë të Zotit do të zbulohen tek vendi i Gjykimit të Krishtit. **Mateu 6:19-20** “¹⁹Mos mblidhni për vete thesare mbi dhe, ku i brejnë tenja dhe ndryshku dhe ku vjedhësit shpërthejnë dhe vjedhin, ²⁰përkundrazi, mblidhni për vete thesare në qiell, ku as tenja as ndryshku nuk prishin dhe ku vjedhësit nuk shpërthejnë dhe nuk vjedhin.” **Kolosianëve 3:1-4** “¹Në qoftë se, pra, u ringjallët me Krishtin, kërkonte ato gjëra që janë lart, ku Krishti është ulur në të djathtë të Perëndisë. ²Kini në mend ato që janë lart, jo ato që janë mbi tokë, ³sepse keni vdekur dhe jeta juaj është fshehur bashkë me Krishtin në Perëndinë. ⁴Kur të shfaqet Krishti, jeta jonë, atëherë edhe ju do të shfaqeni në lavdi bashkë me të.”

IV. Çfarë shpërblimesh janë të mundëshme të fitohen?

- A. Kurora e Drejtësisë - **2 Timoteut 4:8** “Pas kësaj më pret kurora e drejtësisë, që Perëndia, gjykatësi i drejtë, do të ma japë atë ditë, dhe jo vetëm mua, por edhe

gjithë atyre që presin me dashuri të shfaqurit e tij.” - dhëne atyre që presin me dashuri të shfaqurit e Zotit Jezus Krisht.

- B. *Kurora e Jetës - **Zbulesa 2:10** “Mos ki frikë fare nga ato për të cilat do të vuash; ja, djalli do të hedhë disa prej jush në burg, që të provoheni, dhe ju do të keni shtrëngim për dhjetë ditë. Ji besnik deri në vdekje dhe do të të jap kurorën e jetës.” - kurora e martirëve. (shih edhe **Jakobi 1:12** “Lum njeriu që duron tundimin, sepse kur del i sprovuar, do të marrë kurorën e jetës, të cilën Zoti ua premtoi atyre që e duan.”)*
- C. *Kurora e Paprishme - **1 Korintasve 9:25** “Dhe kushdo që merr pjesë në garë e përmban veten në të gjitha; ata, pra, për të marrë një kurorë që prishet, kurse ne për një kurorë që nuk prishet.” - dhënë për maturi dhe përmbajtje.*
- D. *Kurora e Gëzimit **1 Thesalanikasve 2:19** “Cila, pra, është shpresa jonë, a gëzimi, a kurora e lavdisë? A nuk jeni pikërisht ju, përpara Zotit tonë Jezu Krisht në ardhjen e tij?” - kurora e fituesve shpirtëror.*
- E. *Kurora a Lavdisë - **1 Pjetrit 5:4** “Dhe kur të shfaqet kryebariu, do të merrni kurorën e lavdisë që nuk fishket.” - kurora e barinjve të krishterë, dhënë atyre që u shërbejnë njerëzve si pastorë në Fjalën e Zotit.*

Pyetje bazë.

- A. Përse duhet të shqetësohem për vendin e gjykimit të Krishtit?
 - 1. Shpërblimet që merr mbi tokë të gjitha janë të përkohëshme dhe do të zhduken. Shpërblimet që merr në vendin e gjykimit nuk do të zhduken kurrë. **2 Korintasve 4:17 - 5:4** ¹⁷*Sepse shtrëngimi ynë i lehtë i tashëm, prodhon për ne, një peshë të përjetshme të pamasë e të pashoqe të lavdisë; ¹⁸ndërsa ne nuk i drejtojmë sytë ndaj gjërave që duken, por ndaj gjërave që nuk shihen, sepse gjërat që duken, janë për një kohë, kurse ato që nuk shihen, janë të përjetshme.” ¹Ne e dimë, në fakt, se kur kjo çadër, vendbanimi ynë tokësor, prishet, ne kemi një ndërtesë nga Perëndia, një banesë të përjetshme, në qiej, që nuk është bërë nga dora e njeriut. ²Sepse edhe në këtë çadër ne psherëtimë duke dëshiruar fort të veshim përsipër banesën tonë qiellore, ³edhe nëse e kemi të veshur, nuk do të gjendemi lakuriq. ⁴Sepse ne, që jemi në këtë çadër, psherëtimë duke qenë të rënduar dhe, për këtë arsye nuk duam, pra, të zhvishemi, por të veshim përsipër, që ç’është e vdekshme të përpihet nga jeta.”*
 - 2. Duke u përqëndruar vazhdimisht në vëndin e gjykimit të Krishtit, ti në mënyrë të natyrshme do të zhvillosh një dëshirë për të kënaqur Zotin në vënd të njerëzve. **2 Korintasve 5:6-9** ⁶*Duke marrë zemër gjithnjë dhe duke ditur se gjersa banojmë në trup, banojmë larg nga Zoti, ⁷(sepse ecim me anë të besimit dhe jo me të parë.) ⁸Por ne kemi zemër dhe na parapëlqen më tepër ta lëmë trupin dhe të shkojmë e të banojmë pranë Zotit. ⁹Prandaj edhe e kemi për nder t’i pëlqejmë atij, qoftë duke banuar në trup, qoftë duke e lënë atë.” **1 Korintasve 7:23** “Ju jeni blerë me një çmim, mos u bëni skllëvër të njerëzve.”*

Pyetje - Përgjigje.

1. Cili është ai grup njerëzish që do të gjykohet në vendin e gjykimit të Krishtit?
2. Për çfarë do të gjykohesh ti në vendin e gjykimit të Krishtit?
3. Cilat janë pasojat negative të këtij gjykimi?
 - A.
 - B.
 - C.
4. Shkruaj cilat janë 5 kurorat dhe përshkruaj shkurtimisht për çfarë janë dhënë.
 - A.
 - B.
 - C.
 - D.
 - E.
5. Cili është ndryshimi ndërmjet shpërblimeve që ju merrni mbi tokë dhe atyre të marra në vendin e gjykimit të Krishtit!
6. Shpjego shkurtimisht qëllimin kryesor të këtij mësimi.

Vargje përmendsh:

2 Korintasve 8:9 *“Sepse ju e njihni hirin e Zotit tonë Jezu Krisht, që, duke qenë i pasur, u bë i varfër për ju, që ju të bëheni të pasur me anë të varfërisë së tij.”*

1 Gjonit 2:28 *“Edhe tani, djema, qëndroni në të që, kur të shfaqet ai, ne të mund të kemi besim, dhe në ardhjen e tij të mos turpërohemi para Tij.”*

Luka 16:15 *“Dhe ai u tha atyre: «Ju jeni ata që e nxirrni veten të drejtë përpara njerëzve, por Perëndia i njuh zemrat tuaja; sepse ç’është e lartë ndër njerëzit, është e neveritshme para Perëndisë.”*